

**NATIONAL ASSEMBLY OF
SEYCHELLES**

Tuesday 12th September 2023

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou zofisye Lasanble; nou piblik ki pe swiv nou. Dabor mon swet zot labyenveni pou komansman sa trimes travay Lasanble. Mon espere ki zot in annan en moman repo dan letan ki nou'n dan *recess*. E ki nou'n nobou repran lafors.

E an menm tan, mersi pou tou bann ki'n ranpli serten responsabilite Lasanble, pandan letan *recess*. Swa dan zot distrik, swa dan Lasanble li menm. Mon vreman apresye travay ki bann Komite in kontinyen fer, pandan letan *recess*. E mon kontinyen swet zot bon kouraz.

Avan mon al lo lot keksoz permet mwan eksprim mon kondoleans anver Manm Parti US, sirtou nou bann koleg ki la pou dese zot ansyen koleg Onorab Olsen Vidot ki nou'n

aprann yer. E mon eksprim byensir, kondoleans osi pou Manm son fanmir e son bann konesans pros.

Mon ava osi azoute, menm kondoleans e senpati pou lanmor zot lot koleg Mr Marc Volcere ki ti'n arive en pe pli letan pase. Mon war ki sa lekspresyon ki mon pe dir, i osi aplik koman pou Lasanble, nou Lasanble osi. Mersi.

Onorab Bernard Georges in demann mwan laparol, pou eksprim en mo lo sa bann size. Onorab?

HON BERNARD GEORGES

Mersi Mr Speaker. Bonzour Mr Speaker. Bonzour tou bann koleg Lasanble e *welcome back*. Bonzour tou bann dimoun ki pe swiv nou dan lakour.

Efektivman, Mr Speaker, mon ti'n demann ou laparol pou adres 3 ou 4 size, *including* sa 2 ki ou'n mansyonnen. E mon pou fer li tre, tre vitman. Premyerman mon ti a kontan lo lapar nou *caucus*, swet en bon retablisman Onorab Esparon ki pa kapab la avek nou ozordi. Akoz son lasante pa tro term a sa moman. Nou swete ki i ava fer en *speedy recovery*, e ki i a kapab zwenn nou semenn prosenn.

Mon ti ava kontan osi aport nou kondoleans, lo nou

kote latab pou 3 dimoun an partikilye. Enn se plito 3 fanmir an partikilye. Enn se, Onorab Doyace Porice ki'n perdi son manman pandan *recess*.

Dezyenm, se nou ansyen koleg Mr Marc Volcere. Mon rapel Mr Volcere ti en Manm Lasanble ler mwan mon ti en Manm Lasanble. Alor - e mon annan bann tre bon souvenir son letan. Non selman dan Lasanble, me ler i ti *Manager Barclays*, Baie Ste Anne Praslin.

E osi nou fek aprann lanmor Mr Olsen Vidot, en manm si mon pa tronpe *Peoples Assembly*. Me en politisyen enportan dan parti *SPPF*, Lepep, *US*. Nou ti a kontan lo lapar nou *caucus*, Mr Speaker anmenn tou bann mo lankourazman ki nou kapab pou lafanmir sa 3 dimoun ki'n perdi zot lavi.

Finalman, Mr Speaker, mon ti a kontan tout a rekonesan ki *PNQ* bomaten pou adres sa size. E san antre dan okenn *polemic*, mon ti a kontan avek ou permisyon lo lapar nou *caucus* felisit nou *Team Seychelles* pou sa ekselan travay ki zot in fer pandan *Zwe de Zil Madagascar*, ki'n fer nou pei ekstrememan fyer.

Mon krwar e mon konvenki ki Lepep Sesel antye i

dan lazwa apre sa moman kot nou'n vwar nou bann atlet pe perform *at their peak*, si nou kapab dir li koumsa.

Mr Speaker, travay pou anmenn meday en travay non selman endividyel, me en travay kolektif.

(Interruption)

MR SPEAKER

Onorab, les sa kourt. Akoz sa i en size *PNQ*...

HON BERNARD GEORGES

Mr Speaker, mon ti a kontan zis dir sa 2 keksoz swivan; i en travay endividyel e en travay kolektif. E nou kapab rezouir dan 11 disiplin Sesel i ansarz Losean Endyen.

(APPLAUSE)

HON BERNARD GEORGES

Mr Speaker, nou remersiman i al non selman pou bann atlet, me osi pou zot paran ki ti siport zot. Pou Minis, pou *CEO*, pou *CEO* e pou tou bann zofisye ki ti akonpanyan zot. E ki ti donn zot sa sipor.

Pandan sa 10 zour *Madagascar*, Sesel in kapab kit tou bann diverzans dekote. E nou'n inifye koman en sel pep. E si *sport* i kapab fer en keksoz, *sport* i kapab inifye nou. *Team*

Seychelles se tou Sesel an-antye.

E mon oule lo lapar parey mon'n dir nou Lasanble ozordi, sirtou lo kote nou *caucus* remersye tou sa bann ki'n fer Sesel fyer pandan sa dernyen Zwe De Zil. Mersi Mr Speaker.

(APPLAUSE)

MR SPEAKER

Onorab Pillay, mon'n vwar ou lev lanmen. Ou pa ti'n demann mwan laparol. Me selman si oule adres bann size ki'n leve, mon a war li annord. Vi ki ou pa'n demann mwan laparol pou lezot size nou a reste lo sa bann.

HON SEBASTIEN PILLAY

Mersi Speaker. Bonzour tou koleg Onorab. E bonzour tou dimoun ki a lekout. Mr Speaker, premyerman le sel size ki mon ti oule adrese bomaten, e ler mon war ou fer li, sete pou eksprim nou senser kondoleans avek lafanmir Mr Olsen Vidot.

Nou'n - mwan menm mwan, e Onorab Cosgrow e Dokter Marvin Fanny nou'n ganny sans vizit lafanmir yer. E nou annan plizyer koleg ki'n vizit lafanmir. Mon konnen lafanmir i dan en moman detres. Nou tou nou senpati, e tou nou lapriyer i avek zot.

Mr Vidot in en koleg travay pou mwan menm personnelman. In en koleg travay pou plizyer dimoun. E in en *public servant* ki'n donn en kantite son letan, pa zis pou pei pou son kominote. Me pou fer sir ki Sesel oubyen bann etidyan ki'n pas atraver *NYS* i benefisyé, atraver son fason fer son disiplin.

E nou lapriyer, e tou nou senser senpati anver son fanmir. Mon oule osi swet loportinite lefe ki Lasanble ti dan *recess*, kot nou'n perdi en koleg pros. Pou mwan menm Onorab Marc Volcere ti en koleg tre pros. En koleg travay ki nou'n ansanm dan 5enm Lasanble, e ki'n kit nou.

Ankor enn fwa nou senpati e tou nou lapriyer avek son fanmir. E ki nou swete ki zot kapab pran letan pou *overcome* sityasyon; sityasyon detres ki zot ladan. Permet mwan osi pou swet lafanmir Mr Patrick Victor ki'n perdi enn son frer. Sa osi nou senser kondoleans, Mr Victor i en dimoun ki'n donn bokou dan bann lafors.

E nou'n perdi en dimoun tre kalib, ki'n fer bokou kontribisyon pou nou pei. Lo nou par Mr Speaker, e lo nou par personnel koman en dimoun Glacis, mon oule swet

en *speedy recovery* mon koleg Onorab Regina Esparon Alcindor.

E lo lapar... Regina Esparon, Alcindor i son sinyatir ki nou konn li nou tou Glacis. Mon swet son msye e son bann zanfan tou kouraz pandan moman ki i pe pas dan en moman difisil. E nou swete ki tre byento i ava avek nou. Mersi Mr Speaker.

MR SPEAKER

Mersi Onorab. Nou a kontinyen avek *Order Paper*. E nou a pran prezantasyon dokiman. Madanm Clerk.

MADANM CLERK

Mersi Mr Speaker. Bonzour Mr Speaker. Bonzour tou bann Manm. Tou bann *staff* Lasanble Nasyonal e tou dimoun ki a lekout. Bann papye ki pe ganny prezante *ce matin* i;

S.I. 53 of 2023 Environment Protection (Effluent Standards) Regulations, 2023.

S.I. 54 of 2023 Associations Act (Commencement) Notice, 2023.

S.I. 55 of 2023 Excise Tax (Imposition of Sugar Tax on Drinks) Regulations, 2023.

S.I. 56 of 2023 Postal Sector (Clearance of Courier Goods and Door-to-Door Delivery) Regulations, 2023.

S.I. 57 of 2023 Licences (Trade) (Amendment) Regulations, 2023 Mid-Year Economic and Fiscal Outlook – Financial Year 2023 and 2024 Outlook.

Public Utilities Corporation – Annual Report 2022.

Mersi Mr Speaker.

MR SPEAKER

Mersi Madanm Clerk. Nou a prosede. Wi, nou a pran *reading, First Reading Public Bills*. Madanm Clerk?

MADANM CLERK

Mersi Mr Speaker. *This act may be cited as the Utilities Regulatory Commission Act, 2023.* Mersi Mr Speaker.

MR SPEAKER

Mersi. Avek sa bann lanons, nou a prosede avek *Private Notice Question*. Mon a demann madanm raporter pou apel Minis pou *PNQ*.

Bonzour Minis Marie-Celine Zialor, Minis pou Lazenés, *Sport* e Lafanmir. E osi pe akonpany li Mr Marc Arissol, *Chief Executive Officer National Sports Council*. E tou lede byenveni dan Lasanble pou partisipasyon dan *Private Notice Question*.

Mon ava envit *Leader Lopoziyon* pou met son kestyon silvouple.

HON SEBASTIEN PILLAY

Mersi Mr Speaker. Ankor enn fwa bonzour tou dimoun. Bonzour Minis avek ou delegasyon Mr Arissol. E bonzour tou koleg Onorab. Ankor enn fwa. Bonzour tou dimoun ki a lekout, sirtou bann *sportsmen*, zot paran e tou bann ki'n partisip dan Zwe de Zil.

Permet mwan pou felisit bann atlet. E bann *sportsmen* ki'n partisip dan Zwe de Zil e zot ankadrer e zot paran. Mon konnen zot in sey fer tou pou zot fer le meyer dan zot performans.

Mr Speaker, mon kestyon pou Minis i lir koumsa;

Eski Gouvernman i kapab eksplik sa Lasanble, akoz ki lekkip Sesel '*Team Seychelles*' in pli mal performen an term meday lor ki sa bann lannen presedan dan sa dernyen Zwe de Zil? Mersi Mr Speaker.

MR SPEAKER

Mersi Onorab. Minis ou larepons.

MINISTER MARIE-CELINE ZIALOR

Mersi Mr Speaker. Bonzour Mr Speaker. Bonzour le 2 dirizan dan Lasanble. Bonzour tou bann Manm Onorab. E bonzour

tou dimoun ki a lekout, espesyalman nou kominote sportif Mr Speaker.

Mr Speaker, i en plezir ozordi bomaten nou demar Lasanble nou fer lot sesyon Lasanble avek Zwe de Zil. E pou mwan ankor enn fwa vin felisit lekkip Sesel ki'n pran par dan Zwe de Zil 2023; "*Team Seychelles*" parey nou apel zot.

Sesel an antye ti deryer *Team Seychelles*, e zot ti a pe don nou tou sa sipor posib. E mwan mon ti laba depi seremoni louvertir Mr Speaker, ziska seremoni klotir. E mon'n ganny sans vwar e viv bann moman tre for avek *Team Seychelles*.

Mon'n temway premyerman, dezapwentman nou bann atlet spor lo delo, akoz napa en disiplin zot spor ki'n ganny enkli dan sa edisyon zwe. Mon'n la pe donn lanmen kriye letan nazer, zenn nazer Amos zis 16an i rat en meday lor par en santyenm en segonn. E sa Mr Speaker, i son premye Zwe de Zil.

Mon'n la pe donn lanmen dispit letan desizyon kontrovers dan laboks, ki aras Shane son meday lor. Mon'n la pe ankouraz Felicity ki i ti pe fer fas avek en koud ki ti'n kase. E lezot defi medikal ki i ti annan,

malgre sa in nobou fer mirak ganny en meday lor.

Mon'n la Mr Speaker, ler nou tou ti pe tonm latak parey bokou lezot Seselwa letan nou tim *volleyball* madanm ti pe bataye kont lekip e lafoul Malgas, ki reprezant 29 milyon dimoun avek Sesel! E pa bliy refri tou, pou zot kapab ganny zot meday lor.

Mon'n la Mr Speaker, pe kriye kot *weightlifting* letan Janette pe larger osi kont en lebra kase pou sey mont lo sa *podium*. E kot lezot tre zenn atlet prometan. Ti en tre zenn lekip, pe fer fas avek konpetisyon nivo tre, tre o pou zot ganny zot 2 meday lor.

Avan al *Madagascar* Mr Speaker, mon'n osi bezwen donn lankourazman Ned ki'n ganny *injury* tre serye ki'n anpes li al defann zon meday lor. E pareyman pou Natasha Chetty dan atletik.

Mon'n ganny sans diskit avek Abdel ek Rodney, 2 nou bann zwer profesyonnel ki malerezman pa'n kapab form parti lekip ki'n al *Madagascar*. Me ki zot in la avek *National Team*, fer sa ki zot kapab met moral ek tim avan ki tim i ale.

E Mr Speaker, mon'n admir avek bokou lafyerte, bokou lafyerte menm letan nou lekip *Volet Jeunesse* ti prezant

nou kiltir. E reaksyon dan sa lasal ki ti vo en meday lor.

Mr Speaker, pou sa bann legzanp konkret ki mon'n donnen, mon pou mentenir mon reaksyon pozitiv lo performans *Team Seychelles*. Sa ki deside pa rekonnnet zot zefor, sa i zot zafer.

Mwan ansanm avek Gouvernman, nou salye zot zefor. Nou konnen ki bann difikilte zot in pas atraver. E tou zot bann sakrifis pou ki zot kapab rann lapel e reprezant zot pei.

Mr Speaker, eski sa bann zefor ki nou bann atlet, bann ankadrer, zot fanmir, lasosyete pa merit ganny rekonnnet e ganny apresye? Eski sel rezilta ki konte dan spor dan Zwe de Zil se meday lor? Tou sa bann legzanp endividyel ki mon'n mansyonnen, eski sa i move performans?

Mwan mon oule ankor enn fwa ankouraz tou bann atlet, e tou manm; ti napa zis atlet, ti annan lezot manm medikal, siko-sosyal pou kontinyen dan en fason tre pozitiv dan *sport*. Akoz *sport*, nou'n vwar nou tou la ek sa Zwe de Zil ki mannyer dan en fason tre pozitiv in anmenn pei ansanm.

E mon anvi dir zot kontinyen reprezant Sesel. E mon oule remersye *First Lady*

ki'n donn bokou son letan, pou siport nou bann atlet an personn *Madagascar*. E mon oule remerisi Prezidan Larepublik, pou zefor spesyal ki in fer pou al seremoni louvertir.

E pli gran remersiman pou li pou premye fwa, premye fwa Sesel organiz seremoni donn sertifika tou manm lekip *Team Seychelles* an antye san leksepsyon!

(APPLAUSE)

MINISTER MARIE-CELINE ZIALOR

Mr Speaker, mwan koman en dirizan Seselwaz ki annan responsabilite pou diriz *Sport*, Lazenés ek Lafanmir, mwan, mon pran sa responsabilite tre, tre serye. E pou sa rezon ki mon'n swazir parey tenm Konsey Nasyonal Lazenés i dir "Pozitivite toulezour".

E mon santi ki sa bann aksyon pozitiv ki nou pe fer koman en Gouvernman, i komans aport frir. E nou kapab santi sa pozitivite pe vibre avek nou bann zenn e dan *sport*. Alors mwan Mr Speaker, mon dir ankor enn fwa *Team Seychelles* felisitasyon e kontinyen fer flote nou paviyon. Mersi.

(APPLAUSE)

MR SPEAKER

Mersi Minis. Bon, mon annan 11 Manm ki'n lev lanmen. Mon averti zot poudir nou pou gard lareg ki nou abitye servi pou *PNQ*. Nou pou pran kestyon siplemanter bann Manm ziska 10er mwen 10. Apre sa, nou pou pran kestyon loter kestyon.

Mon demann premye kestyon Onorab Wavel Woodcock.

HON WAVEL WOODCOCK

Mersi Mr Speaker. Bonzour Minis, *CEO* e tou dimoun a lekout. Mr Speaker, permet mwan pou komanse par felisit tou bann atlet pou zot bon performans dan *Zwe de Zil*. Espesyalman bann atlet Praslin, Angelique Adeline e Adrian Volcere e Dominic Dugasse.

Mon kestyon i konm swivan; Minis, kalite e nivo e standar bann fasilite *sport* i zwe en gran rol dan devlopman bann atlet. E sa ladministrasyon in erit lamazorite bann fasilite *sport* dan bann move leta. Dan bann kondisyon deplorab. Mon kann sa tre byen aköz mwan ki *Chairman* Komite ki responsab *sport* pou Lasanble. Mon'n vizit plizyer sa bann fasilite.

Eski Minis i kapab dir nou en pti pe, ki bann lanfaz ki ou

Gouvernman ou Minister pe mete, pou met an plas sa bann fasilite pou ede dan devlopman nou bann atlet, sirtou dan bann fitir Zwe de Zil? Mersi bokou.

MR SPEAKER

Mersi Onorab. Minis, ou repons?

MINISTER MARIE-CELINE ZIALOR

Mersi Mr Speaker. Depi ler nou'n vini, definitivman lanfaz lo lenfrastruktir nou'n mete. E avek sipor Minister Finans, Mr Speaker, avek sipor nouvo Lazans Lenfrastruktir (SIA) nou'n nobou kapab annan en plan travay pou komans aranz bann lenfrastruktir ki pa ti la, *sorry*. Ki dan en leta deplorab.

Aprè osi fer plan pou konstri lezot ki nou bezwen. E apre rearanz *upgrade* en pe bann ki nesese. E sa i pa en louvraz fasil Mr Speaker. Akoz leta ki i ladan, anmezir ki bann enzenyer i komans travay komans donn kontra, komans fer prosedir zot war prezan ki annan travay pou fer. I annan en kantite menm.

Me selman nou'n ganny garanti Minis Finans, avek Gouvernman pou met bann resours nesese ki bezwen. E pou nou osi tou rod kapasite kot bann lenfrastruktir. Nou

napa Sesel bann kapasite pou rod aletranze. Mersi Mr Speaker.

MR SPEAKER

Mersi Minis. Mon pou partaz bann kestyon ant le 2 kote. E mon a demann Onorab Wilbert Herminie pou met son kestyon.

HON WILBERT HERMINIE

Mersi Mr Speaker. Bonzour Minis ek ou delegasyon. E bann lezot koleg Onorab. Minis, mon oule remersi ou pou ou kestyon, ou larepons. E osi mon anvi felisit bann atlet ki'n partisip dan Zwe de Zil.

Nou konnen ki lo kote personnel i annan bann ki'n fer bon rezilta. Me lo kote rezilta total nou'n war ki lakantite meday in desann. Me sa i pa zot lafot. Mon pe prezimen sa i en pe lo move planifikasyon e preparasyon ki Minister *Sport* in fer pou prepar nou bann atlet pou sa Zwe de Zil.

Akoz Minis, sak fwa ou ti vin dan Lasanble ou ti dir koumsa "ou pe travay lo plan. Nou pou pe fer pli byen."

(Interruption)

MR SPEAKER

Pa antre dan en largiman avek Minis silvouple. Poz kestyon.

HON WILBERT HERMINIE

Mr Speaker, mon bezwen sitye mon kestyon.

MR SPEAKER

Ou'n sitye ou kestyon. Mersi.

HON WILBERT HERMINIE

Mon a demann en kestyon senp alors. Ki planifikasyon ou Minister in fer pou Zwe de Zil? Mersi.

MR SPEAKER

Mersi. Minis ou repons.

MINSITER MARIE-CELINE ZIALOR

Mersi Mr Speaker. Mr Speaker, planifikasyon Zwe de Zil, dernyen Zwe de Zil an 2019. E 2019, 2020 letan nou vini planifikasyon dapre mon konpran ou fer depi 4an koman ou komanse.

Ler nou'n vini, nou pa ni zwenn en *post-mortem* ansyen Zwe de Zil. Ler nou'n vini nou pa'n zwenn ni en plan planifikasyon pou Zwe de Zil. Me ki nou'n fer se ki tou federasyon, lasosyasyon 2021 dan lannen COVID kot napa *sports* i pa'n fer preski ditou. *Sport* endividyel.

Sport kolektiv in komans 6 mwan apre dan lannen 2022. E tou federasyon, lasosyasyon pou premye fwa, premye fwa

Sesel in ganny sans ganny son Bidze avek laliberte. Avek fleksibilite pou zot ki teknisyen, pou zot fer plan pou tou bann zwe ki annan.

E nou, nou'n bezwen - nou'n bezwen *focus* lo mank kapasite ki nou pa'n *train* lakantite dimoun dan *Sports Management* larestan landrwa, kot nou'n bezwen met *accountability*. E tou larestan dokiman, e travay lo en Lalwa ki byento i a vin dan Lasanble, pou moderniz li pou fer en plan stratezik 5an pou *sport*.

Sa i rol en Gouvernman. Lezot pei Gouvernman pa antre dan bann desizyon teknik *sports* organize. Se bann teknisyen ki la, nou sa bann bout keksoz Mr Speaker, ki ziske prezan- ziske prezan nou ankor pe mete.

Wi, i pou pran letan. Ou pou toultan tann mwan vin dan Lasanble Mr Speaker pe koz lo la. Akoz keksoz ki pa'n ganny fer pandan tou sa kantite letan 15an, 20an, 30an mon pa krwar ou pou fer dan 3an. Fodre pa krwar nou fer dimoun krwar sa.

Selman nou pran bann bout kot nou, nou la nou pran responsabilite. Nou pran bann bout ki responsab e anmezir nou ale nou fer. E akoz nou pe fer li diferaman, diferaman. Wi, pe pran en pe letan pou nou

kapab met li lo son lipye pou li al dan en nivo kot i ete.

Kot Gouvernman i sorti zafer kontrol *sports* avek politik. Mersi Mr Speaker.

MR SPEAKER

Mersi Minis. Mon a pran kestyon Onorab Georges Romain.

HON GEORGES ROMAIN

Mersi Mr Speaker. Bonzour Minis ek *CEO NSC*. Minis, mon kestyon ou'n *partially* reponn. Akoz mon okouran ki bann federasyon zot ti ganny zot Bidze pou zot depans zot larzan ki manner zot ti anvi depanse, baze lo sa Zwe de Zil ki ti pe vini.

Alors mon kestyon Minis dan sa laliny, mon konnen ki bokou bann atlet zot in swazir pei ki zot in vreman anvi ale. E lekel zwer ki zot in anvi anmenn ek zot. Minis eski vreman ou satisfè avek lafason ki manner sa bann federasyon in depans zot larzan? Sa i mon premye kestyon.

Aprè Minis, mon dezyenm kestyon i dan sa laliny. Mon konnen bokou bann federasyon in ganny sans al *overseas*. E ou kapab dir nou lekel bann federasyon ki'n vreman in ale? E lekel ki'n fer plis letan

aletranze dan *training*? Mersi Mr Speaker.

MR SPEAKER

Mersi Onorab. Minis ou repons silvouple.

MINISTER MARIE-CELINE ZIALOR

Mersi Mr Speaker. I annan detruwa bann kestyon ki Onorab in demande, kekfwa si *CEO* i annan lenformasyon avek li. Akoz kestyon ti pe demann lo meday lor.

Pou reponn teknikman, lo kote satisfaksyon teknik nou bezwen esper *post-mortem* tou federasyon. Tou bann... pou premye fwa parey nou pou al fer *post-mortem* Zwe de Zil pou nou kapab ti ou sa bann teknik, bann teknisyen pou zot analize.

Nou, nou regard Polisi. Nou regard lafason kot napa kapasite pou nou kapab devlope. E wi i vre sa ki ou'n dir, poudir sa bann federasyon an mezir nou a pe *empower* zot. Pou zot kapab pran bann *sports*. Akoz pou retir sa eleman politik ladan.

Pou retire ki zis 1 dimoun i asiz dan lofis par ler, par la. E i get ou figir kontan i pa kontan i deside ki i pou fer. Nou pe retire fer sa dan en fason profesyonnalizm, pou li kapab vini. Selman Mr Speaker, si ou

permet kekfwa *CEO* i ava kapab petet si i annan sa lenformasyon lo kote bann *training camp* ki'n ale. Mersi.

MR SPEAKER

Mersi. *CEO*, ou annan laparol.

CEO NSC MARC ARISSOL

Bonzour Mr Speaker. Bonzour bann Manm Onorab. Lo kote... in annan *training camp* ki'n organize. Me parey Minis in dir ou sa lannen nou'n donn sa avek bann federasyon. E zot in *take the ownership* pou zot gete ki bor ki pli meyer pou zot ale, avek sa Bidze ki nou'n donn zot.

Egzakteman la avek mon napa egzakteman kote zot in ale. Me mon a kapab fer Lasanble ganny sa dan lasemenn ki vini. Mersi Mr Speaker.

MR SPEAKER

Mersi *CEO*. Mon a pran kestyon Onorab Aglae.

HON EGBERT AGLAE

Mersi Mr Speaker. Bonzour Minis ek *CEO*. E ankor enn fwa mon osi mon a felisit tou bann atlet ki'n partisip dan nou Zwe de Zil. Minis, ou'n koz lo tir politik kot i konsern *sport*.

Minis, mon met a ou latansyon poudir ou menm koman en Minis ou ti'n fer sorti

serten let, sirkiler pou anpes serten atlet partisip dan bann levennman sportif, ki swa lokal ou enternasyonal.

E osi dan sa Lasanble dan lepase, kestyon in ganny anmennen par *Leader* Lopozisyon ki ozordi i Prezidan lo atlet. Eski sa ou pe dir nou ou pe tir politik? Seselwa i a zize pou li menm. Mon kestyon pou ou Minis, alors se atlet son priyorite se *train* e partisipe.

E rol Gouvernman li sete pou ankadre sa atlet dan bann kad administrativ pou li kapab ganny loportinite pou li pous devan. Lo sa Minis, mon ti a kontan demann ou. Premyerman, akoz ki plizyer nou bann pei zanmi ki'n natirelman bilateralman parey Lasinn nou annan Larisi, nou annan *Cuba*, zot pa'n kapab aport soutyen pou nou bann atlet kapab ganny bann *training* pli o nivo. Parey *Madagascar* in gannyen. Moris in resevwar. Eski ou Minister pa'n al angaze ver sa bann pei zanmi ki tradisyonnelman siport nou?

Dezyenm Minis, leta psikolojik, mantal mon kapab dir, nou bann atlet i enportan pou kapab *shine* Minis. E nou'n war bann konsern ki bann atlet menm avan kit pei, pou bann kestyon lozistik ki letan mantal nou bann atlet pa'n al sa oter.

E deza ou kapab dir, zot in fini perdi.

So, ki ou Minister i anvizaze fer dan le fitir petet pou kapab fer ki avan nou bann atlet i met lipye lo avyon, bann lozistik retar ou ladministrasyon in kapab ganny met annord, ki nou bann atlet ler i ariv dan sa pei zot napa okenn *worry* pou al *worry about*? Mersi.

MR SPEAKER

Mersi Onorab. Minis, ou repons?

MINISTER MARIE-CELINE ZIALOR

Mersi Mr Speaker. I annan plizyer pwen ki Onorab in leve. Lo sa kote plan mantal apre CEO i ava kapab donn en pti pe plis detay. Mon a komans par sa.

Mr Speaker, ler nou'n vini ankor parey mon pe dir premye fwa, premye fwa dan Zwe de Zil nou al avek en tim psiko-sosyal, avek en tim medikal. Nou pa'n vin zwenn si ti vreman enportan pou parti Lopoziyon.

Mon mazine letan zot ti o pouvwar Mr Speaker, nou ti a vin zwenn enn byen etabli! Nou pa'n vin zwenn enn byen etabli. Nou'n bezwen nou mete sa program, e ki CEO pou eksplike - dezormen i pou reste

la a kote *sports* pou ki leta mantal nou bann atlet zisteman, i ava dan en bon leta ler zot pe al partisipe.

E i ti pou deza dan kiltir, i ti pou deza ganny aksepte. I ti pou deza en travay ki'n fer en pe letan, akoz i pran letan sa. E lo sa kote lozistik, *Madagascar* pa ti konnen si i pe organize, si i pa pe organize, konbyen.

Tou sa bann retar lozistik, mon'n fek dir dan mon larepons lo komansman Mr Speaker. Nou, nou ti laba *Madagascar* nou vwar sa bann difikilte avek sa bann lozistik ki arive lo sa bann retar.

E sa la, tou zwe mon'n al zwe *Commonwealth* menm parey ek Langleter, Lozistik parey, i bann realite organiz en gran zwe parey par bann pei o kot ou ganny sa bann retar.

Be sa pa sipoze afekte atlet sa bann retar la. Sa i bann dimoun ki pran en lenformasyon i ale pou li fer en keksoz negativ avek. Nou, nou reste pozitiv parey mon'n dir. E nou kontinyen vwar ki mannyer nou amelyore.

E akoz atlet nou, nou napa sa bann lyen diplomatik avek bann pei. Sa i persepsyon Onorab Mr Speaker. I annan. i annan en kantite tou menm. Me selman sa parey nou pe dir avan sa osi tou. Sa ti en fason

kontrole lekel ki ale, lekel ki pa ale.

Sa i en desizyon teknik, federasyon avek lasosyasyon. Departman Spor avek Lazenés i annan en levantay diferan pei. E diferan letablisman sportif osi ki lezot pou lazénés dan lezot domenn, ki i la li - i deza la.

Napa okenn lyen, soutyen ki nou'n aret dan semen ki nou pa'n pran. Sa i en fo konsepsyon Mr Speaker ki Onorab i oule fer Lasanble krwar. E sa zafer politik, fodre nou etal li byen. Ler i annan okenn, okenn striktir pei, ouswa nenport ki prosedir ki pa ganny swiv byen konsernan atlet, konsernan lezot dimoun Mr Speaker.

I nou louvraz koman Gouvernman pou demann kestyon. I nou louvraz pou demande. E letan in ler pou demann kestyon, si zot vwar sa koman politik sa i zot swa, pou nou kontinyelman demande bann kestyon.

Ler nou ganny kestyon ki kler, e letan nou vwar ki prosedir i ganny aranze i ganny swiv byen. Nou aprezan nou'n ok avek sa, nou dakor.

Me selman ler in ler pou demann kestyon Mr Speaker, nou pou demande pou byennet, pou byennet sa pep, sa pei. Mersi. Mon ti a kontan petet kekfwa Mr Speaker avek ou

permisyon si CEO i a kapab donn en pti lenformasyon lo *psychosocial support*.

MR SPEAKER

Wi CEO, ou kapab adrese. Ou annan laparol.

CEO NSC MARC ARISSOL

Mersi Mr Speaker. Mr Speaker, mon tre kontan akoz sa lannen nou'n entrodwir sa ki nou apel en *Psychosocial Team*. Letan mon'n antre dan lofis mon'n ekout bokou bann atlet. Mon war poudir parfwa nou focus lo zis sa laspe fizik sa atlet, kot nou fer *training, training* e en kantite *bully* parfwa nou fer.

Bann *coach* i *bully* bann atlet endirekteman, met en kantite presyon. Paran osi parfwa i met presyon, kot nou oule ekspekte ki nou ganny rezilta. Me san regarde poudir sa atlet i an antye.

E sanmenm ler kot nou'n osi travay pou nou regard bann lezot laspe mantal, psikolojik. E menm nitrisyon, e spirityel. Nou'n entrodwir nou *day chaplains*, pou kapab fer sir ki sa atlet i ganny gete an antye. E zis parey Onorab ou'n dir, i annan de fwa kot ou antre dan en *match* ou'n fini ganny bate mantalman ler ou get sa *crowd*.

Me nou, nou pe met tou sa bann keksoz annord. E sa i

form parti nou plan stratezik lo kot nou pe devlop *sport science*. E nou'n santi ki i pe fer lenpak, nou annan dimoun ki pe evalye. Zot ti avek nou la dan sa Zwe de Zil pou evalye pou nou kapab donn en rapor avek Gouvernman, pou vwar ki lenpak sa pe fer.

E pou premye fwa osi, nou'n osi fer *safeguarding*. Parey mon pe dir i annan en kantite keksoz ki mon'n dekouver dan spor. I annan en kantite labi mantal e menm emosyonnel. So, nou fer *safeguarding session* pou nou kapab protez nou bann atlet.

E tousala i form parti sa lasyans ki bann atlet, i pa zis perform fizikman, me osi regard zot laspe mantal, psikolojik, nitrisyon e medikal osi. So, sa i en keksoz ki mon kontan, akoz nou'n ganny sipor avek *cabinet* avek Gouvernman ki lannen prosenn zot pe siport sa tim. E nou pe prezan etabli ki mannyer apre Zwe de Zil, nou pou kontinyen ale avek sa menm lespli. Mersi Mr Speaker.

MR SPEAKER

Mersi *CEO*. Mon a pran kestyon Onorab Sandy Arissol?

HON SANDY ARISSOL

Mersi Mr Speaker. Bonzour tou dimoun a lekout. Mon ti a

kontan zwenn Minis avek *CEO*, avek tou nou bann koleg Onorab, zisteman pou mwan felisit tou bann atlet Tim *Seychelles* parey nou pe koz lo la san ensilte zot konpetans, san ensilte zot kapasite, pou rode lekel ki anmenn meday ouswa non.

Me felisit zot tou pou partisipe dan sa lespli pozitiv pou nou pei. Mon kestyon ki mon ti a kontan demann Minis, se 2 pti kestyon senp. Mon ti a kontan demann Minis ti annan en levennman ekstraordiner ki ti arive *State House* Sanmdi. Kot tou Tim *Seychelles*, tou bann atlet, zofisye dan lespli napa politik, ti napa politik.

Parski mon ti war diferan kalite dimoun *State House*. Mon ti a kontan demann Minis alor eski sa levennman la, sa leksplozyon ki ti annan *State House* la; eski in deza arive oparavan - letan zot in fouy dan *file*, zot in war in deza arive oparavan ek sa pti sertifikasyon ki bann Manm ti donnen? Mon premye kestyon.

Dezyenman, mon ti a kontan demann avek ou koman Minis Spor, eski bann atlet zot atlet zis ler i annan Zwe de Zil kot nou tou nou vini demann kestyon, nou felisit zot. Ki arive ek bann atlet ler napa Zwe de Zil? Deza dan sa *post-mortem*

Minis ki mon mazineen zot Gouvernman i bezwen fer, nou Gouvernman pou bezwen fer.

Eksplik nou kwa ki zot pe mazineen pou nou bann atlet an term lekipman, fasilite, *training* e *proper* lanvironnman, pou zot kapab fer bokou pli byen pou Tim Sesel. Anmenn plis meday lor ki nou tou dan sa Lasanble nou pe rode pou lot Zwe de Zil ki a pe vini, koman bann atlet pei? Mersi bokou.

MR SPEAKER

Mersi Onorab. Mon le rapel bann Manm ki keestyon orizinal i lo performans an term meday lor. Mon apresye ki Onorab Arissol in azout sa bout avek son keestyon. Silvouple annou sey reste lo keestyon orizinal. Minis ou repons.

MINISTER MARIE-CELINE ZIALOR

Mersi Mr Speaker. Wi, Mr Speaker, se akoz nou konpare avek sa keestyon nou, nou krwar ki *Team Seychelles* in fer tre byen. E se akoz sa pou premye fwa Sesel Prezidan ti deside levennman *State House*, envit tou. Ganny meday, pa ganny meday, en atlet, pa en atlet si ou ti form par dan *Team Seychelles*.

Akoz nou anvi komans – nou anvi komans sa kiltir

lapresyasyon pou bann dimoun ki al reprezant Sesel dan en kapasite ou en lot. E mon krwar Prezidan depi ler in vin *State House* in komans ouver *State House* avek - tanzantan, mwan mon ale avek bann atlet ouswa bann zenn ki fer byen dan nenport ki domenn.

E sa i laspe pozitivite nou Gouvernman Mr Speaker. E pou bann atlet kek fwa mon ava pas laparol avek *CEO*, ki teknisyen ki annan en plan. E dayer nou annan en Bidze ki mon krwar pou premye fwa osi Bidze *Sport* i pou sa kantite ki pou vini. Detrwa lannen osi la, mon tann bokou koze lo wi Bidze tir larzan pa met la.

Me selman la mon war Gouvernman la, Gouvernman *LDS* pe met bokou plis larzan dan Bidze *Sport* e pe donn bokou plis siport. Nou, nou ganny bokou sipor pou nou kapab anmenn bann program ki nou pe anmennen. E nou pe kontinyelman ganny sa, me pou detay brefman Mr Speaker, si ou permet mon a pas laparol avek *CEO*. Mersi.

MR SPEAKER

CEO, ou annan laparol.

CEO NSC MARC ARISSOL

Mersi bokou Mr Speaker. Pou nou kontinyen la, ki nou'n fer;

Zwe de zil in terminen. Nou pe re-pozisyonn nou avek nou bann *sport* konpetitiv. Tre byento nou pou annan en *forum*, pou nou kapab diskite rod fason pou nou kapab *empower* pli byen nou bann federasyon.

E fodre konpran ki poudir dan *sport* Sesel, pa tou mon pa zeneralize i annan bokou volonter. E parfwa bann volonter i mank kapasite. So, nou bi la koman fasilite *sport* Sesel se pou *empower* nou bann federasyon pou zot kapab delivre bokou pli byen.

E nou osi la nou pe al get pli lwen, pou nou *empower* osi bann atlet. Par egzanp nou Konstitisyon i annan en kantite atlet pa konnen ki zot drwa. E parfwa ou war en pti group dan en federasyon i kontrol tou keksoz. So, tousala nou bezwen al rod fason pou nou *empower* nou bann atlet, *ok?*

I annan osi en lot kestyon ki'n demann lo bann atlet ki'n fini, nou annan menm diskisyon la. Nou'n koz lo *life after sport*. I annan bokou fwa nou vwar en atlet in fer tre byen dan en serten Zwe de Zil. Ozordi i a pe vann mang dan bor semen. So, nou anvi fer sir ki sa bann keksoz osi nou ankadre en pti pe sa.

Regarde nou ankor pe diskite pou nou kapab annan en Polisi, pou nou regarde ki mannyer nou ankadre pli byen nou bann atlet. Parfwa nou fer *sport*, me nou pa'n donn zot en karyer. Ler *sport* i fini, zot osi zot fini. So, tousala nou pe revwar en pti pe dan sa prosen lannen ki pou vini. Mersi Mr Speaker.

MR SPEAKER

Mersi *CEO*. Mon pran kestyon Onorab Loze.

HON JOHAN LOZE

Mersi Mr Speaker. Mr Speaker, kestyon in ganny poze avek Minis, e Minis i santre tou son larepons otour leskiz lepase. Prezan kestyon ki ganny demande la, se 2011, 2015, 2019 ti annan meday. Ti annan bokou plis meday ki la ozordi.

E Minis pe les nou konpran ki problem se sa ki'n arive dan lepase. Pa sa ki'n arive la pandan sa dernyen 3an depi ki li in Minis. Be problem i avek en lepase ki'n anmenn bokou plis meday ki li in anmennen sa lannen 2023.

Avan ti napa plan avek *post-mortem*, me nou ti ganny meday!

MR SPEAKER

Prosed lo en kestyon Onorab.
Pa largiman avek Minis.

HON JOHAN LOZE

Mon pe konstri mon kestyon Mr Speaker. Selman mon a remerisi ou pou ou lenterseksyon. Bon, Mr Speaker, mwan mon anvi byen kler, napa personn ki pe kestyon okenn konpetans okenn atlet. Me sel konpetans ki an kestyon se ou Minis ek son Gouvernman.

So, dan tou sa bann plan ki ou'n fer depi ki ou'n antre koman Minis, ozordi tou rezon ki ou'n *fail* koman Minis dan Zwe de Zil se lepase...

(Interruption)

MR SPEAKER

Onorab, Onorab. Sa arete.

HON JOHAN LOZE

Leskiz lepase. Sa ki nou anvi konnen Minis...

(Interruption)

MR SPEAKER

Ou pa la pou akiz Minis ki in *fail*. E mon krwar sa i pa antre dan relevans kestyon. So, si ou annan en kestyon silvouple prosede demann li. E evite antre dan sa bann largiman lakizasyon. Mersi.

HON JOHAN LOZE

Mersi Mr Speaker. Minis ou'n *successfully* anmenn mwens meday ki 2011, 2015 ek 2019 ladan *you have been very successful*. Be sa sikse mwens meday ki ou'n fer Minis, dan tou ou planifikasyon *what went wrong?* Dan ou planifikasyon, nou bezwen konn laverite e realite kwa ki'n al mal pou nou konnen ki mannyer pou nou korize.

Sa ki'n al mal i pa kapab 2011, 2015, 2019 parski 2011,2015, 2019...

(Interruption)

MR SPEAKER

Ale, Onorab (*laughter*) ou'n poz en kestyon. Minis, Onorab in demande ki sa ki'n al mal. Adres kestyon silvouple.

MINISTER MARIE-CELINE ZIALOR

Mersi Mr Speaker. Mr Speaker, son lopinyon al mal i pou li, e mon a kit ek li. Mwan napa personn ki pou vin konvenk mwan ki'n laba *Madagascar*, ki'n dan sa sez pandan 3an ki mwan mon'n *fail*. Sa i lopinyon Onorab, e mon respekte son lopinyon.

Me parey mon kontan dir la nou agree pou dezagree. E si son sel mezir se par mezir

meday lor konpetans en dimoun, sa osi i lo li. E mwan mon pa mezir konpetans nou bann atlet *Team Seychelles* e mwan menm par lakantite medya lor ki arive.

Sa i son diferans ant li avek mwan. Mwan mon tre fyer, mon tre satisfé louvraz ki mwan mon'n fer pandan sa 3an *whether or not* Lopozisyon i vwar e zot dakor.

Kontre Mr Speaker, mon ti pou en pti pe konsernen si zot ti dakor. Ler zot pa dakor la, la mon anpe. Mersi.

(APPLAUSE)

MR SPEAKER

Mersi. Onorab, mon pa pe donn ou en lot kestyon. Mon pa pe donn ou en *point of order*.

HON JOHAN LOZE

(Off-mic)

MR SPEAKER

Onorab silvouple, gard lord. Mersi. Bon, mon pou aret la avek siplemanter lezot Manm. E mon pas laparol Onorab Pillay, pou swiv avek son siplemanter.

HON SEBASTIEN PILLAY

Ar wi! Mersi, mersi Mr Speaker. Mersi Minis pou ou bann larepons ki ou'n donn nou. Mr Speaker, mon annan devan

mwan bann *statement* ki Gouvernman in fer avan Zwe de Zil.

Apart lot Minis ti fer en *meeting* ek bann atlet, e dir zot kit bann atlet ki problemm disiplin deryer. Si zot pa ganny meday i *ok* kit zot deryer. Sa in raporte Minis ki ti dir sa.

Dezyenmman mon annan devan mwan let ki Minis ti ekrir, ki fer ki Simon Backman i ganny retire dan Lekip Nasyonal. E pa partisip ankor dan Zwe de Zil lo desizyon Prezidan Larepublik. Mon osi annan devan mwan *statement* ki Minis ti fer lo ki mannyer *cargo hold Air Seychelles* pou plen ek meday. Plen ek meday lor ler i desann Sesel sorti *Madagascar*. Tousala i bann *statement* Minis, i dan son plan ki i ti'n fer pou li al anmenn sa performans ki ti pou ranpli *cargo Air Seychelles* pou desann avek meday lor.

MR SPEAKER

Ok. Kestyon prezan Onorab.

HON SEBASTIEN PILLAY

Mr Speaker, les mwan demann mon kestyon...

MR SPEAKER

Kestyon Onorab.

HON SEBASTIEN PILLAY

Aret entervenir, les mwan demann mon kestyon!

MR SPEAKER

Onorab, mon pe entervenir. Mon pe dir ou, ou'n fer *statement* plizyer *statement*. Demann ou kestyon prezan.

HON SEBASTIEN PILLAY

Be Mr Speaker, sa bann *statement* i pertinan akoz nou bezwen kapab ed nou bann atlet. E fer sir ki zot ganny en *management sport* ki alaoter. Sa ki enportan pou nou konpran prezan, ou'n parti en bon pe dezord ki'n ganny kree kot bann federasyon atraver lentervansyon ki nou'n fer an piblik.

E sa bann lentervansyon i lo rikord an piblik. E plizyer federasyon in koz lo la. Ou parmi lezot dezord ki'n ganny kree, *because* lezot federasyon in konplent par egzant ban dimoun ki'n akonpanyi bann atlet sipoze donn zot sipor, par rapor ek bann delegasyon ki'n ranpli avek swa fanmir, ki'n ranpli avek swa dalon, ki'n ranpli avek swa zanmi.

Laboks par egzant Mr Roland Raforme ki'n enn bann ankadrer ki'n ankadre bann bokser, pa kapab vini pou ki rezon? Nou pa ankor kapab ganny en konpran. So, nou

kestyon Mr Speaker, i al ver sa planifikasyon. Minis dan son planifikasyon, pou Zwe de Zil ler sa kestyon ti ganny demande pandan Bidze ti servi sa lekspresyon.

“Ler ou get en limero 9 kot ou ete, ou kapab war li en limero 9. Mwan mon kapab war li en limero 6” me mwan ler mon get en limero 11 kot ou ete, kot mon ete mon war en limero 11. Zis 11 meday lor, paz 11 disiplin, 11 meday lor. Kestyon ki mon annan pou Minis Mr Speaker.

(Interruption)

MR SPEAKER

Kestyon Onorab.

HON SEBASTIEN PILLAY

Aprè ki ou'n enterfer e lankadremman *sport* in ganny afekte. Eski ou pa krwar poudir plan ki ou'n met an plas in *fail*? E ki dayer, ou, ou'n *fail* koman Minis. E ki prezizeman lefe ki ou'n *fail* koman Minis, ou devret *resign* koman Minis *Sport* akoz ou pa'n reisi anmenn rezilta pou nou pei!

(Interruption)

(APPLAUSE)

HON SEBASTIEN PILLAY

E ou'n dezapwent bann atlet. Ou'n dezapwent bann atlet, e ou pa'n donn zot sa lankadreman e sipor nesaser.

MR SPEAKER

Onorab, Onorab mon pou enteronp ou. Akoz ou pe antre dan en largiman avek Minis. Si ou annan kestyon poz li silvouple. Onorab poz ou kestyon.

HON SEBASTIEN PILLAY

Mersi Mr Speaker, Lasanble i bezwen *hold* ou *accountable* pou performans ki'n arive dan Zwe de Zil. E pou premye fwa mon war mon pei, mon pei ki mon kontan pe selebre 11 meday lor.

Kan mon pei, wi, i devret felisit sa bann atlet ki'n ganny sa 11 meday lor, me pe travay pou fer sir ki nou retourn lo nivo ganny 25, 28 ou menm 57 meday lor parey 2011. Dan plas vin rod en litani les...

(Interruption)

MR SPEAKER

Mon pe termin sa sesyon kestyon. Onorab, mon'n donn ou plizyer sans poz en kestyon ou pe zis antre dan en largiman ki mon'n dir mon pa oule war. Minis ek *CEO* mon remerisi zot

pou zot partisipasyon. E mon swet zot bon kouraz. Mersi.

(Minister Zialor and her delegation were excused from the House)

MR SPEAKER

Nou pou prosede avek bann kestyon oral. Dabor mon annan en leksplikasyon. Dan *Assembly Business Committee* letan nou ti annan tre pe kestyon pou Minis, pou okenn Minis.

Nou ti deside met 2, nou ti pe rod 2 Minis pou vin reponn kestyon. E nou ti'n arive swazir Vis-Prezidan Ahmed Afif e osi Minis Ledikasyon, apre diskisyon ki nou ti vwar sa 2 i *available*. Swivan sa, nou'n ganny kestyon sirtou plizyer kestyon pou Minis Ledikasyon.

E osi mon'n annan en konversasyon avek Vis Prezidan. E in prezant mwan serten difikilte ki i annan pou *attend* akoz zot lezot fonksyon. E mon'n war li rezonnab pou les kestyon pou Vis Prezidan 2 kote pou semenn prosenn. E nou pe pran zis kestyon Minis Ledikasyon.

Mon annan 10 kestyon an tou mon krwar. E i annan 2 kalite kestyon; enn i bann kestyon ki ti la avan, ki nou pou

pran. E nou pou donn zot son 15 minit.

Lezot kestyon i vin koman *Question Without Notice*. E mon pran sa bann kestyon parey nou abitye pran *Question Without Notice*. Savedir nou pran kestyon orizinal, e nou pran kestyon siplemanter sa Manm ki'n demande. E sa pou permet nou fini nou travay a tan lo nou *schedule*.

Donk, avek sa-

HON SEBASTIEN PILLAY

(Off-Mic)

MR SPEAKER

Onorab Pillay ou annan en *point of order*, kwa? En *matter of privilege*. Mon a pran ou *matter of privilege*, wi.

HON SEBASTIEN PILLAY

Mersi Mr Speaker. Mon *matter of privilege* i arise la. Premyerman les mwan dir ki mon apresye zefor ki ou'n fer pou *allowed* bann *Question Without Notice* pou antre dan *Order Paper* pou ki nou kapab annan en *Order Paper* pou prezant avek Minis. Mon apresye sa zefor, e mon remersi ou pou sa. E bann Manm lo mon par, bann Manm i remersi ou.

Me *however*, Mr Speaker, mon vwar sa i komans vin en

problenm pou nou Lasanble. Akoz? Mon santi personnelman Mr Speaker, e sa i mon lopinyon e mon'n diskrit avek mon *Caucus*. E nou lopinyon koman *caucus* ki bann Minis dan sa Gouvernman pe mank respe pou sa Lasanble Nasyonal.

Mon pou eksplik ou akoz; nou pa kapab annan en travay ki ganny fer pou nou planifye lazanda Lasanble Nasyonal ki anvoy kot bann Minis. E ki apre ou tande swa Minis pa kapab vini pou en rezon ou en lot, swa Minis pa dan pei.

Mon bezwen demann mon lekor Mr Speaker, si Gouvernman pa kapab ranpli son azanda Lezislatif menm *Bills* i pa kapab donn nou. E son Minis pa kapab vini, ki mannyer nou pou kapab koman Lasanble *hold* Gouvernman *accountable* pou travay ki i pe fer?

E mon santi Mr Speaker, ki mon privez koman en Manm pe ganny afekte ler en Minis i deside ou'n fini anvoy li kestyon. Nou'n fer en *meeting ABC* e mon ti ganny dir dernyen dwa e *challenge* lo sa size ki *ABC* i *the ultimate decision-maker* an sa ki konsern *Order Paper*, ki prezan la nou pe sanz *Order Paper*.

E ki ou Speaker, malerezman mon bezwen fer sa

konplent avek ou, ou pou bezwen dir nou poudir la Vis-Prezidan pa kapab vini.

In the first place i pa ti Vis-Prezidan ki ti sipoze vini, ti sipoze Minis Rangasamy. Vis-Prezidan in aksepte mon kapab konpran Vis-Prezidan, me mon santi i bezwen annan en lord...

MR SPEAKER

Wi, ou'n fer ou pwen. Ou'n fer ou pwen Onorab.

HON SEBASTIEN PILLAY

Mr Speaker...

MR SPEAKER

Ou'n fer ou'n fer ou pwen. Mersi. Mon'n oule zis dir an repons ki Lasanble *Business Committee* e mwan menm mwan, mon pran responsabilite pou fer en *Order paper* ki ase biznes Lasanble lo la. Me si i arive ki mon bezwen fer en sanzman lo *Order Paper*, i anba Lotorite *Speaker* pou kapab fer li.

E mon pran konsiderasyon pozisyon bann Minis, avek tou respe pou drwa Lasanble ganny partisipasyon bann Minis. Mersi. Madanm raporter ou ava apel Minis Valentin silvouple.

Bon, bonzour Dokter Justin Valentin Minis pou Ledikasyon. E pe akonpany li Mrs Merna Eulentin Sekreter

Prensipal dan *Education Services Department*; Mr John Lesperance Sekreter Prensipal *Education Sector Development*. Mersi zot tou pou zot partisipasyon, e byenveni dan Lasanble. Nou a komans avek kestyon bann Manm. E premye lo mon *Order Paper* i kestyon 141 Onorab Wavel Woodcock.

HON WAVEL WOODCOCK

Mersi Mr Speaker. Bonzour Minis ek ou lekip. Mon kestyon i *comme suivant*:

Eski Minis i kapab enform Lasanble kan ki renovasyon lo lakres Anse Kerlan Grand Anse Praslin pou konplete, e kan ki bann zelev pou retourn dan sa lekol? Mersi.

MR SPEAKER

Mersi Onorab. Minis ou repons?

MINISTER JUSTIN VALENTIN

Mersi Mr Speaker. Bonzour Mr Speaker. Bonzour tou bann Onorab. Bonzour tou bann dimoun ki a lekout nou.

Mr Speaker parey labitid pour mwan i touzour - ek mon lekip - i touzour en plezir pou nou vin dan Lasanble pou partaz avek Lasanble bann travay ki Minister Ledikasyon pe fer. E osi pou donn bann

piblik an zeneral en apersi lo Minister Ledikasyon.

Donk, mon pou remerisi dabor bann Manm Onorab ki'n donn mwan kestyon. E Mr Speaker, si ou a permet mwan la mon ava zis pran de segonn pou mwan swet en bonn komansman term bann ansennyan e bann etidyan ki'n fek konmanse yer.

Mon swete ki sa term, trwazyenm term i a vin en gran reisit pou zot tou. E osi bann etidyan dan lekòl prive ki'n konmanse depi semenn avan. Donk apard ki 3 group zanfan – ki taler nou pou elabor lo la - tou bann etidyan i an plas e mon swet zot tou *bonne chance* pour trwazyenm term.

Mr Speaker, an sa ki konsern sa kestyon ki mon'n ganny demande lo lakres Anse Kerlan, mon annan gran plezir pou annons avek Onorab. E mon annan bon nouvel pour bann zabitan Anse Kerlan ki annan son zanfan lakres, ki sa travay in fini. E ki kontrakter la an se moman pe fer bann netwayaz pou remet sa lakres avek lekòl.

E nou ekspekte ki avan lafen sa mwan, bann prosedir reantre dan lakres i an ganny fer e bann zanfan i ava komans lekòl dan lakres Anse Kerlan. Mersi Mr Speaker.

MR SPEAKER

Onorab Woodcock, ou siplemanter?

HON WAVEL WOODCOCK

Mersi Minis. Minis, sa proze ti sipoze fini pandan premye – konmansman lannen. An Zanvye annefe pandan vakans Zanvye sa lannen.

Eski ou kapab donn nou en pti pe detay, donn nou en pe lenformasyon, ki retar? Akoz sa retar - zot in ganny sa retar ek sa proze? Ki en pti pe bann defayans ki zot in fer fas avek pou zot kapab konplet sa proze? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mr Speaker annefe dan bann konstriksiyon kot bann lekòl, wi annandler malerezman pa tou kontrakter ki travay avek menm vites - e sa vites ki nou ti ava voudre zot travay avek.

Sa annandler i montre nou difikilte, sirtou bann travayer ki pe fer bann louvraz pour Minister Ledikasyon, kekfa zot pa ase sansib lo bann louvraz pour Minister Ledikasyon. Akoz? Akoz dan en lekòl annandler ou bezwen fer

en louvraz en pe pli vit – pli vit pli konsyansye, akoz bann etidyan i bezwen retournen.

Me annandler malerezman pa tou bann kontrakter ki travay avek nou, ki pran sa an kont. Me lezot difikilte osi parfwa – e sa i remarkab dan lekol Anse Kerlan – Lakres Anse Kerlan letan ti pe aranze, i annan serten bann louvraz ki pa ti'n prevwar.

Ou konnen sa *building* i pa en *building* nef. E letan en louvraz i konmanse, ou war poudir i annan lot keksoz ki ou bezwen al aranze. Donk sa i tard en pe bann prosedir. Me sa ki enteresan se ki finalman nou'n kapab met sa – bann kontrakter in kapab met sa louvraz anba kontrol e bann zanfan i ava reganny zot lakres. Mersi Mr Speaker.

MR SPEAKER

Mersi Minis. Napa lot kestyon siplemanter. Mon a pas lo kestyon 142 ki dan non Onorab Wilbert Herminie.

HON WILBERT HERMINIE

Mersi Mr Speaker. Bonzour Minis avek ou delegasyon. Kestyon i;

Eski Minis i kapab enform nou Lasanble, ki mekanizm ki Minister Ledikasyon i annan an

plas pou rezourd sa problemn konportman serten zelev dan *school bus*? Mersi Mr Speaker.

MR SPEAKER

Mersi Onorab. Minis, ou repons?

MINISTER JUSTIN VALENTIN

Mersi Mr Speaker. Mr Speaker, i annan en prosedir an plas pour nou dil avek konportman bann zanfan lo bis.

E selman avan mon pran sa kestyon, mon anvi dabor – dabor remerci bann etidyan ki servi bis piblik pou transport zot kot lekol e osi retourn ek zot dan lakour, ki fer li byen.

E zot annan bann bon konportman lo bis, ki bann drayver osi byen ki bann travayer lekol i kontan. Malerezman, i annan bann etidyan ki pa kapab servi sa servis parey i devret. E sa i regretan e i malere.

An gro, nou pozisyon Minister Ledikasyon – apre Mr Speaker, si ou permet mwan mon pou les *PS* dir egzakteman tou bann detay ki annan; me selman nou - Minister Ledikasyon, nou annan en pozisyon.

Etidyan ki pa kapab servi bis byen, nou pou demann zot – nou pou travay avek zot dabor. Nou pou travay avek zot ek zot

paran. Me si zot kontinyen pa servi bis piblik parey zot devret, nou pou demann zot pou aret servi sa servis.

Zot pou bezwen rod lezot alternativ pou zot ariv lekòl, e pou zot retoun se zot. Akòz nou pa kapab kontinyen avek en sistenm kot en group etidyan i deside pou mal konport li lo bis. E akòz ler in mal konport li lo bis, i kree en kantite problem. I kapab kree en problem, i distrer drayver e i met lavi lezot zanfan dan danze.

Donk nou, nou pou pran nou responsabilite konman Minister Ledikasyon. Nou pou idantifye sa bann zanfan, e nou pou travay avek li e son paran. Parey mon'n dir; si zot pa kapab, nou pou napa swa. Zot pou bezwen aret sa servis.

Donk, mon pe demann tou bann zanfan ki servi bis piblik, ouswa nenport ki transpor pou zot ariv lekòl, ouswa pou retoun se zot – pou zot fer li byen. Pou zot konport zot byen, pou zot ariv se zot an sekirite.

E la Mr Speaker, si ou permet mwan, mon a les *PS* dir egzaktman bann *mechanism* ki annan an plas pou nou kapab fer ki servis bis piblik ki bann zanfan i servi, i byen e i an sekirite. Mersi Mr Speaker.

MR SPEAKER

Mersi Minis. *PS*, ou annan laparol.

PS MERNA EULENTIN

Bonzour Mr Speaker, mersi e bonzour tou bann Manm Onorab. En bonzour spesyal pour bann ansennyan e bann etidyan ki'n fek retoun lekòl.

Bon, tou dabor nou ti a kontan felisit lekòl akòz zot met bokou lanfaz lo bon konportman. E sa bann zanfan ki kontinyelman mal konport zot lo bis piblik, aksyon neser i ganny pran avek sa etidyan baze lo rapor ki *SPTC* in fer avek lekòl - e menm avek Minister Ledikasyon.

Bann aksyon ki nou pran, par egzanzp; lekòl i donn sa bann etidyan bann *warning*. E dan serten lenstans zot *bus pass* i ganny pran. E dan serten ka ki nou'n annan, *bus pass* in ganny pran pour en semenn e menm 2 semenn.

I annan osi bann *headteacher* in fer bann prosedir ki bann zanfan ki kontinyelman fer sa bann lofans, zot ganny *ban* lo bis pandan en peryod letan. E sa i baze par egzanzp, lo gravite sa sityasyon.

Dan bann ka vandalizm, apartir rapor *SPTC* ek rapor lekòl, paran i bezwen pey

domaz, e zot pey domaz *SPTC*.
Mersi Mr Speaker.

MR SPEAKER

Mersi *PS*. Onorab Herminie, ou siplemanter? Wi?

HON WILBERT HERMINIE

Mersi Minis pour larepons. Minis, ou'n byen dir ki sa bann aksyon i *distract* drayver e i kapab koz en lensidan. Be dan larepons pour mekanizm, eski zot dan zot plan pou zot kapab met en dimoun? La nou pe koz lo sirtou bann bis ki zot *subcontract* avek bann lakonpanyen prive.

Eski zot dan zot plan pou met en dimoun lo sa bis. Mon pa konnen si en *warden*, ouswa en zofisye sorti kot sa lekol – pou ede *sort out* sa *issue* konportman lo sa bis?

Epi mon ti ava kontan konnen konbyen rapor zot in ganyen, sirtou lo kote disiplin e move konportman dan bis? Mersi.

MR SPEAKER

Mersi Onorab. Minis, ou repons?

MINISTER JUSTIN VALENTIN

Mersi Mr Speaker. Premyerman, lo serten bis i annan bann *staff* – bann ki servi sa bis ansanm avek bann

etidyan. E sa byensir i annan ki zet en regard. E sa bann *staff* ki pe al dan menm direksyon avek bann zanfan.

Non, nou napa lentansyon anploy dimoun ouswa met dimoun lo bis ansanm avek etidyan. Nou anvi ki bann etidyan i konn servi bis byen, e zot kapab. Zot devret servi bis byen.

Me i annan letan kot bann pti zanfan – pti, pti zanfan. Sa nou mete pour ou kestyon sekirite, akoz zot ankor pti, pti. Pou zot ariv se zot byen. Nou mete bann ansenyan – bann ansennyen bann *warden*. Bann *staff* – serten *staff*. Bann ki dan Minister.

Me parey mon'n dir, bann gran etidyan. Akoz sa bann problem lapliparditan i ariv ek bann gran etidyan, nou pa pe mete. Napa lentansyon pour le moman pou mete, akoz sa i pou vin en depans anplis. Zanfan i bezwen aprann konport li lo bis. Sa i sa mesaz ki atraver sa kestyon, Mr Speaker, mon anvi pase; se, zanfan i bezwen aprann konport zot lo bis.

Nou demann zot senp, pou asize. Zot kapab koze lo bis avek zot dalon, me pa vandalizm, pa pou tir lebra met deor e okenn parti lekor met deor.

Ouswa pa pou ni debout kan pa fodre debout. Ouswa pou fer bann gran, gran – mon pa konnen, pou zot ganny dimal. Zot kapab asize trankil lo en larout ki lapliparditan i pa plis ki 45 minit.

E an sa ki konsern sif konbyen rapor egzakteman nou'n gannyen, nou napa sa sif avek nou. Me nou kapab fer zot ganny sa sif kot i nesaser. Mersi Mr Speaker.

MR SPEAKER

Mersi Minis. Siplemanter Onorab Aglae?

HON EGBERT AGLAE

Mersi Mr Speaker. Minis bonzour avek ou *panel*. Minis, *bullying* i en size ki osi – i pa zis dan lekol, i pe arive lo bann bis. Baze lo sa Minis, eski kot i konsern pran aksyon ek bann endividi etidyan ki koupab, ki...

Petet mon ava demann ou, petet ki bann premye mezir, aksyon ki zot pou pare pou pran letan en endividi i ganny trouve koupab?

E osi nou annan bann ki pe repete. Bann lensidan i repete. Eski i annan bann lezot mezir - par egzant ki *extent* ki ou ale?

Eski ou kontinyen permet li servi sa fasilite, pou kapab koz bann serten *disruption* ki

kapab koz aksidan? Mon ti a kontan konnen ki *extent* mezir Minister Ledikasyon i mazine pou pran? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Parey nou'n dir e *PS* in fer resorti dan son pti lentervansyon, nou annan sa lenvestigasyon ki nou fer pou nou gete ki'n arive.

Kot i annan – parey ou'n servi, nou'n servi sa lekspresyon ki ou'n servi. Kot i annan etidyan lo sa bis ki koupab. I ava ganny *warning* kot i nesaser. E parey nou'n dir, si i grav sa ki'n fer, i annan peye pou li peye si in fer okenn vandalizm.

E si non, si son aksyon i repete – e la repete nou pe dir repet 2 fwa. Nou pa pe ale sepa 4 fwa, 5 fwa. Repet 2 fwa, nou pou *ban* li pou servi sa servis.

Akoz mon'n deza vin la dan Lasanble pou koz lo sa *issue bullying*. Nou anvi enn fwa pour tou rezourd sa bann *issue bullying* kot lekol, dan osi lo bis kot bann zanfan pe servi sa bann servis. Donk vwala sa nou pozisyon.

MR SPEAKER

Mersi Minis. Nou a kapab pas lo prosen kestyon. E nou adres bann kestyon dernyen *Without Notice*. Premye i dan non Onorab Churchill Gill.

HON CHURCHILL GILL

Mersi Mr Speaker. Bonzour Minis ek ou delegasyon, tou Manm e tou dimoun ki pe ekout nou.

Pour benefis paran e etidyan lekol segonder lo Praslin, eski Minis i kapab eksplik sa Lasanble, si son Minister in finalman deside pou etidyan lekol segonder lo Praslin konsernan letid vokasyonnel apartir 2024? Mersi.

MR SPEAKER

Mersi Onorab. Wi Minis, ou repons?

MINISTER JUSTIN VALENTIN

Mersi Mr Speaker. Mr Speaker, sa kestyon i tre enportan pour mwan reponn ozordi. Akoz osi i donn nou, Minister Ledikasyon, en sans pou nou partaz avek en pli gran lodyans nou bann lentansyon vizavi *TIVET* – parey tou dimoun i apel li.

E parey zot pe tande, i annan en demars ki nou pe fer, pou nou kapab transform lekol Perseverance pou fer li vin en Sant *TIVET*. E sa i pou premye

faz dan sa prosedir. E sa pou pran etidyan Mahe selman.

Sa premye faz, nou pou konsantre lo bann etidyan ki Mahe. Pou premye faz, bann etidyan ki Praslin e La Digue zot pou kontinyen plizoumwèn – pou kontinyen plizoumwèn...

Mon pou servi sa lekspresyon, apre mon pou kontinyen - plizoumwèn parey ki pe arive dan lepase. Zot pou reste Praslin ouswa La Digue pou le moman – fer zot letid. Sa i nou *thinking* pour premye faz.

Me nou pa anvi okenn a okenn moman ki okenn etidyan i defavorize. Akoz nou anvi osi ki zanfàn Praslin e La Digue i kapab benefisye tou sa bann devlopman ki annan dan Ledikasyon.

Me sa ki arive Mr Speaker, sa konversasyon *TIVET* e sa mouvman etidyan pe donn nesans plizyer konversasyon lo striktir lekol segonder dan Sesel.

E sa bann konversasyon pe evolye vreman vit. E nou nou'n form bann komite dan Minister Ledikasyon pou nou kapab etidye sa ki pe arive. Pou nou kapab rod en plan final e en plan ki bon pour tou bann zanfàn ki dan *TIVET*. E osi bann zanfàn ki vokasyonnel bref, bann zanfàn dan lekol segonder dan Sesel.

I annan dan sa konversasyon Mr Speaker, nesosite pou revwar *TIVET* li menm, sirtou pour bann zanfan lannen prosen ki pe al dan S5. Akoz? Akoz sa mouvman pou al Perseverance - si i mars parey nou anvi i marse, i pou afekte bann zanfan S4.

Donk i pou annan bann zanfan S5 ki nou pou bezwen ankadre zot. E la nou anvi revwar lafason ki *TIVET* an se moman pe ganny fer. An se moman ki nou war?

Nou war bann etidyan ki al ganny plase dan en landrwa travay. Malerezman pour le moman nou pa war sa sipervizyon ki devret annan parey nou ti a voudre. Nou war bann zanfan ki pe sanz sanze.

E malerezman Mr Speaker, la mon pou fran e senser. Nou war menm bann etidyan ki pa ale. Ki reste se zot pou plizyer rezon. I annan ki dir zot pa kontan kot zot pe ale. I annan ki dir zot pa ganny louvraz pou zot fer.

Donk, nou, nou anvi ki omwen dan S5 lannen prosen, nou revwar sa *TIVET* lafason ki ganny fer dan Lendistri. E la plan ki nou pe vin avek – e sa parey mon pe dir, i bann konversasyon ki pe evolye vitman. E nou, nou bezwen

bouz ek menm vites ki sa bann konversasyon pe evolye.

Nou pou travay ek bann Lendistri pou nou kapab dir zot; letan bann etidyan i vin kot zot, idantifye sa *skill* egzakt ki nou anvi sa bann etidyan fer. Pa zis dir; mon pou pran ou etidyan, mon kapab met li la. Les li vin kot mwan. Non!

Nou pou demann zot pou dir nou lekel omwen sa 3 *skill* ki nou kapab fer kot ou? 1, 2, 3. E nou, nou pou *monitor* pou fer ki sa zanfan letan i fer sa peryod letan dan sa lendistri, i kapab fer sa 3 *skill* a lafen son peryod letan. I kapab fer sa 3 *skill* parey sa landrwa in dir lo boner.

Donk, sa i pour sa premye transformasyon pour *TIVET*, sirtou pour S5 lannen prosen - pou fer ki bann etidyan ki ganny plase dan Lendistri. I benefisy e zot kapab sorti apre zot plasman avek 3 konpetans ki zot pou kapab servi apre, pou zot fonksyonnen dan lemonn travay. Mersi Mr Speaker.

MR SPEAKER

Mersi Minis. Onorab ou siplemanter?

HON CHUCHILL GILL

Mersi Mr Speaker. Mersi Minis. Mersi pou ou bann larepons ki ou'n donner. Me selman, parey

ler ou'n konmans donn ou larepons, ou'n dir ki sa en kestyon tre enportan. Ki i vre.

E lo ou larepons ki ou'n donn mwan, mon pa'n kapab war ki pou arive ek sa bann marmay. Akoz ou'n dir mon i annan en *thinking* ki zot pe fer ler ou'n konmans donn mon larepons. En *process* i dan *thinking*.

Aprè ou'n dir mon ou pa ankor konnen parey ou, ou anvi fer – lekol Perseverance, si i pou ariv parey ou pe mazine akoz i ankor en *process*.

Alors mon kestyon siplemanter sete; mwan mon ti a voudre konnen avek ou Minister kot i konkret? Akoz tou sa bann *process* ki ou pe dir mwan, ou pa'n dir mwan kan ki ou ekspekte konplet sa bann *process* pou mwan kapab – pour sa bann paran, etidyan Praslin konpran ler *come* Zanvye, kwa ki zot pou fer.

Alors mwan mon kestyon siplemanter se; mon ti a kontan kot, si ou pa kapab donn mwan larepons la konkret, donn mwan en dele letan kot sa bann paran ek sa bann etidyan i a kapab ganny en keksoz konkret *from* ou Minister ler Zanvye 2024 i arive.

Ki pou arive ek *TIVET*? Ki program bann ki pou al fer *training* dan en metye ki zot, zot

le swazir – parey ou'n dir, si zot kapab sorti avek 3 opsyon...

MR SPEAKER

Ok Onorab, nou'n ganny ou kestyon. Mersi. Minis, ou le adrese?

HON CHURCHILL GILL

Non, non. Mr Speaker, i enportan. Sa bann dimoun laba Praslin zot pa konnen ki pou arive an Zanvye.

MR SPEAKER

Wi, wi. Absoliman-absoliman. Permet Minis repons.

HON CHURCHILL GILL

I *Question Time* la. Les mwan eksplik li pou li kapab donn mwan en larepons konkret.

MR SPEAKER

Ou'n eksplik li. Mersi.

HON CHURCHILL GILL

Non, non. Mon pa ankor fini eksplik li.

(laughter)

MR SPEAKER

Minis, donn ou larepons silvouple.

HON CHURCHILL GILL

Mr Speaker, nou pe fer en travay serye la. Sa bann paran i anvi konnen sa bann keksoz.

MR SPEAKER

Minis? Mersi. Wi, be zot pou konnen. Minis, ou larepons?

MINISTER JUSTIN VALENTIN

Mr Speaker, mon per. Pli mon pou demann li kestyon, mon per pangar ou pli konfize. Selman mon a eksplik ou.

Lannen prosen bann zanfan S4 ki lo Praslin pou kontinyen avek menm program, ki zot ti pe swivre 2023. S4. Akoz sa mouvman ki nou pe fer i en premye faz, e i pou adres zis bann etidyan ki Mahe, pou le moman. Premye faz.

Bann zanfan S5 dan Sesel antye, Praslin Mahe e La Digue, nou pou revwar sa *TIVET* ki zot al fer dan lendistri, pou zot kapab al dan bann landrwa ki kapab donn zot bann konpetans. Okenn landrwa ki pa kapab donn zot konpetans, zot pa pou kapab ale.

E nou ki pou plas zot. Nou pou plas zot dan bann landrwa ki donn zot konpetans. Sa bann zanfan S5 ki dan *vocational – general pathway basically*. Mersi Mr Speaker.

MR SPEAKER

Wi. Mon a permet ou en lot siplemanter Onorab. Selman annou al lo kestyon *please*.

HON CHURCHILL GILL

Wi, selman mon bezwen dir Minis. Mwan, mwan pa konfize mwan. I kler, sanmenm mon'n anmenn sa kestyon.

MR SPEAKER

Ou annan kestyon?

HON CHURCHILL GILL

Mon dernyen kestyon siplemanter sete; ki pou arive ek sa bann etidyan ler ou pe plas zot – parey ou'n dir, sa bann landrwa pa kapab donn zot sa konpetans, ki opsyon zot annan? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Nou annan zis en sel opsyon. Tir zot, replas zot dan en landrwa kot i kapab donn zot en konpetans.

MR SPEAKER

Mersi. Bon, nou 10er27 la. Nou pa pou pran en lot kestyon avan – me selman... Onorab Pillay, ou ti annan en kestyon? Mon a permet ou demann sa kestyon akoz nou annan zis letan pour en kestyon.

HON SEBASTIEN PILLAY

Mersi Mr Speaker. Mon kestyon i *straight forward* pour Minis. Mon'n travay dan Ledikasyon, mon konpran difikilte ki ou pe gannyen pou reorganiz sa program. E ou pe rod en fason pou fer li marse. Mon konpran ou.

Me i pa Onorab Gill ki konfize. Ou bezwen admet ki malgre ou'n donn nou en larepons ki annan lenformasyon, ou pa pe konkretman kapab dir paran ki pou arive ek zot zanfan lannen prosenn.

E ou'n dir nou pou dir Perseverance i en *process*. Ou pa pe konfirman osi ki Perseverance *will happen or not happen*. E sa i pe met nou dan en pti pe dan dout.

Alors ki mon pou demann ou; eski ou pou pare dan en kourt dele letan avan nou al antanm *the next school year* pou vin fer en *statement*? Akoz sa *TIVET* pou afekte en bon group zanfan, ki ou ek mwan nou konnen i enportan pou zot ganny en direksyon kote zot pe ale.

Eski ou pou pare pou vin fer en *statement*, kot ou ava kapab donn nou serten lenformasyon en pe pli konkret, e ki ava ede pour bann zanfan

lo zil e bann zanfan Mahe, pou zot pli konpran kot zot pe ale?

Mon konpran ou le ede, me selman petet i ava ed nou tou pou kot ou ganny plis lenformasyon e ou pli konkret. Mersi.

MR SPEAKER

Mersi. Minis, ou a donn en repons *please*?

MINISTER JUSTIN VALENTIN

Mersi Mr Speaker. Mr Speaker, annefe en *statement* dan Lasanble apartir bann travay ki nou pe fer, i lo nou plan pou nou vini, pou nou vin dir egzaktman ki nou pe fer. Sa i lo nou plan.

Me, ki mon anvi dir osi? Sa zafer Mr Speaker, donn en *commitment*, annandler sa dan lepase in afekte bokou performans.

Ou konnen bokou dimoun i taye i fer bann – akoz ki i pou bezwen donn en *commitment*, i fer bann *commitment* fo e zot *end up* pe tay avek keksoz.

Nou dan Ledikasyon, e sirtou mwan ki pe *lead* en prosedir, mon dir avek mon bann dimoun; annou pran nou letan pou nou reflesir sa ki nou pe fer e annou fer li byen. Annou fer li byen.

I enportan ki nou vwar sa ki nou pe fer. E nou menm nou,

nou konpran. Nou menm nou, nou kapab osi *convince* nou lekòr ki sa ki nou pe fer, i byen.

Donk, donn nou letan. Donn nou letan, bann dimoun pe travay lo sa proze. Donn nou letan pou nou kapab vin devan zot prezan pou dir zot koumsa; la i la, *the best plan* ki nou pe vin avek. *The best possible plan*.

Me plan – plan tou dimoun ki travay dan Ledikasyon i konnen. Plan ou kapab o firamezir – i annan plan nimero enn. O firamezir plan i evolye. I evolye e ou kapab – ou bezwen kapab annan konpetans pou ou kapab aranz ou bann plan. Evolye an menm tan ki ou bann plan pe fonksyonnen.

Donk nou, nou pa pou vini pou dir zot la i la sa plan, in fini grave e nou pou adopte sa plan - fini pa kapab sanze. Donk, vwala Mr Speaker.

MR SPEAKER

Mersi. Bon, nou'n ariv 10er edmi. I letan ki nou pran poz. E nou a termin la avek sa kestyon e nou a rebran travay 11er. Mersi.

(BREAK)

MR SPEAKER

Mersi. Mon a fer enn pti koreksyon se Mr Bernard Arnephy Direkter Zeneral pou

Institutional Support Service ki avek nou, e non pa Mr John Lesperance, eskiz mwan pour sa. Nou a kontinyen avek kestyon.

Vi ki nou pe al ase byen lo letan, i a permet mwan pran en kestyon siplemanten letan i annan letan lo en kestyon ki pertinan. Prosen kestyon pour Onorab Georges Romain.

HON GEORGES ROMAIN

Mersi Mr Speaker. Bonzour Minis ek ou delegasyon, e tou dimoun ki a lekout. Mon kestyon i lir koumsa Mr Speaker:-

Eski Minis i kapab dir avek Lasanble ki linisyativ ki son Minister i annan pou met an plas dan bann lekòl Sesel pou redwir nivo obesite dan pei? Mersi Mr Speaker.

MR SPEAKER

Mersi. Mersi Onorab. Minis, ou repons.

MINISTER JUSTIN VALENTIN

Mersi Mr Speaker. Mr Speaker, avek sa nouvo zefor nasyonal ki Gouvernman pe fer e mon krwar bann piblik an zeneral osi in tandè ki i annan sa Komite Nasyonal ki'n ganny fer pour konbat obesite, Minister Ledikasyon li prezan pe osi entansifye son zefor, pour fer ki

nou, nou kontinyen *deal* avek obesite dan lekòl sirtou avek bann zanfan.

Donk, Minister Ledikasyon ti pe deza travay avek Minister Lasante dan lenplimantasyon *School Health Program*. E sa i anliny avek nou Polisi Nitrisyon. Epi anliny avek bann diferan mezir, nou annan par egzanp en seri *training* e konsiltasyon ki nou fer avek bann *tuck-shop operators*, e ansanm avek tou bann lezot partner ki founi bann manze, bann diferan repa kot lekòl.

Ansanm avek Komite Nasyonal pour Obesite, en sou komite in ganny formen, e Minister Ledikasyon li i dan sa sou komite, nou pe konsyantiz nou bann paran, nou bann zanfan, e osi nou bann *staff* lo nesosite pour manz byen, pour fer bann aktivite fizik, ranforsi lenplimantasyon Polisi Nitrisyon, an prenan kont tou bann diferan laspe lasante.

Lo nivo *headquarters*, ansanm avek Minister Lasante i annan sa Komite ki nou *manage* bann diferan loperasyon *tuck-shop*, akòz nou osi nou anvi ki bann *tuck-shop operators* i ansanm, i travay ansanm avek nou, pour zot konpran ki nou pe sey fer, pour ki obesite dan lekòl i nepli vin en problem.

E i annan en group spesyal, ki nou apel li, *the school nutrition action group*, sa ki konpri bann paran, bann diferan *staff* kot lekòl, zot osi ansanm zot travay avek *tuck-shop* - ou pour trouve ki bokou bann travay ki nou pe fer, nou'n met bann *tuck-shop operators* ansanm.

Akòz nou anvi ki zot konpran byen sa travay ki nou anvi fer akòz zanfan byensir i ganny atrakte bokou avek bann manze ki ganny vann kot *tuck-shop*, e nou, nou anvi ki sa bann manze i an bonn sante, e zanfan i kapab manze san okenn difikilte. Mersi Mr Speaker.

MR SPEAKER

Mersi Minis. Onorab Romain, ou siplemanter?

HON GEORGES ROMAIN

Mersi Mr Speaker. Mersi Minis pour ou larepons. Minis mon'n kontan ou'n fer resorti ki sa *Multi-Sectoral Steering Committee* ki pour ganny *Chair* par Prezidan. E savedir i montre i ki kantite lanplèr obesite in arive dan pei, sa i byen.

Me selman Minis, baze enn pti pe resers ki mon'n fer, *nutritionist* kot Minister Lasante, Madanm Desnousse in fer resorti ki kote bann fiy

5an-19an 35 i *obese*, kote garson menm laz 5an-19an 30poursan, enn pti pe mwens ki lo kote bann fiy. Solman *still* i bokou.

Mon pa'n tann ou mansyonn lo kote *Physical Education*, ler ou'n donn ou larepons, ou'n tous en pe bokou lo *tuck-shop*.

Mon kestyon lo kote *physical education*, mon'n vwar enn de lekol prive ler sak fwa mon pase mon vwar zot pe fer *PE*. E ou a dir zot vreman pran sa serye. Lo kote *state school* ki vreman program osi dan lekol ozordi eski i ankor annan *physical education* dan lekol *state school*? Si wi eski zot peryod *of time* ki kantite letan? Si ou kapab donn sa larepons Minis?

Mon dezyenm kestyon lo kote *tuck-shop*. Dan mon letan *recess* mon ti ganny sans zwenn de *tuck-shop owner* e nou'n fer enn pti dyalog, mon remarke zot pe fer zot mye vre, i annan bann Polisi an plas, me selman Minis, manze i enportan pour parey pour met lapeze.

Ki garanti ki ou pour donn ou Minis ki fer si ki sa bann *tuck-shop owner* dan bann lekol, zot pe kwi sa manze ki pour fer sir ki sa zanfan pe ganny en manze parey ou'n dir

ki *healthy*, ki pa pour fer zot met lapeze? Mersi Mr Speaker.

MR SPEAKER

Mersi Onorab. Minis, repons.

MINISTER JUSTIN VALENTIN

Mersi Mr Speaker. Mr Speaker, ledikasyon fizik i reste en konponan enportan lo *timetable*, e tou etidyan i devret an prensip pe fer sa ki nou apel *PE* kot lekol. Me selman nou konnen ki *PE*, pa neserman parey lontan popiler, i annan en ta rezon ki bann etidyan i donn ou pour zot pa fer *PE*.

Me nou, la vi ki sa program in releve, konnen tou sa bann keksoz i endik ki kantite, ki kantite koze ou bezwen koz avek bann zanfan. Lenportans koze, kozri, nou pour bezwen koze kontinyen koze, kontinyen fer zot vwar bann benefis.

E mwan mon osi si par egzantp - annefe yer nou ti pe vizit lekol, dan pe vizit bann lekol ti annan en lekol an partikilye ki ti annan en laklas pe fer ledikasyon fizik e ti annan en group etidyan ki ti pe asize zisteman.

E en keksoz ki nou ti dir avek ki – avek bann - sa *headteacher*, nou ti dir ek li koumsa nou bezwen rod en osi en alternativ fizik pour bann

etidyan ki petet pa pe fer *PE*. Par egzanp dan lekol i annan bann klib *Eco-school* ki zot kapab pran par dan bann lanbelisman zot lekol, me selman zot bezwen aktiv, fer bann aktivite ki kit zot aktiv.

Donk, nou met lanfaz, nou kontinyen met lanfaz lo ledikasyon fizik lo *PE*. An sa ki konsern *tuck-shop* ki garanti – ki garanti mon donnen? Ankor ki nou, nou kapab fer? Ankor se koze, eksplik bann dimoun rezon ki nou pe fer.

Parfwa letan ou pa koze ou zis met bann Lalwa, bann dimoun pa konpran ki ou pe fer. Be nou, nou *believe*, nouvo *management* Minister Ledikasyon, nou *believe* ki nou bezwen kontinyen pe koz ek sa bann dimoun, lo lenportans sa ki nou pe fer pour zot kapab travay ansanm avek nou.

Me sa ki enteresan, bokou, bokou *tuck-shop operators* pe – mon pour servi sa lekspresyon, pe konverti, pour vin dan nou direksyon aköz parey nou pe vwar nou tou, tou dimoun i konsernen ki obesite in vin en problemn.

E donk nou anvi ki tou dimoun i vwar sa koman son problemn e alor nou ede pour rezourd sa difikilte. Mersi Mr Speaker.

MR SPEAKER

Mersi. Mon a pran siplemanter Onorab Naidu.

HON SATHYA NAIDU

Mersi Mr Speaker. Bonzour Minis ek ou delegasyon e tou koleg Onorab. Zisteman lo size *tuck-shop operators*, eski i annan en *guidelines* strik poudir kwa ki zot kapab vann?

E ler zot ganny trouve sa ki zot pa pe vann, i pa dapre *guidelines* eski i annan okenn, mekanizm an plas pour fer sir ki sa bann *tuck-shop operators* i vin anliny avek plan stratezik Minister Ledikasyon?

Dezyenmman, lo kote *physical activity*, wi lo nivo lekol i annan en bout pour fer, me selman an deor lekol eski Minister Ledikasyon prenon kont la i annan en komite, eski zot pour ganny bann konversasyon nesese pour kapab fer sir ki an deor lekol osi i annan en plan ki pour an mars, ki pour de-koul lo nivo Gouvernman Lokal e an menm tan i pour annan en partenarya, lo sa kote?

Zisteman lo *PE* bokou in ganny koz lo *PE*, me kekyon se ki direksyon nou pour vreman ale pour fer sir nou annan bann *PE teachers* osi ki annan bann konpetans, ki annan bann bagaz nesese?

Akoz sa ki zot pe fer dan lekol, pour al an deor dan kominote kot deza nou'n koz pa mal lo *sports* e mon panse lo sa kote osi i annan son lenportans, so mon le konnen ki plan pour nou kapab regard sa osi? Mersi.

MR SPEAKER

Mersi. Minis ou a kapab adrese.

MINISTER JUSTIN VALENTIN

Mersi Mr Speaker. Wi nou annan en *guideline*, en *guideline* vreman strik, “kontrer enn pti pe tro strik”, sa i bann parol ki bann *tuck-shop operators* i dir nou.

Me nou, nou santi poudir sa *guideline* i pa neserman strik, me i *guideline* ki promouvwar bon nitrisyon. Alors nou lentansyon pa zanmen pour afekte bann *tuck-shop operators*. Kontrer bann keksoz ki nou pe demann zot osi, pour nou travay ansanm avek zot, pour nou kontrer – anfen ler mon dir nou mon pe koz lekip, lekip ki responsab bann nitrisyon lekol, pour menm donn zot osi si fodre bann formasyon dan ki manner pour prepar bann manze - bann manze ki apropiye pour bann zanfan gannyen.

Donk parey mon pe dir *PE* i reste, i reste en konponan

enportan lo *timetable*. An deor lekol sak Komite ki pe *lead* par Prezidan i annan omwen, omwen 5 Minister lo la. Donk i nepli zis prezan en travay Minister Ledikasyon; i en travay kolektif ki i annan en *technical* group, ki pe ansanm rod bann diferan fason ki manner bann diferan lazans i kapab travay ansanm.

Donk parey nou pe dir *sport*, i n keksoz ki nou pe promouvwar pour, promouvwar *sport* dan distrik, promouvwar sport osi apre lekol ki nou'n vwar sa in disparet pour en pe letan, me nou konvenki ki sa bann aktivite, mouvman, menm ladans bann keksoz kiltirel pour bann zanfan, menm ladans sa i bann keksoz ki bann etidyan i kapab pran par ladan.

Donk bann lekol, bann lasal kot bann lekol, ouswa bann lasal dan bann diferan distrik, pour ganny met a dispozisyon pour bann zanfan osi bann - ki bann dimoun ki pa neserman pa neserman dan lekol, pour zot kapab servi pour fer bann keksoz pour zot zisteman redwir sa fenomenn obesite an zeneral.

Me Mr Speaker, dernyen kekyon in koz lo lenportans bann ansennyan ki fer *PE*. Wi, e nou Minister Ledikasyon nou osi lannen ki pe vini la, nou

pour osi pe *recruit* en group *PE teachers*, akoz nou santi poudir nou bezwen renouvle lafors dan ledikasyon fizik. Mersi Mr Speaker.

MR SPEAKER

Mersi. Mersi Minis. Nou a termin la pour sa kestyon, nou a prosed lo prosen kestyon. Onorab Andy Labonte.

HON ANDY LABONTE

Mersi Mr Speaker. Bonzour Minis avek ou *panel*. Kestyon i lir koumsa:-

An relasyon avek finansman *High Impact Community Development Project (HICDP)* anba *Indian Grant*, eski Minis i kapab eksplik prosedir pou akse en tel finansman e konbyen lekol Leta ki ekspekte benefisyè anba sa proze? Mersi.

MR SPEAKER

Mersi Onorab. Minis, repons *please*.

MINISTER JUSTIN VALENTIN

Mersi Mr Speaker. Mr Speaker mon pran osi sa lokazyon la pour mwan remersi Gouvernman Endyen ki met a dispozisyon bann *grant*. E Minister Ledikasyon in benefisyè bokou avek bann tel sipor e nou pe kontinyen benefisyè.

Bann Minister - bann prosedir i *comme* swivan, bann Minister i prezant zot proze avek Gouvernman, e Gouvernman li i priyoritiz bann proze.

E bann proze ki ganny siporte i ganny anvoy-e byensir kot Lanbasad *L'Inde* e la en *MOU* ant sa Minister e Gouvernman *L'Inde*, i ganny sinyen. Proze byensir i ganny pas atraver bann prosesis *tender e procurement*, e letan sa in fini ganny fer, en Kontra i ganny donner ek sa kontrakter ki'n ganny swazir anba prosesis *tender e procurement*. Vwala bann prosedir.

E konbyen lekol ki pour benefisyè safwasi? I annan 3 lekol ki pour benefisyè safwasi, i annan Lekol Mont Fleuri Segonder, Lekol Plaisance Primer, e Lekol English River Segonder. Mersi Mr Speaker.

MR SPEAKER

Wi, Onorab? Mersi Minis. Onorab Labonte ou siplemanter?

HON ANDY LABONTE

Mersi Minis pour ou larepons. Minis petet zis enn pti klarifikasyon, vi ki - e en rezon an partikilyerman ki mon'n demann sa kestyon i *basically* akoz English River ki mon

konsernen avek. Ki kantite letan ki i donnen ki pour permet sa bann lekol kapab akse sa finansman, san ki zot perdi sa finansman li menm li? Mersi.

MR SPEAKER

Mersi Onorab. Minis.

MINISTER JUSTIN VALENTIN

Annefe Mr Speaker, lo sa enn *grant* an partikilye ki Onorab pe koz lo la, tou bann keksoz in fini an plas. Sa *MOU* ki devret sinyen, in fini ganny sinyen. E nou pe la - bann kontra osi in fini ganny donnen avek sa kontrakter ki pour fer sa bann travay kot bann diferan lekol. Ki pe arive la egzakteman, se ki nou pe antre dan faz negosyasyon ek bann lekol.

Bann kontrakter ek bann lekol pe deside ki sa moman apropiye pour zot kapab komans sa travay. Akoz byensir i annan bann travay, ki annan lenplikasyon lo mouvman zanfandan dan lekol. Donk, nou pe rod sa letan apropiye.

E an se ki konsern dele letan la, byensir nou - nou'n ganny dir par mwan mon'n ganny dir personnelman par *High Commissioner India* ki nou pou bezwen pran sa larzan avan Mars lannen prosen, akoz sansan i pour afekte son plan e

nou riske petet pa kapab ganny li parey nou ti pour gannyen.

Donk, nou pe fer nou mye nou, dan tou sirkonstans pour nou omwen komans sa travay o sito posibil. E letan ki ou komans sa travay, dapre sa ki mon'n ganny dir, lemoman ki ou komans sa travay ou *secure* ou larzan. Mersi Mr Speaker.

MR SPEAKER

Mersi Minis. Mon a pran kestyon Onorab Michel Roucou.

HON MICHEL ROUCOU

Mersi Mr Speaker. Bonzour a tous, bonzour Minis avek ou lekip. Minis annefe dan sa ki ou'n dir la, akoz ki louveraz pa'n ganny fer dan bann letan vakans la, la ler zanfandan pa ti kot lekol, ti napa okenn mouvman?

E kwa egzakteman ki pe fer zot ganny sa retar li menm li? Akoz ou'n dir Kontra in sinyen, tou keksoz in fini ganny fer. E ou'n koz enn pti pe lo dele letan, si ou kapab dir nou si sa lannen menm la, nou ekspekte vwar bann louveraz pe komanse? Mersi.

MR SPEAKER

Mersi. Onorab. Minis?

MINISTER JUSTIN VALENTIN

Mersi Mr Speaker. Mersi. Mr Speaker, mon pour les *DG* ki lo teren, e pour li reponn sa kestyon apre mon ava azout enn pti bout. Mersi Mr Speaker.

MR SPEAKER

Mersi. Wi *DG* ou annan laparol.

DG BERNARD ARNEPHY

Mersi Mr Speaker. Mersi Onorab pour sa klarifikasyon ki ou anvi. Wi, nou konnen nou'n ganny serten retar lo proze, annefe pour tou le 3 lekol, i senpleman aköz *the time* ki sa larzan ti ganny bidzete pour sa proze en *scope of work* ti ganny fer.

So ler *MOU* in sinyen, so bann pri in sanze, pri in sanze e *by then* osi ti annan lezot travay ki kot lekol, par egzanp La Riviere Anglaise, i annan serten travay ki dan sa *initial scope* ki ti'n fini ganny fer.

So Lazans Enfrastriktir, *project officer* i bezwen asize revwar sa *scope, ok*, pour *ensure* ki i *fit within the parameter of* sa *amount* ki'n ganny *budgeted for*. So, *this is what* ki'n *cause* enn pti pe sa retar.

Me parey Minister in dir la tou zafer in fini finalize, nou'n fini zwenn ek kontrakter, nou'n zwenn avek *management* tou le 3 lekol, pour fer sir ki travay i

komanse *anytime at the convenience of the school*, pour ki lekol pa ganny afekte.

So, *rest assured* ki louvraz pour komanse sa lannen, aköz tou keksoz in fini finalize. *Thank you*.

MR SPEAKER

Mersi. Minis pour azoute.

MINISTER JUSTIN VALENTIN

Mr Speaker, mon krwar tou in ganny- in ganny elabore. Mersi.

MR SPEAKER

Mersi. Tre byen. Mon a pran kestyon Audrey Vidot.

HON AUDREY VIDOT

Mersi Mr Speaker. Bonzour Mr Speaker. Bonzour Minis ek ou delegasyon, tou Manm Onorab e tou dimoun ki a lekout. Minister mon kestyon i an referans avek sa proze pour Plaisance Primer. Eski ou kapab konfirman si i annan pour fer ek sa miray, ki en pe letan lekol pe espere?

E eski nou asire ki sa voyaz bann lotorite, lezot lazans ki ti annan serten konfli pour petet met osi retar lo sa proze, sa osi in ganny adrese?

E lo size *drop-off* osi, ki pour fasilite enn pti pe sa konzasyon, letan bann manmay i ganny anmase, i

ganny anmennen kot lekol Plaisance Primer. Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mr Speaker, sa proze wi i konsern sa miray kot lekol Plaisance Primer. Annefe tou keksoz dapre plan, plan inisyal sa proze, in ganny rektifye e proze i pare pour demare prezan.

Kan? Kestyon kan Mr Speaker, parey mon pe dir parfwa bann proze koumsa i osi pa neseserman konsern zis Minister Ledikasyon. Me la nou ki nou pe fer, nou pe demann - nou pe osi koz avek bann lekol ek bann lezot, lezot bann partner dan sa zwe, pour nou vwar lemoman apropiye pour nou komanse.

Me parey mon dir, nou pour bezwen komans li avan sa lannen i fini, pour nou kapab *secure* nou larzan, pour kapab kontiny sa proze ziska i fini. Mersi Mr Speaker.

MR SPEAKER

Mersi. Bon mon pour termin la pour sa kestyon, nou ava sot lo prosen kestyon ki dan non Onorab John Hoareau.

HON JOHN HOAREAU

Mersi Mr Speaker. Bonzour Mr Speaker; bonzour Minis ek ou lekip, bonzour bann ser Onorab e tou dimoun ki pe swivre louvraz Lasanble bomaten. Mr Speaker, mon kestyon i lir koumsa:-

Eski Minis, pou Ledikasyon i kapab dir Lasanble, kan ki proze semen pou zwenn Lekol Primer Beau Vallon avek semen Beau Belle pou realize? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mr Speaker, mon napa en dat, me selman sa ki mon kapab dir la se ki Lazans Lenfrastriktir e Minister Later ek lakaz in pran sa ka an men pour zot rod en meyer solisyon pour fer sa semen.

E lenformasyon ki mon'n gannyen, se ki zot an diskisyon avek bann zabitan ki pour ganny afekte par sa travay, pour zot kapab ankor rod meyer fason pour zot kapab konstri sa semen. Mersi Mr Speaker.

MR SPEAKER

Siplemanter Onorab Hoareau?

HON JOHN HOAREAU

Mr Speaker, an vi ki sa proze semen li menm i enn ki vreman

enportan pour sa lekol lo size bann ka *emergency* ki kapab devlope e pour fasilite *entry fire brigade*, oubyen menm osi dan letan *COVID*, ti difisil pour kapab fer triyaz. Akoz dimoun i pas atraver lekol segonder.

Be Mr Speaker, mon ti a kontan konnen vi ki tou sa i leka ki problem ki pe arive avek sa landrwa ki ti'n trase avan kot pour fer sa semen? Mersi.

MR SPEAKER

Mersi. Minis. Minis, ou repons.

MINISTER JUSTIN VALENTIN

Mersi Mr Speaker. Mr Speaker, parey mon'n dir, i annan bann negosyasyon la ki Lazans Lenfrastruktir avek Minister Later in pran sa proze aköz la in vin en proze en pe pli teknik.

Me Minister Ledikasyon in pran sa proze an men, e Minister Ledikasyon li nou kontinyen pe pouse, aköz nou santi nou osi ki sa i en, i en keksoz priyorite, nou anvi fer li donk zot, zot pe rod le mwayen pli, pli konvenab pour zot kapab fer sa proze.

Donk, mon napa la avek mwan egzaktaman ki konteks sityasyon pe arive, me sa ki mon konnen se ki diskisyon i an mars avek bann diferan partner

dan sa rezyon. Mersi Mr Speaker.

MR SPEAKER

Mersi Minis. Prosen kestyon Onorab Kelly Samynadin.

HON KELLY SAMYNADIN

Mersi Mr Speaker. Bonzour Minis ek ou delegasyon e tou dimoun a lekout. Mon kestyon i lir koumsa:-

An vi ki lekol Au Cap i parmi sa de lekol pour proze lekol enkliziv, eski Minis i kapab donn Lasanble en kontrandi lo bann travay renovasyon ek *maintenance* mazer ki zot pe anvizaze antreprann lo sa lekol, pour asire ki i lo en standar enkliziv apropiye? Mersi.

MR SPEAKER

Mersi Onorab. Minis, repons?

MINISTER JUSTIN VALENTIN

Mersi Mr Speaker. Mr Speaker, i annan, *ok* pour komanse provizyon in ganny fer dan Bidze 2024 pour konstrir *ramp* pour donn bann etidyan akse avek bann landrwa ki zot kapab, konmsi zot kapab servi se antre, sorti dan bann lekol.

Nou napa pour lemoman bann konstriksyon mazer pour nou fer, aköz deza i annan bann lezot keksoz ki'n deza ganny fer.

Lekol Au Cap lafason ki i ete nou'n vwar li ase konvenab pour lemoman, pour nou kapab komans servi li, pour sa proze ki nou anvi fer, lekol enkliziv.

Me sa ki mon anvi dir osi a sa pwen, se ki ledikasyon enkliziv, i pa neserman tous zis lenfrastruktir, pour nou ledikasyon enkliziv osi, i en fason viv. I en fason viv, en fason enterakte, en fason aprann ansanm ek kanmarad.

Donk, pour sa faz ankor mon, nou bann proze i annan diferan faz, pour sa premye faz ki nou pe koze la, i pour plizoumwon en faz ki konsyantiz bann zanfan, bann paran, bann ansennyan zot menm lo sa nouvo fason fer, sa nouvo fason enterakte, sa nouvo fason viv.

Nou pour servi, nou pour servi sa konteks ki nou annan deza pour nou kapab fonksyonnan ladan.

Me byensir letan e o firamezir ki nou ganny bann etidyan - i pour annan diferan kalite etidyan ki nou pour gannyan, e byensir avek diferan, diferan bezwen. Donk o firamezir nou ganny sa bann etidyan, nou pour gete prezan ki pli bon fason nou kapab *accommodate* zot bann bezwen.

Donk, parey mon'n dir pour transform en lekol pour

vin en lekol enkliziv, i pa pour arive dan dizon lan, me i pour ariv o firamezir e anmezir ki nou ganny bann diferan etidyan avek bann diferan bezwen. Mersi Mr Speaker.

MR SPEAKER

Siplemanter
Samynadin?

Onorab

HON KELLY SAMYNADIN

Mersi Mr Speaker. Minis, nou konnen ki *library* en lekol i enn ki vreman itil pour bann etidyan, i en landrwa kot bann etidyan i vini pour konsilte *internet*, liv e ensidswit bann diferan resours.

E zisteman lekol Au Cap i annan en *library* ki i annan serten defayans; son servis *internet* pa alaoter, i annan bann fasilite tel ki *computers* ek *printing* ki i annan serten problemm avek.

So, mon ti ava kontan konnen kwa ki Minister pe anvizaz-e fer an konsiltasyon byensir ek *management* lekol pour kapab rezourd serten sa bann *issues* kot nou - kot *library* lekol i konsernen? Mersi.

MR SPEAKER

Mersi Onorab. Minis?

MINISTER JUSTIN VALENTIN

Ok. Mr Speaker mersi e PS i anvi dir (ou a dir, ok) ok mon DG i anvi koz lo sa – sa mouvman ki nou pe fer. Mersi Mr Speaker.

MR SPEAKER

Ok bon. Nou a donn laparol DG.

DG INSTITUTIONAL SUPPORT SERVICE BERNARD ARNEPHY

Thank you, Mr Speaker. Mersi Onorab. Bon nou deza annan en plan *refurbished* nou bann *libraries* dan lekol. So nou pe fer li an faz, e lekol Au Cap i enn bann lekol ki dan nou plan. So nou pe re-ekip bann lekol avek –

In fact, nou annan en proze kot nou pe *ensure* ki tou lekol i annan akse avek *adequate internet facilities e be it fix line, be it Wi-Fi.* So, sa i en proze ki *ongoing* e nou dan en staz tre avanse lo la.

An menm tan nou pe osi *refurbished* nou bann *libraries* avek bann *furniture, or sa i osi en enkli IT equipment.* So parey nou pe dir i en proze ki koute, en proze ki koute, me solman nou pe fer li o firamezir ki finansman i vin *available,* me nou fer sir ki tou nou bann *libraries* pe ganny byen ekipe pour kapab *deliver* sa servis parey Onorab pe demande. *Thank you, Mr Speaker.*

MR SPEAKER

Mersi DG. PS ti pour azoute? Non?

PS MERNA EULENTIN

Non-Mr Speaker. In kouver, mersi.

MR SPEAKER

Mersi. Mon a pran kestyon Onorab Cosgrow.

HON WALLACE COSGROW

Mersi Mr Speaker. Bonzour Mr Speaker. Bonzour Minis avek ou tim. Minis, ler mon pe swiv sa kestyon Onorab Samynadin, ler tou bann travay in konplete, zot in fer li vin sa lekol enkliziv, bann renovasyon in ganny fer, dir mwan ki bann aktivite ki pour permisib dan lekol Au Cap?

Eski par egzanp en aktivite parti politik, parey nou'n vwar Sanmdi kot lekol Pointe La Rue, kot Speaker li menm ti *attend.* Eski sa osi pour permisib dan lekol Au Cap, ler zot in fini fer sa bann renovasyon? Mersi.

MR SPEAKER

Mersi. Mon pa krwar i tro relye avek kestyon orizinal me selman, me selman nou pour mwan pour paret, pour latransparans, si Minis i anvi

reponn. Minis ou annan en repons?

MINISTER JUSTIN VALENTIN

Mr Speaker, mon'n prepar mwan pour *deal* avek enklisivite! Donk, mon napa en larepons pour sa enn kestyon. Mersi Mr Speaker.

MR SPEAKER

Tre byen.

HON WALLACE COSGROW

Mr Speaker, en siplemanter.

MR SPEAKER

Nou ... ou premye kestyon deza...Onorab les mon dir ou klerman, ou le demann – ou le demann en kestyon lo aktivite politik dan lekol, met en kestyon lo papye Minis a vin reponn. Klerman!

HON WALLACE COSGROW

Nou pe koz lo enklisivite

MR SPEAKER

Wi.

HON WALLACE COSGROW

Mon anvi konnen ki mannyer Minister Ledikasyon i le vin pli enkliziv...

(Interruption off-mic)

MR SPEAKER

Order! Order!

HON WALLACE COSGROW

.... e *allow* bann parti politik parey zot in fer pour fer *meeting* dan lekol piblik.

MR SPEAKER

Sa ...

HON WALLACE COSGROW

LDS!

MR SPEAKER

Sa i pa dan konseps, i pa dan konseps lekol enkliziv. Met en kestyon lo aktivite politik lo papye e Minis i a vin reponn. Mersi. Nou a pas lo prosen kestyon Onorab Philip Arissol.

HON PHILIP ARISSOL

Mersi Mr Speaker. Bonzour Mr Speaker. Bonzour Minis ek ou delegasyon. Bonzour tou bann dimoun ki pe swiv nou. Minis, mon kestyon i lir koumsa: -

Eski Minis i kapab dir Lasanble ki travay son Minister pe fer pou asire ki tou etidyan pos-segonder i ganny byen prepare pou antre dan en lanplwa? Mersi.

MR SPEAKER

Mersi. Minis, ou repons?

MINISTER JUSTIN VALENTIN

Mersi Mr Speaker. Mr Speaker, depi 2004, tou bann program dan bann pos-segonder in ganny devlope a la baz lapros par konpetans. Sa dan li menm i neselit partisipasyon e kontribisyon sektè prive, e bann diferan lendistri pour devlop bann program letid ansanm avek bann sant profesyonnel.

Sa dan li menm i en fason pour asire ki program ki ganny ofer i prepar etidyan pour antre dan lemond travay.

Mr Speaker, mon osi oule fer resorti, ki tou program i annan en konponan pratik dan lanplwa travay, *work-based experience* e sa i prepar bann etidyan pour annan en bon tranzisyon dan lemond travay.

Egalman tou program i annan en konponan ki sensibiliz bann etidyan, lo bann karyer, ki posib atraver zot program letid. Donk bann etidyan i ganny byen prepare, pour zot antre dan lemond travay. Mersi Mr Speaker.

MR SPEAKER

Mersi Minis. Onorab Arissol siplemanter.

HON PHILIP ARISSOL

Mersi Mr Speaker. Mr Speaker, mon siplemanter i koumsa; eski Minis i kapab dir Lasanble ki

stratezi ouswa letap ki en zenn i kapab servi pour sirmont defi komen, ki zot napa leksperyans letan zot pe rod en lanplwa? Mersi.

MR SPEAKER

Mersi Onorab. Minis, repons.

MINISTER JUSTIN VALENTIN

Mersi Mr Speaker. Sa problem, ouswa sa fenomenn kot bann anplwayer i dir avek bann zenn etidyan zot napa leksperyans, i en fenomenn ki'n la pour en kantite letan. E san menm sa ou pou vwar ki bann sant profesyonnel i aziste zot bann program par lapros konpetans, pour batir sa konfidans, ki ler en zanfan i kit sa sant profesyonnel, i pare pour antre dan lemond travay. Sa i premye keksoz.

Dezyenm keksoz, nou osi dir avek bann etidyan, zot bezwen letan zot al lo sa bann travay pratik, zot bezwen fer sa ki nou apel en portfolyo. Zot bezwen annan zot en portfolyo, pour ki letan zot al bann *interviews*, zot kapab montre ki zot aprann, ki zot aprann ki zot konn fer.

E trwazyenman, i enportan e bann etidyan sa nou bezwen dir avek zot, i annan bann faz kot nou apel sa bann *internship*, zot bezwen fer sa

akoz sa i permet zot osi devlop bann konpetans siplemanter.

E mwan a sa pwen osi petet mon ava dir avek bann diferan landrwa travay, pour zot fer konfyans lazenes. Fer konfyans lazenes, parske osi fer konfyans bann sant profesyonnel, parske –

E travay ansanm ek bann sant profesyonnel akoz sa bann sant zisteman zot bi se prodwir bann etidyan, prodwir bann travayer pour zot lafors.

E si zanmen i annan bann travayer, bann etidyan ki vin kot zot, pa kapab - pa *meet* zot lekspektasyon pa zwenn zot lekspektasyon, donk mwan mon envit bann diferan landrwa travay pour zot vin koz avek sa bann sant profesyonnel.

Pa servi sa koman en mwayen petet pour kritike, me tandis servi sa koman en mwayen pour zot zwenn ansanm. Akoz parey mon pe dir, se bann sant profesyonnel ki pe prodwir lafors travay pour bann diferan landrwa travay.

Donk nou demann konfyans dan tou direksyon, konfyans dan tou direksyon ant anlwayer e sant profesyonnel, bann etidyan zot osi annou fer konfyans kanmarad, pour nou kapab batir sa resours imen ki Sesel i bezwen. Mersi Mr Speaker.

MR SPEAKER

Mersi Minis. Kestyon siplemanter Onorab Michel Roucou.

HON MICHEL ROUCOU

Mersi Mr Speaker. Minis, mon kestyon i enn pti pe lo laliny parey pour siplemanter Onorab Arissol. Minis, an term lo kote ou Minister li menm li, eski i annan en serten langazman ki zot pe pran pour zot konnen lekel sa bann landrwa travay ki petet bann zenn pe aproz, ki zot in fer *interview* ki apre bann zenn pa ganny okenn *call*?

E ouswa pe ganny dir parey Onorab Arissol in ganny dir poudir zot napa leksperyans? Eski i annan en fason ki ou Minister zot menm zot, zot pe kapab idantifye sa bann landrwa li menm li kot pour zot kapab ou Minister ganny en koze avek sa bann landrwa? Mersi.

MR SPEAKER

Mersi Onorab. Minis, ou repons.

MINISTER JUSTIN VALENTIN

Mersi Mr Speaker. Mr Speaker, annefe sa kestyon i donn mwan sans pour remerisi, remerisi sa kantite landrwa travay ki pran bann etidyan zenn, ki fek fini

lekol, san leksperyans. I annan en kantite sa bann landrwa travay dan Sesel ki pe fer sa.

I annan enn de, enn de pa bokou landrwa travay ki pa pran bann zenn, en?

So, mon - i annan par egzant e sa nou koz souvan lo la, bann etidyan par egzant ki fini lekol *Business Academy*, zot ganny travay dan premye 6mwan, preski zot tou zot in fini travay.

Donk sa i montre - i montre, enn;- sa konfidans ki sa lekol in etabli avek bann landrwa travay e osi sa bann zenn ki'n pas dan sa lekol ki manner zot in vin bann anbasader, pour sa lekol.

Byensir, me i annan osi bann pti lorganizasyon petet ki zot pa tro, pa ankor pare finansyerman petet pour pran bann risk, alor zot pa pran bann etidyan ki fek fini.

Donk mon relans sa lapel, pour nou dir avek bann anplwayer, bann landrwa travay ki pran bann etidyan fer konfyans avek lazenes, aköz bann zenn zot bezwen, zot bezwen sa landrwa travay, non pa zis pour sa finans, zot osi zot bezwen sa landrwa travay pour kontribye pour sa pei e apre byensir pour kontribye pour sa lendistri, dan ki zot al travay. Mersi Mr Speaker.

MR SPEAKER

Mersi Minis. Siplemanter Onorab Naidu?

HON SATHYA NAIDU

Mersi Mr Speaker. An relasyon avek lakantite zelev ki kit lekol pos-segonder, ki poursantaz si zot annan statistik poudir dan sak lenstitisyon i kapab antre dan bann diferans sekter.

Enn bann konsern ki mwan mon'n gannyen atraver bann zabitan, bann zenn ki pe sey antre dan lanplwa se dan sekter konstruksyon, ler ou regard *SIT*, sa sertifika lo li menm, parfwa mon demann mon lekor si i ase pour sa zelev ki pe antre dan lemonn travay, pour vremen kapab pran sa pozisyon.

E souvandfwa mon ganny en konversasyon poudir be si ou'n fer sertifika bouz lo *advance* e regarde si i annan potansyel pour kapab al pli o, aköz se la ki ou pour kapab vremen antre.

Alors mon pe poz kestyon lo sa kalifikasyon li menm li, par egzant *SIT* pe donner, eski sa pour nou marse lanplwa ozordi i sifi? Mersi.

MR SPEAKER

Mersi. Minis?

MINISTER JUSTIN VALENTIN

Mersi Mr Speaker. Mr Speaker, sa kestyon i annan de konponan. En premye konponan lo ki kantite - ki poursantaz bann etidyan ki pa ganny travay. Ou konnen i annan de keksoz ki nou bezwen realize la, enn se ki Minister Ledikasyon pa kite - pour lemoman nou pa pe kite sa bann - sa bann statistik.

Me selman nou vwar detrwa obzervasyon osi, nou vwar lobzervasyon kot etidyan ki fini dan en landrwa travay, ki fini dan en serten sant profesyonnel pa neseserman al dan sa landrwa travay kot zot devre pe ale, ki anliny avek sa formasyon ki zot in gannyen.

Donk, sa i fer zot ganny difikilte pour ganny sa lanplwa. E la si zot pa ganny sa lanplwa, nou pa pour kapab dir poudir akoz leksperyans, akoz la i pour petet zot pa'n fer sa swa petet ki zot ti'n devret pe fer. Sa i enn.

Me i en statistik ki vreman enteresan e petet mon konnen i annan bann sant profesyonnel ki petet pe garde sa bann lenformasyon akoz zot, zot sa landrwa kot zanfan i retourn kot zot, bann etidyan i retourn kot zot poudir zot koumsa zot pa'n ganny travay, zot pa pe ganny travay.

Me sa ki osi en dezyenm konponan sa kestyon i eski bann - mon pa pour koz zis spesifikman lo *SIT* me mon pour koz an zeneral. Zanmen formasyon i ase, i pa pour zanmen ase. Tou kou, tou kou dimoun pour pe rod ankor. E sanmenm sa ki petet sa premye letap, ganny sa premye travay, i ed sa etidyan konnen ki i manke e sa osi i enportan pour nou dir avek bann anplwayer.

Les sa bann etidyan ganny sa premye letap zot a konnen ki zot manke, pour zot kapab al rode ankor. Me sa ki mon kapab dir, se ki wi akoz bann sertifika; anefe bann program mazorite bann program, i ganny *validate* par *SQA*, e lefe ki'n ganny *validate* par *SQA* i demontre serten konpetans *minimum* ki en etidyan i bezwen in satisfere.

Savedir sa lenstitisyon ki pe donn sa program, in satisfere *SQA* ki wi i kapab donn en sertifika vizavi sa program. Donk mon annan tou konfidans, ki ler etidyan i ganny son sertifika, dan en landrwa kot in aprann dan en sant profesyonnel, i annan li sa konpetans *minimum* ki i bezwen pour li fonksyonnen. Mersi Mr Speaker.

MR SPEAKER

Mersi Minis. *Ok*, mon a donn enn pti git letan ankor, Onorab Pillay ou ti annan en kestyon?

HON SEBASTIEN PILLAY

Mersi Mr Speaker. Mon'n ekout Minis atantivman, alors mon le konpran egzaktman kote ki annan en problem. Ou, ou dir ek nou koumsa i pa en kantite etidyan. E si i annan en kestyon ki'n vin devan Lasanble byensir *then MNA* i bezwen konsernen avek sa problem.

Minis Lanplwa i vini i dir nou i pa en problem, ou, ou dir i pa en problem, Gouvernman i dir nou enn, bann zenn an deor i dir nou enn.

Alor mon ti a kontan konnen ki mannyer ou pe kapte sa lenformasyon? Dan Lasanble ou ti vin eksplik nou ler ou ti revwar Lalwa *Lazans* pour *Agency for National Resource Development*, ok ANHRD, ki sa fonksyon al kot lanplwa. Mon vwar li drol ki ozordi bomaten ou pa pe kapab sit bann statistik ki lanplwa anmase lo bann *young job seekers*, ki fer bann *school leavers*, ki'n vin koman bann *job seekers* ki'n al rod en travay.

So petet eski ou kapab dir nou si *going forward* ou pour etablir en mekanizm dan ou Minister ki pour kapte sa lenformasyon sorti kot Lanplwa

pour ki ou a kapab distribye sa, e *cross-check* sa kont lenformasyon ki bann sant profesyonnel i donn ou, pour sertifye - zisteman pour reponn kestyon ki Onorab Naidu pe demann ou, *whether or not* sertifikasyon oubyen, bann *school leavers* i ale, i ganny sans antre dan bann dan bann landrwa travay?

E mon dezyenm kestyon Mr Speaker, eski Gouvernman akoz enn bann baz ki ou ti koz lo la ler ou ti antre pour vin Minis ou ti zisteman koz lo sa size bann zenn profesyonnel ganny akse ek travay;- eski Gouvernman pour revwar serten Polisi ki pe fer, pour fer ki kominote biznes ti a vin pli reseptiv lo pran plis dimoun pour travay ek zot, prenan kont ki bokou zot pe sit bann problem lo nivo taksasyon e demann e legzizans Polisi Gouvernman, zisteman pour demann zot pour kapab pey plis e zot napa sa *bottom line*, sa larzan pour kapab anploy plis dimoun.

Par egzantp si nou get Sekter Tourizm ozordi, avek bann Polisi Gouvernman Sekter Tourizm pe soufer. Eski ou pe al demann bann lotel, bann *guesthouse* pour pran plis dimoun? I pour difisil. So eski ou annan - ki plan ki ou annan

pour ou kapab *deal* avek sa?
Mersi Mr Speaker.

MR SPEAKER

Mersi. Mersi Onorab. Minis, ou larepons.

MINISTER JUSTIN VALENTIN

Mersi Mr Speaker. Mr Speaker, premye konponan sa kestasyon ki koz lo ki mannyer nou pour kapte sa lenformasyon? Eski nou annan sa volonte pour kapte sa lenformasyon? I kler ki pour nou kapab fer bann levidans byen - pour nou fer bann desizyon baze lo levidans sa lenformasyon, wi, i en lenformasyon enportan sa.

Akoz parey Onorab pe dir i vre, ki nou pa neserman etabli egzaktman ki poursantaz etidyan ki'n fini son kour e ki pa pe ganny travay egzaktman dan sa landrwa kot i anv travay, kot in ki'n ganny prepare pour li travay.

Atraver sa fonksyon, ki'n reste dan Minister Ledikasyon *career development*. Wi! Sa i ava en keksoz ki nou ava travay avek e an plis ki sa, nou ava osi pe kontinyen travay avek bann biznes pour fer zot konpran pli byen ki i pase kot bann lenstitisyon. Sa metod kot nou vwar bann portouvert petet i bann portouvert zis pour bann etidyan, petet i osi nou bezwen

en portouvert, kot nou pe demann bann diferan biznes pour vin vwar pour zot menm ki bann kalite lantrenman ki ganny pase dan bann diferan sant profesyonnel, pour zot kapab byensir zot osi, ganny sa konfidans pour pran bann etidyan.

Me ankor, mon fer sa lapel ki annou donn lazenes, annou donn lazenes en sans pour travay akoz bokou zenn i anv travay, annou donn zot sa sans pour travay. E la ankor an se ki konsern ki bann Polisi, bann Polisi vizavi fer bann pti biznes, ou konnen ledikasyon i nepli en keksoz zis Minister Ledikasyon i en keksoz ki i en tenm ki *cross-cutting* e mwan ansanm avek nou tim, nou ava petet mazin bann nide, bann nide ki mannyer nou kapab - nou kapab ankouraz bann biznes pour zot pran bann etidyan.

E la mon pe dir ankor, i annan bokou biznes ki pran bann etidyan, bokou! E bann ki pa pe pran bann etidyan la nou ava gete ki mannyer nou ava travay ek zot pour zot osi *build* sa konfidans pour pran bann etidyan. Mersi Mr Speaker.

MR SPEAKER

Mersi Minis. Mon a pran osi kestasyon Onorab Loizeau.

HON NORBERT LOIZEAU

Mersi Mr Speaker. Bonzour Minis; bonzour tou Manm e dimoun a lekout. Mr Speaker, mon anv demann Minis, vi ki ti annan en pe letan avan ti annan sa, sa partenarya ant bann gran lorganizasyon travay, avek bann lekol, bann sant profesyonnel. Kot en legzanp parey *PUC*, li i ti asosye li avek meton *SIT*, kot a lafen ler bann la i fini *graduate* en pe zot i al travay *PUC*.

Dapre konpran *SIB* osi ti fer sa kot i ti donn *scholarship* tou-le-z-an 3 dimoun, Labank Santral osi dernyen-r-er ti donneren pour bann etidyan, apre i troun la. Eski sa partenarya i ankor pe kontinyen ouswa in fini? Ki pe arive avek i ankor egziste *or* donn nou en leksplikasyon?

MR SPEAKER

Mersi Onorab. Minis ou adres sa?

MINISTER JUSTIN VALENTIN

Mersi Mr Speaker. Mr Speaker, i annan bann sant profesyonnel ki annan bann - ki'n siny bann *MOUs* ki annan bann relasyon en pe parey ki Onorab pe koz lo la; i annan.

Me nou konnen byensir bann - serten laranzman koumsa, pa tou kou ki dirab, ki

soutenab i annan i arete dan milye semen, me i annan ki pe kontinyen. I annan osi sa ki nou konnen bann landrwa travay parey ou'n mansyonn *PUC*. *PUC* i enn kan nou koz lo *careers fair*, in arive. I annan detrwa labank osi zot arive, pour zot vin gete, ki mannyer zot kapab ganny bann etidyan.

E sa ki enteresan ankor i annan sa bann lorganizasyon, ki kontinyen pous bann etidyan. I annan ki donn zot lezot opsyon pour zot kapab avans devan, pour zot kapab grandi dan sa lendistri.

Donk, i annan sa bann partenarya, i ankor annan ki ankor egziste. Mersi Mr Speaker.

MR SPEAKER

Mersi Minis. Nou a termin la pour sa kestyon e nou ava avans lo prosen kestyon ki dan non Onorab Waven William. Me mon krwar Onorab Zialor Naddy ki pour poz son kestyon. Onorab?

HON NADDY ZIALOR

Mersi. Mersi Mr Speaker. Bonzour Mr Speaker. Bonzour Minis ek ou lekip; bonzour tou bann ki a lekout. Kestyon pour Onorab William *MNA* Grand Anse Mahe, i lir *comme* swivan:

Eski Minis pou Ledikasyon i kapab eksplik Lasanble, ki stratezi, kourt, mwayen e lonterm son Minister pou elev nivo rezilta skoler dan pei? Mersi Mr Speaker.

MR SPEAKER

Mersi. Mon krwar sa ti en kestyon ki pour pran bomaten antye. Minis, ou a fer li bref silvouple. I annan en ta ladan.

MINISTER JUSTIN VALENTIN

Mersi Mr Speaker. Mr Speaker, wi i annan en ta ladan. Me nou'n kapab fer en bon pti rezimen, *PS* – ou konnen sa kestyon mon pe prezimen letan i pe koz lo rezilta skoler, pe koz lo legzanmen – mon pe prezimen.

Donk nou'n prepar en larepons ki anglob legzanmen. E apre Mr Speaker – e *PS* i pasyonnen avek sa mon pou les li reponn si ou permet mwan Mr Speaker e apre letan i pou'n fini, mon anvi fer en komanter lo rezilta skoler. Mersi Mr Speaker.

MR SPEAKER

Tre byen wi. Mon a pas laparol.

PS MERNA EULENTIN

Mersi Mr Speaker e mersi Minis; mersi Onorab Waven

William atraver *MNA* Zialor pour ou kestyon.

Mr Speaker, stratezi Minister Ledikasyon pour elev nivo rezilta skoler i *comme* swivan:-

Pour kour term mon pour souliny trwa larepons.

Lekol aktyelman pe ganny sipor pour ranforsi bann stratezi pedagozik bann ansennyan an metan lanfaz lo pedagozi diferansye, e la nou'n vwar nou'n komanse avek bann diferan sesyon ki pe ganny fer pour bann lekol.

Answit lekol pe osi ganny sipor pour fer bann *action research* ki'n vin en parti entegral zot prosesis lansennyman e sa i an mars depi nivo lakres ziska segonder, sa i ede pour ki bann ansennyan i annan en lespri pratik *reflexive*, nou vwar kwa ki mars byen e kwa ki demann bann amelyorasyon.

E anfen lekol osi pe ganny sipor pour zot pli byen kapab devlop bann programm lentervansyon, ki fer provizyon pour tou nivo zanfana. Par egzanp si sa zanfana pa'n konpran en konsep, ki bann alternativ nou koman bann ansennyan nou kapab fer pour sa zanfana desifre sa konsep? Sa pour kour term.

An se ki konsern pour mwayen term, i annan 3 laspe ki mon pour soulinyen osi.

Tou lekòl i annan en lekòl ki nou apel *Attainment and Curriculum Team*, ki responsab pour elev nivo performans e sa i konpri bann *subject coordinators*, bann *HOD*, osi bann ansennyan ki lo teren dan laklas pe vwar laprantisaz.

Dezyenman, lekòl pe ganny asiste pour devlop en sistenm *tracking*, pour vwar nivo e progre bann zanfan dan zot laprantisaz. E sa nou pe ganny lasistans en konsiltan lokal, ki'n deza pe fer en kantite travay ansanm avek nou lekòl kot ledikasyon, lo kote *assessment e curriculum* osi.

Me par kont i enportan pour note, ki travay ki pe ganny fer avek en konsiltan, ki pa selman pour ed lekòl pour nou regard bann grad, me plito bann nivo progresyon ki donn en pli bon porter lo performans sak etidyan, sa i vedir nou rekonnèt bann pti pa.

Par egzanp mon pour donn en legzanp si sa zanfan pour trimes enn i ti kapab konte ziska 5, pour trimes 2 si i kapab kont ziska 10 nou ankouraz li e nou aplodi bann pti zefor. Sa nou apel "*clap for the small wins*" parey Angle i dir.

E o nivo lonterm, i annan sa proze *school autonomy* ki pour annan en lenpak dan lafason lekòl i ganny zere. E dezyenman, nou pour vwar osi transformasyon e modernizasyon nou sistenm ledikasyon, kot nou pe koz en pe lo *the new model of schooling*, ki Minis in deza elabore avan dan son bann lentervansyon.

E pli enportan se sa revizyon *curriculum*, ki nou rekonnèt i annan bokou travay pour ganny fer lo la, pe ganny fer deza. I annan en nouvo dinamiz lo sa ki nou apel *curriculum revue* kot zanfan, nou anvi met enn pti pe laprantisaz plis an konteks, ki reponn lapel nou bann etidyan dan nou bann lekòl piblik. Mersi Mr Speaker.

MR SPEAKER

Mersi PS. Minis i anvi azoute la?

MINISTER JUSTIN VALENTIN

Wi. Mersi Mr Speaker. Mr Speaker, osi atraver sa kekyon, mon anvi koz lo rezilta skoler ki nou pa neserman donn li latansyon. Ou konnen i annan bokou keksoz ki pe arive kot lekòl, e sirtou i annan bokou bann size ki bann ansennyan pe fer, malerezman sa bann size i pa ganny enkli dan bann

legzanmen. I pa ganny evalye dan bann legzanmen donk mon nepli krwar ki nou kapab kontinyen pa koz lo la, fodre nou koz lo la.

Donk - kot i annan osi bann rezilta ki pe sorti tre byen, bann ansennyen ki zot legzanmen ki pa pe neserman ganny evalye, ouswa i aparet dan en tes nasyonal ou enternasyonal, zot pe fer bann travay, ekselan kot lekol avek bann zanfan.

E ou vwar bann zanfan osi i annan bann lezot laspe, akoz letan nou get en lekol, nou pa bezwen nou pour nepli kapab prezan get zis son nivo akademik, nou bezwen get osi bann lezot laspe lo sa lekol. E par egzantp nou vwar bann lekol ki pe *shine* dan bann aktivite rekreyasyonnel, sportif sa osi nou bezwen, nou bezwen koz lo la.

E i donn osi bann zanfan en sans konpran poudir zot performans pe ganny osi aklanmen, pe ganny vwar par bann lafoul an zeneral. E la si nou pran en legzanp par egzantp si nou get, si nou pe get performans rezilta skoler dizon dan lekol Leta ou pour vwar par egzantp dan dernyen Zwe de Zil sa kantite zanfan dan lekol Leta, etidyan lekol Leta, ki'n partisip dan sa gran

manifestasyon, pour mwan sa i osi montre en lafors bann rezilta skoler, bann keksoz ki pe arive dan sistenm ledikasyon.

Donk lanfaz lo ledikasyon – rezilta skoler, mon krwar prezan i devret osi sorti lo zis bann rezilta akademik, pour vin lo lezot laspe ki nou menm nou bann dimoun nou swete, nou ti a voudre vwar kot lekol. Konportman, bann lezot latitud, tousala ansanm i form par bann rezilta skoler e i donn lafors en lekol pour li montre ki i kapab montre son bann zanfan. Mersi Mr Speaker.

MR SPEAKER

Mersi Minis. Onorab Zialor, siplemanter?

HON NADDY ZIALOR

Mersi Mr Speaker. Mersi Minis ek *PS*, pour larepons ase detaye. Dan larepons ki ou'n donn nou, mon pa'n tann ou met bokou lanfaz lo ki rol, bann paran i annan pour zwe dan sa bann plan stratezik zot Minister, zisteman pour vreman annan en responsabilite en pe pli direk vizavi rezilta zot zanfan?

Dezyenmman, mon konnen ki Minister in dan en prosisis pour elev nivo kalifikasyon bann *teachers*, petet tous enn pti pe lo la ki

plan Minister, sirtou bann *teachers* ki ou pe met zot dan bann *area* spesifik depi o komansman letan skoler en zanfàn, pour ki vremen nou vwar sa rezilta an antye ki pei li menm pe ekspekte? Mersi Mr Speaker e mersi Minis.

MR SPEAKER

Mersi Onorab. Minis, sa de pwen silvouple?

MINISTER JUSTIN VALENTIN

Mersi Mr Speaker. Mr Speaker, rol paran i vremen esansyel e mon kontan Onorab in donn mwan sa platform pou mwan kontinyen, pour mwan dir sa. Wi, paran i zwe en rol enteresan e tre enportan dan laprantisaz bann zanfàn e nou vwar partou kot paran i donn sa zefor e paran i met sa zefor an plis nou vwar kot zanfàn dan tou laspe, kot zanfàn i reisi tre byen.

E an plis ki paran, mon pe demann prezan bann etidyan zot menm pour zot performen. Bann etidyan pour zot pran zot letid o serye. E la byensir dan sa peryod kot sa trwazyenm term la, kot legzanmen, legzanmen i pe ganny – pour ganny koz lo la.

Donk, mon pe demann etidyan pour zot met zefor, debourye donn – sirprann zot lekor, donn zot lekor sa sans pour sirprann zot lekor, pour

zot kapab performen e ganny sa rezilta ki zot ti a voudre. Bann ansenyan, Minister Ledikasyon i kontinyen apiy bann ansennyan.

E nou pour nou ansennyan lafors ansennyan i vremen enportan e mwan depi ler mon'n arive mwan, mon'n met lanfaz lo donn – met ansennyan dan sant, dan sant devlopman ledikasyon.

E ansennyan nou fer ki zot kapab - zot ganny sans ganny bann letid aprofondir, bann ansennyan nou kree konteks kot lekol pour zot partisip ansanm, pour zot fer bann *network*, bann *professional network*, pour zot kapab bouz zot laprantisaz pli devan.

Donk, tousala paran etidyan, ansennyan i sa lafors ki fer rezilta skoler en realite, en sikse. Mersi.

MR SPEAKER

Mersi Minis. Mon a donn en lot siplemanter Onorab Henrie.

HON GERVAIS HENRIE

Mersi Mr Speaker. Bonn apre midi tou dimoun. Mr Speaker, mon'n ekout larepons *panel* avek gran lentere. E mon partikilyerman enterese avek bout ki *PS* in met dan *long-term goal* e sa se revizyon *curriculum*,

preski nou'n tann bokou koze lo size *curriculum* sirtou dan Lasanble Nasyonal en pe partou osi, lefet ki sa i en – i en gol lonterm mon anvi konnen ki manner zot pour antreprann sa revizyon.

E lanfaz ki mon oule mete la se konsiltasyon tou bann *stakeholders* dan ledikasyon menm enkli dimoun ki'n fini lekol? Parski nou konnen poudir nou'n aprann bann keksoz parfwa ki manner nou ledikasyon, i prepar nou pour lavi, pour karyer, so ki manner sa laspe konsiltasyon pour revizyon *curriculum* pour antre dan sa lobzektif ki Minister i annan? Mersi.

MR SPEAKER

Mersi. Minis?

MINISTER JUSTIN VALENTIN

Mersi Mr Speaker. Mr Speaker, apard ki bann re – bann rekonstriksyon ouswa bann *maintenance* ki pour fer lo bann batiman lekol, en proze mazer ki Minister Ledikasyon pe al atake se *curriculum* e nou'n deza komanse.

Donk, ki model ki nou pe servi? Nou pe servi model, *working groups*; bann diferan *working groups* in fini ganny formen pour sak sa bann size. E rol sak sa bann *working*

groups se byensir pour al gete ki pe pase dan bann diferan size, e ki manner sa bann size i kapab ganny renouvle, pour reponn bezwen sa syek ki nou pe viv ladan.

Sa group etidyan i en group etidyan ki totalman diferan an term zot bezwen, an term zot karakteristik, avek sa *curriculum* ki en bon pe zot pe ganny ekspoze avek.

Donk revizyon *curriculum*, i santral dan sa devlopman, sa transformasyon ledikasyon ki nou pe fer. Wi, dan sa bann diferan group ki nou'n formen, i annan serten group ki annan sa – i annan bann dimoun ki nepli dan sistenm ledikasyon.

E nou al rod zot, aköz nou anvi zisteman zot osi, ou konnen sa – parey mon pe dir sa ledikasyon ki nou pe koze i nepli zis pour Minister Ledikasyon i pour - dan nou konteks - i pour Larepublik Sesel.

Donk nou bezwen annan diferan konsiltasyon, nou bezwen vwar ki nou devret montre nou bann zanfan, ki nou bezwen ekspoz nou bann zanfan avek, ki bann leksperyans ki bann zanfan i bezwen fer fas avek.

Donk, i pour annan en mouvman, en – ki'n deza komanse dan nou'n ganny nou

15 diferan group, ki'n deza komanse, pour nou kapab fer sa travay, pour nou redinamiz nou *curriculum*.

E ou pour realize, zanfan, zanfan osi pe demann sa revizyon sa *curriculum*. Vandredi ki pe vini nou pour annan nou pour en premye fwa en *Youth Education Summit* e dan sa *Youth Education Summit* byensir dirize par, dirize par – motive plito – motive par en *requirement UNESCO*, ki pe demann nou pour met etidyan dan sant devlop - dan sant bann desizyon ki nou fer.

E revizyon *curriculum*, i pour enn sa bann konversasyon ki nou pour fer, akòz zisteman sa tenm sa *summit* pou “*negotiating a new landscape, educational landscape*” e sa i pour donn bann etidyan en sans zot osi pour zot kontribye dan sa nouvo *curriculum* ki zot ti ava kontan ganny ekspoze avek.

Donk, *review curriculum* i pour santral dan sa *next* letap nou transformasyon ledikasyon Sesel. Mersi Mr Speaker.

MR SPEAKER

Mersi. Minis, nou a pas lo dernyen kestyon. Onorab Philip Monthy.

HON PHILIP MONTHY

Mersi Mr Speaker. Bonn apre midi Mr Speaker, bonn apre midi Minis avek ou delegasyon. Kestyon i lir koumsa:-

An vi ki i annan serten group etidyan dan omwen trwa lekol ki pa'n kapab konmans zot letid parey tou lezot etidyan, akòz bann travay konstriksyon ki ti pe ganny fer lo sa detrwa lekol pa ankor terminen;

1. Eski Minis i kapab eksplik sa Lasanble ki pe arive, e ki lenplikasyon sa pou annan dan laprantisaz sa bann etidyan? E

2. Kan eski sa bann travay pou sipoze konplete pour ki sa bann zelev i a kapab rekonmans zot letid? Mersi Mr Speaker.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mr Speaker, letan nou ti pran sa desizyon Zedi, Vandredi, nou ti pran li avek en santiman melanze. Nou ti sagren byensir akòz nou ti anvi ki ler larantre i komanse, tou zanfan i kapab retournen, me an menm tan nou ti kontan, akòz nou ti vwar bann keksoz ki'n lontan nou ti anvi ganny sanze aranze, pe finalman ganny fer. Donk i ti annan en santiman melanze.

Me sa ki mon kapab a sa pwen, dabor mon anvi remersi bann paran, e remersi dabor sa trwa lekol an kestyon ki'n koz avek bann paran, ki'n eksplik bann paran, ki pe arive e i pa'n annan - i pa'n annan okenn bann tirbilans.

Bann lekol in fer sa tre byen; sa trwa lekol Beau Vallon, Bel Ombre, Beau Vallon Primer Bel Ombre e Anse Royale, zot *management* ek *Council* mon felisit zot pour lafason ki ot in, zot in koz ek paran lo sa travay ki pe ganny fer.

Donk sa trwa lekol malerezman zot pa – zot bann travay ki nou ti pe – ki ti pe anvi fer pa'n fini fer. Ou konnen bann rezon Mr Speaker, annandler parey mon pe dir bann prosedir, pour *tender* aköz pa tou dimoun ennler ki konpran lekol, zot pa sansib lo bann aktivite - sirtou bann aktivite renovasyon kot lekol.

Zot pa – zot pa fer li avek menm irzans parey nou ti ava swete zot fer, ki fer ki annandler sa bann keksoz i tarde.

Me osi annandler nou vwar malerezman, ler nou vwar lekol in komans – sa bann travay in komanse, nou vwar bann lezot keksoz ki petet ki nou pa ti'n ekspekte i pour dan – pour la e la i pran plis letan - i pran plis letan.

Donk sa ki'n arive petet ki'n fer nou pa kapab komans a ler pour sa trwa lekol. Me lenformasyon ki mon'n gannyen, sa trwa lekol bann travay la in fini, pour fini lasemenn, i annan de in fini zot pe netwaye la, dan en faz netwaye.

Bel Ombre e Beau Vallon dan faz netwaye aköz pour – ou konnen ti annan to bokou lapousyer pour nou kapab fer zanfàn vin lekol, sirtou bann pti zanfàn e pe netwaye e osi an sekirite bann zanfàn.

Anse Royale li osi mon'n fek ganny lendikasyon la, ki travay pour fini fer sa semenn, e Lendi nou ekspekte ki bann zanfàn i – tou zanfàn i retour lekol e nou, nou pour travay ek tou sa bann, tou sa bann dimoun, bann kontrakter, bann ansennyàn pou fer ki – ki zot – nou kapab retourn lekol, rekomans lekol.

Me an se ki konsern laprantisaz, byensir pa pour afekte tro sa de lekol lakres. Me lekol Anse Royale par egzanp, segonder in okouran poudir sa i kapab osi annan enn pti lenpak - pa en gran lenpak mazer, lo komansman term, lo laprantisaz bann zanfàn.

Zot annan zot enn; zot program vertyel, e i annan en group zanfàn, ki pe vin lekol

deza pour zot kapab komanse. Akoz zot in vwar poudir pa tou landrwa ki'n ganny afekte, i annan bann landrwa pa tro ganny afekte kot bann zanfan i kapab retournen e zot, serten group zanfan in deza komans retournen.

E sa ki osi, bann ansennyan i la, bann ansennyan tou le trwa lekol bann ansennyan i la zot pare pour zot komans travay.

Nou ti menm osi dir avek bann lekol, sa de lekol lakres, si zanmen, si zanmen bann paran, pe eksprimen ki petet ou konnen pa kapab ganny landrwa, pour met zot zanfan, nou ti pe menm dir zot fer provizyon, kot lekol.

I kapab annan bann laranzman zot kapab fer kot lekol, an deor sa lakres, bann lezot laranzman ki zot kapab fer, pour akey sa enn ou de zanfan, ki petet zot paran pour napa landrwa pour met zot pandan sa semenn.

Mon satisfè ki prezan bann keksoz i anba keksoz e nou ekspekte ki lekol i komanse pour tou zanfan Lendi prosen le 18. Mersi Mr Speaker.

MR SPEAKER

Mersi. Onorab Monthy, ou annan siplemanter?

HON PHILIP MONTHY

Wi, Mr Speaker, mersi. Tou dabor, eski Minis i kapab dir nou ki kantite etidyan nou pe koz lo la, la dan sa trwa lekol apepre? E ki mezir zot pe mazin pran a lavenir an sa ki konsern bann kontrakter pour ki sa bann sityasyon koumsa pa repet ankor? Mersi.

MR SPEAKER

Mersi Onorab. Minis, wi?

MINISTER JUSTIN VALENTIN

Mersi Mr Speaker. Mr Speaker, parey nou'n dir, i annan zanfan dan lekol, dan Lakres Bel Ombre, Lakres Beau Vallon e apre ti annan lekol antye, lekol Segonder Anse Royale, nou napa sif egzaktaman me selman nou pe donn – nou pe donn en portre (wi 800 poursan - san poursan Anse Royale Segonder) be la in komans - i annan en pe ki'n komans vini, e apre zis sa de. Sak lekol Bel Ombre i annan 2 lakres, 2 nivo (apre 60) e Beau Vallon i annan 3 nivo petet 3 fwa, 3 fwa 25 apepre, wi.

Me selman sa ki nou pe dir Mr Speaker, pa tou – nou bezwen akseptè pa tou, pa tou sa bann retar i lafot, i lafot kontrakter non. I pa tou lafot kontrakter – e kontrè sa 3 lekol kontrakter zot in debourye zot, me selman enn i annan bann

lezot lazans par egzanp lavites petet ki bann prosedir *tender*, prosedir *procurement* i fer, lavites pa neserman parey nou ti ava swete.

Me pa tou lafot i lo kontrakter – enn. E apre osi, parey mon pe dir i annan bann keksoz ki ler zot komanse, zot vwar poudir be sa nou pa pour kapab zis fer sa pti bout nou bezwen al enn pti pe pli devan la.

Me sa ki enteresan nou bezwen vwar, se ki Gouvernman in pran sa *commitment* prezan pour redonn lekol sa nouvo vizaz, mon krwar sa i enportan dan sa ki pe arive la, bann zanfan pe koman santi zot, zot ava annan en laklas ki annan *tiles* ladan; ou konnen bann lafnet kot ti en pe glise partou, i ava aret glise, bann lafnet par egzanp ki ti pe tonbe i ava ganny re-aranze.

Donk, mon krwar zanfan osi pour santi zot, o firamezir nou ale, nou bezwen fer pti bout par pti bout, parey nou dir nou dan Ledikasyon i annan zis de moman ki nou kapab fer renovasyon, i annan zis an Out. An Avril i sitan ptipti, an Avril ou bezwen fer bann pti louvraz ki ou san pousan sir i pour fini dan de ou trwa semenn.

Me apre i annan Out e Desanm, me malgre sa i annan

bann travay ki pa neserman pour fini a ler. Me selman nou, nou komans dir, o nivo Minister Ledikasyon - e sa nou pe partaz osi sa santiman avek bann lazans; par egzanp, bann lekip *POU*, bann lekip kot *tender*, si nou rekonnet okenn bann kontrakter ki pa delivre, ki pa kapab fer nou bann louvraz a ler, ouswa lo sa oter ki nou ti ava voudre, nou pour nonm zot pour zot kapab petet pa ganny ankor bann louvraz Ledikasyon.

Akoz nou bezwen travay avek en tim ki kapab *meet* standar e fer ki bann lekol, bann louvraz ki nou donn zot i alaoter. Mersi Mr Speaker.

MR SPEAKER

Mersi Minis. Mon annan de Manm ki demann laparol. Mon pou pran sa de kestyon, me selman mon pour termin la silvouple pa lev lanmen ankor aköz i ava zis a tan pour nou kapab fini lo *schedule*. Onorab Pillay, ou kestyon.

HON SEBASTIEN PILLAY

Mersi Mr Speaker. Mersi pour bann larepons ek bann presizyon ki nou'n gannyen, lo kan sa bann lekol pour rekomanse. Solman mon bezwen dir Mr Speaker, ki mon pa vwar li mon pa tro konfortab

ki Minis Ledikasyon, pa kapab donn nou sif bann etidyan ki'n ganny afekte.

Akoz i en sif ki sipoze a son komann e sa kestyon ariv kot li i ti sipoze prepar li pour kapab dir nou ki kantite etidyan. Rezon pour sa, i senp Mr Speaker. An sa ki konsern bann zanfan lakres, pour bann kapab *deal* avek sa lenteripsyon, i pour annan paran ki pour bezwen met zot zanfan lezot landrwa pour bezwen ganny veye, fer bann laranzman e i riske annan bann laranzman. I riske annan bann laranzman finansyel ki bann paran i bezwen fer pandan sa kourt peryod letan. Mon kontan ki sa peryod letan i kourt.

So eski Minis i kapab donn Lasanble, en lasirans, en lasirans lo ki zour egzaktaman ki bann zanfan pour kapab retourn dan lekòl?

Mon presiz sa kestyon koumsa Mr Speaker, zis pour *draw* en paramet, Langleter kouraman i annan bann menm kestyon ki pe ganny demande, avek Minis pour Ledikasyon, e i pe bezwen donn bann detay e bann statistik pli korek posib, akòz i annan apepre 100 lekòl Langleter, i annan bann paran Seselwa ki ganny afekte, ki reste laba, kot bann zanfan pa kapab ale akòz sa bann lekòl in

fermen akòz bann problem striktirel.

So, mon ti a kontan demann Minis, en lasirans kan sa bann zanfan pour kapab retourn dan lekòl. Si i kapab donn mwan pour bann lakres avan e apre pour lekòl segonder i ava vin apre? Mersi Mr Speaker.

MR SPEAKER

Mersi. Minis, larepons?

MINISTER JUSTIN VALENTIN

Mersi Mr Speaker. Mr Speaker, pou nou Minister Ledikasyon, nou konnen ki bann zanfan pour retourn lekòl sa ki bann kontrakter e bann dimoun ki pe sirvey sa travay in donn nou lasirans ki Lendi, bann zanfan pour kapab retourn lekòl. Lendi le 18 Septanm. Mersi Mr Speaker.

MR SPEAKER

Tre byen. Mersi mon a pran kestyon Onorab Arissol. Sandy.

HON SANDY ARISSOL

Mersi Mr Speaker. Mersi Minis, pour bann larepons ki ou pe donner deza. Mon ti a kontan letan nou lo Minister Ledikasyon, felisit Stanna Marie dan mon distrik, en zenn ki pe kit pei pour al etidye avek Ashley ki ale Merkrede – felisit

zot ek zot paran pour fer Sesel e zot pei fyer letan nou lo ledikasyon.

Mon ti annan zis enn pti keston Minis, mon ti a kontan demand ou. Bann renovasyon ki pe pran plas la sirtou pour Bel Ombre avek Beau Vallon, sa de lekol enkli Anse Royale, eski zot pe pran osi, laspe sekirite letan bann zanfan i tournen? Par egzanp bann laspe *fire extinguishers*, bann *assembly point*? Sa i enn.

Dezyenman, an relasyon avek sekirite prezan, bann dimoun, bann zonn ek fanm ki ganny mete kot bann baro pour asir sekirite bann zanfan, spesifikman pour lekol Beau Vallon, Lakres Beau Vallon parey ou konnen bann tranzaksyon ki pase la, pour asir sekirite bann ansennyan ek bann zanfan ki servi sa landrwa. Mersi Mr Speaker.

MR SPEAKER

Mersi Onorab. Minis, repons.

MINISTER JUSTIN VALENTIN

Mersi Mr Speaker, Mr Speaker, sekirite, sekirite pour nou i enportan. De laspe pour pti zanfan, pour gran zanfan, spesifikman pour lekol Beau Vallon, nou pe travay osi avek Lapolis, pour fer ki i annan en sipervizyon en sipervizyon vizib,

o bor baro segonder - kot lekol segonder, osi byen kot lakres lekol primer pour fer ki nou kapab met bann sityasyon ki devlope anba kontrol.

E osi lo kote lekol en rezon, en rezon prensipal ki sa de, sa trwa lekol nou'n pa'n kapab fer ki bann zanfan i antre, se zisteman aköz nou ti konsernen avek sekirite bann zanfan.

Donk sekirite la pa neserman - nou pe koz sekirite pour zot pa ganny andomaz dimal avek bann - ou konnen bann travay konstriksyon ki pe fer. Donk, sa nou'n pran letan.

An se ki konsern - Mr Speaker mon kapab zis dir la briyevman lekol Bel Ombre Lakres 70 etidyan ki pe ganny afekte, Beau Vallon 103 e Anse Royale 800. Ki donn ou lendikasyon ki nou pe travay an lekip, mon tim pe ekoute, e i pe ed Minis, pour kapab delivre dan son travay. Mersi. Mersi mon lekip ki pe donn mwan tou sa bann lenformasyon.

MR SPEAKER

Mersi. Bon, mersi Minis pour sa repons e mersi ou bann zofisyè ki'n partisip dan repons osi. E byensir, dan sa ki konsern ledikasyon nou donn ou otan sipor ki nou kapab, e nou swet

zot bon kouraz. Mersi Manm pour zot kestasyon nou ava aret la e nou a rebran travay 2er. Mersi.

(BREAK)

MR SPEAKER

Bonn apre midi tou dimoun, Manm Onorab tou zofisye Lasanble e nou piblik an deor. Nou annan lo *Order Paper Second Reading Utilities Regulatory Commission Bill, 2023*. I neser fer enn pti leksplikasyon lo pran *Bill* pour *Second Reading* akoz parey nou'n ganny diskisyon souvan dan sa Lasanble, nou tou nou okouran e piblik i okouran regilasyon lo annan *seven days' notice* lo *First Reading* ek *Second Reading*.

Me selman sa regilasyon i pour permet, son lentansyon se pour permet Manm annan letan pour zot pran *Second Reading* lo en *Bill*. E dan sa ka, mon santi Manm in annan sifizaman letan pour zot prepar lo sa *Bill*.

E sa *Bill* in avek nou depi en pe letan pase, in deza ariv kot Lasanble apre in ganny retire, pour plis travay lo *Bills Committee*.

E an plis ki sa semenn pase ler nou ti met sa *item*, lo *ABC*, dan *ABC* lo *Order Paper*, mon ti anvoy en mesaz pour tou

Manm pour zot pran note ki nou pe pran sa *Bill* e pour pran sa letan, sa detrwa zour ki reste pour zot prepar zot pour deba lo sa *Bill*.

Alor mon santi vi ki sa i nou premye zour pour sa trimes Lasanble, mon ti anvi ki Lasanble i demar avek en *Order Paper* ki annan plen e nou annan sa *Bill* la ki'n pare pour pran e mon ti zize poudir nou kapab fer *Second Reading* ozordi, menm si nou'n fer *First Reading* bomaten.

Alor premye pa mon pour demann *Leader* Biznes Gouvernman si i pare pour anmenn Mosyon pour *wave Second Reading* lo sa *Bill* - *wave notice* pour *Second Reading* lo sa *Bill*.

HON BERNARD GEORGES

Mersi Mr – Mr Speaker. Bonn apre midi Mr Speaker, tou bann Manm Onorab e tou dimoun ki pe swiv nou. Efektivman Mr Speaker, nou pare pour fer en Mosyon pour sispann *Order* pour sispann *Order* 69(1) en Mosyon anba *Order* 97(1) - eskiz mwan.

Mr Speaker, anba sa *Order* ki mon'n fek mansyonnen 97(1), mon le *move* pour ganny ou permisyon pour sispann *Order* 69(1) nou *Standing Orders*, pour permet ki *the*

Utilities Regulatory Commission Bill, 2023 i ganny lir en Dezyenm Fwa malgre ki sa peryod 7 zour depi ki in ganny lir pour premye fwa pa ankor ekspire.

Mr Speaker, anba *Order 97(1)*, mon sipoze donn en rezon akoz nou pe *move* sa Mosyon, me ou'n menm - ou menm ou, ou fek eksplike egzaktman akoz sa i bezwen fer, alor mon pa bezwen repet ou parol. *I move in terms of my Motion Mr Speaker.*

MR SPEAKER

Mersi. Mon a ganny segonnman lo sa *Bill*? Onorab Sandy Arissol.

HON SANDY ARISSOL

Mersi Mr Speaker. Bonn apre midi tou dimoun a lekout. Mosyon i ganny seconde. Mersi.

MR SPEAKER

Mersi Manm a vot lo sa Mosyon. Manm ki an faver lev lanmen silvouple? Mersi Manm ki kont? Lo Mosyon pour *waive seven days' notice to take Second Reading of Utilities Regulatory Commission Bill, 2023* – mon krwar – 23, 18 Manm in vot pour, 0 kont e 9 in *abstain*. Donk, sa Mosyon in aprouve par Lasanble. E nou kapab prosede avek *Second Reading*,

madanm raporter ou ava apel Minis ek son delegasyon silvouple.

Bon, bonn apre midi Minis Flavien Joubert, Minis pour Lagrikiltir Sanzman Klima e Lanvironnman. E bonn apre midi e byenveni egalman Mr Tony Imaduwa Sekreter Prensipal pour *Climate Change and Energy*, Ms Sharon Gerry *Senior Legal Officer* dan Minister, Ms Bernice Charles *Acting CEO* dan *Seychelles Energy Commission*, Mr George James *Assistant Principal Legal Draftsperson* dan *AG's Office* e Mrs Irene Sirame *Legal Draft Person, AG's Office*.

Byenveni zot tou pour zwenn nou pour partisipasyon lo sa *Bill*. Mon a apel *Leader Biznes Gouvernman* pour prezant Mosyon pour *Second Reading*.

HON BERNARD GEORGES

Mersi Mr Speaker. Bonn apre midi Minis e ou delegasyon. Mr Speaker, anba *Order 69(2)* nou *Standing Orders*, mon *move* ki *the Utilities Regulatory Commission Bill, 2023* i ganny lir en Dezyenm Fwa. Mersi.

MR SPEAKER

Mon a ganny segonnman? Onorab Arissol?

HON SANDY ARISSOL

Mersi Mr Speaker. Bonn apre midi Minis avek ou lekip. Mosyon i ganny segonde. Mersi.

MR SPEAKER

Mersi. Avek sa, mon ava envit Minis pour fer son prezantasyon sa *Bill*.

MINISTER FLAVIEN JOUBERT

Mersi Mr Speaker. Bonn apre midi tou bann Manm Lasanble Nasyonal, Mr Speaker e bann dimoun ki pe ekout nou ozordi apre midi.

Mr Speaker, le 4 Avril nou ti entrodwir, Minister ti entrodwir sa *Bill* dan Lasanble Nasyonal e nou ti fer diskisyon lo la, demar sa diskisyon. Le 5 Avril an swivan en refleksyon ki nou'n fer lo sa *Bill*, nou ti demann Lasanble Nasyonal pour aret diskisyon, pour nou konsider serten detay ki ti ganny leve par Manm dan Lasanble, isi lo *Floor*.

E pour nou osi adres serten lezot pti problem ki nou'n remarke ti a pli bon fer an deor Lasanble lo sa *Bill*. Alor nou ti rebran sa *Bill*, avek permisyon Lasanble, nou ti retourn kot *Attorney Zeneral* e apre sa nou ti fer en revi ansanm avek bann zofisyè *Attorney Zeneral*.

E sa *Bill* ti ganny re-Gazete le 24 Zilyet, e byensir en kopi in ganny anvoy-e kot Lasanble Nasyonal pour konsiderasyon apre ki in ganny Gazete.

Sa *Bill* nou a rapel son lobzektif, se pour reglemant bann aktivite anba sa bann sekter ki annan pour fer avek lenerzi e pour fer ki zot servis i vin pli adekwa, vyab, rantab e abordab, e a menm moman protez e konserv lanvironnman.

Sa Lalwa pour fer sir ki sa fonksyon regilater i ganny mentenir e osi asir son bann - son lendepandans pour ki i kapab desarz son fonksyon an relasyon avek Gouvernman, e lezot partisipan dan sa sekter par egzanp *PUC* ek bann konsonmater.

E zis pour fer rapel ki la mon pe koz lo sa *utilities regulator*. E finalman lentansyon se pour kree en lanvironnman zis ki pour promot lenvestisman prive dan sa sekter e ti annan bann lezot detay ki mon ti donner Mr Speaker, konsernan konsiltasyon ki'n ganny fer pour prepar sa Lalwa.

Depi ki sa versyon sa Lalwa in ganny pas Lasanble e apre ki nou'n fer bann verifikasyon avek *Attorney Zeneral*, i annan de group

sanzman ki'n ganny fer; premye se ki bann fot lekritir ki ti annan dan sa *Bill* i ganny netwaye.

Savedir ti annan en kantite bann fot ki ti ganny endike par *Bills Committee*, ki *Attorney Zeneral* in pran letan, bann zofisye e zot in pas lo la pour fer sir ki sa *Bill* i pli prop e nou pa perdi letan lo remet sa bann fot annord.

Dezyenm keksoz ki'n arive se ki, i annan bann sanzman ki nou kapab apel sa bann sanzman materyel ki'n ganny fer dan sa *Bill* e la mon le pas lo la Mr Speaker. Bann sanzman konsekan ki'n ganny fer dan sa *Bill* depi ler in ganny tire Lasanble e letan in retournen.

Pour komanse lo definisyon, “*consumer*”, in ganny sanze, ek “*service provider*”, son definisyon in ganny sanze, e osi “*Minister*”, in ganny sanze pour fer li vin Minis ki responsab *utility services*. *Clause 5* in ganny sanze, 5 nou a rapel i, “*Functions of the Commission*”, wi anba 5(1)(m) in ganny sanze 5(3), 5(1)(m) i annan pour fer avek, “*register*” kot *licensees* ek *authorisation*. 5(3) in ganny sanze, e sa i annan pour fer avek *powers of* sa Komisyon me sa in ganny retire.

Clause 7 in ganny tire, e son konteni in ganny azoute avek *clause 6*, *clause 9* in ganny re-pozisyonnen pour fer li vin *clause 8*, e *clause 11* ki en *clause* ki ti annan bokou diskisyon lo la, ki annan pour fer avek *eligibility* en dimoun pour li vin en *Commissioner* sa in ganny reekrir e bann Manm i ava trouv nouvo *text* konsernan sa *clause*, ki aprezan i *clause 10(1)* dan nouvo Lalwa.

Clause 13, “*special functions, and duties of the Commission*” in ganny osi tire, *clause 23* ki annan pour fer avek *annual report*, in ganny mete anba *clause 21*, e i spesifye *annual report* ki sa Komisyon i sipoze soumet sak lannen.

I annan en nouvo *clause* ki'n ganny azoute pour “*Compounding of offences*” e sa i vin *clause 30* dan sa nouvo Lalwa e osi *clause 32*, in ganny re-nimerote pour li vin 31, e anba la i annan bann *administrative penalties*. Mersi Mr Speaker.

MR SPEAKER

Mersi Minis. Nou ava prezan met sa *Bill* dan – lo lasal pour deba. Onorab Hoareau?

HON JOHN HOAREAU

Mersi Mr Speaker. Bonn apre midi Mr Speaker, bonn apre midi tou dimoun ki a lekout. Mr Speaker, sa *Bill* ki devan nou, sa Prozedlwa i enn ki pe premyerman fer de keksoz.

An prensip i pe *repealed Energy Act, 2012*, ki ti donn nesans *Seychelles Energy Commission* avek *Seychelles Energy Board* ki a sa lepok ti ganny mete pour – ti ganny fer pour *domesticate* enn pti pe *Protocol Kyoto*, lo size lenerzi renouvlab e lefikasite litalizasyon lenerzi.

So, sa ti ganny fer akouz nou ti en *signatory of sa protocol* e osi pour nou kapab akonplir bann *SDG goals 13*, lo kote *climate action*.

Dezyenm fonksyon sa *Bill* ki devan nou, se pour kree en *Regulatory Commission* ki li i pour pran tou bann rol, *Seychelles Energy Commission* ki ti pe fer avan, e anlpi ki sa, i pour al pli devan koman en regilater pour li kapab regulariz servis delo, elektrisite, e *sewage*.

Parmi nouvo rol sa Komisyon, i pour determin bann standar servis, evalye bann laplikasyon pour nenport ki lakonpanyen ki le vin koman en *service provider* pour elektrisite, oubyen litalite parey nou met li; ekspekte zot fasilite

e donn zot bann *license* si zot merite.

Enn son latas osi, primordyal se pour reviz tarif e osi agree lo bann tarif lenerzi, menm si i en lakonpanyen prive ki pour rantre, i pour osi annan bann Kontra ki *Energy Commission* – sa Komisyon Regilater la, sa *Utilities Regulatory Commission*, pour antre an – dan en kontra avek sa bann lakonpanyen e pour determin ki kalite tarif ki nou pour peye pour sa bann diferan litalite.

Mr Speaker, sa i vremen enportan pour de rezon, premye rezon se pour gard pri abordab, e dezyenm rezon se pour stabiliz pri. Akouz ou pa pour kapab ganny ou en lakonpanyen ki antre dan sa biznes e ki varye son pri lenerzi a diferan pwen dan letan.

Mr Speaker, *Bill* pe fer en keksoz ki nouvo pour Sesel, i a pe kree sa lespas pour lenvestisman prive, sirtou dan domenn lenerzi renouvlab ki a lafen dizour nou kapab *meet* nou target 15poursan lenerzi renouvlab par lannen 2030.

E nou konnen nou menm poudir tou resaman, lannen pase in annan lenvestisman prive ki'n ganny konsolide mon kapab dir atraver *tender*, sa *marine floating solar farm* ki

pour fer Le Rocher-Providence *Lagoon*, e sa pour kapab prodwi environ 4megawat *solar* lenerzi elektrik atraver *solar farm*, *solar PV farm*.

E sa ki enportan avek sa se ki i en lakonpanyen *Quadrant* ki'n gannyen, me sa lakonpanyen i en melanz ant dimoun ki lokal isi e etranze.

E li i annan en target apepre 1.6poursan dan sa 15poursan ki pour kapab donn lenerzi renouvlab. Son pri i vremen abordab ou kapab dir, parske i pe sarz – i pe optimiz lafason ki pe servi lenerzi – ki i pour prodwi lenerzi par sa *solar farm* e i pour kapab donn en pri ase rezonnab ant 9.5 *Dollar cent* nou kapab dir par *kilowatt*. Alor, sa an konparezon avek *fossil fuel* i en pri ki vremen rezonnab.

Mr Speaker, ozordi, nou kapab konstata ki nou bann Zil Elwanye pa egzantp i annan diferan operater ki pe, ki pe donn elektrisite ki pe prodwi elektrisite e ki pe vann elektrisite. Par egzantp lo bann Zil Elwanye *IDC* ki pe fer li, pour serten zil, i annan serten zil prive petet i annan serten lakonpanyen ki pe fer li.

E la nou pe kree sa lespas pour nou kapab ganny diferan lakonpanyen pour kapab *compete* lo sa bann *tender*, si le

prodwi elektrisite osi, e osi i pe kree en osi en nivo standardiz sa servis, fodre ki sa bann lakonpanyen ki antre i respekte bann standar ki sa Komisyon pour met an plas.

E an prensip sa – zis pour retourn enn pti pe lo sa *solar farm*, sa i pour enn ki pour pli gran dan Lafrik e i fer nou fyer koman enn pti pep, enn pti zil ki nou pour annan sa *solar farm*, sa *marine solar farm* la ki en pe pli gran dan Lafrik.

Mr Speaker, i annan osi bann lezot lakonpanyen ki'n eksprim lentere avek Minister Lanvironnman, pour menm bril bann salte, bann *dechét e turn it into energy*.

So, sa osi i annan lentere me selman, keksoz i ankor a en nivo enfantil ou kapab dir, i pa ankor materyalize, me selman i bann keksoz ki Gouvernman pe etidye e pe vwar. I annan osi lentere dan *ocean current*, kot bokou resers pe fer pour kapab konpran ki fason, nou kapab ganny lenerzi an servan bann kouran dan delo sale.

Mr Speaker, a sa pwen mon le fer resorti en keksoz ki sa *Bill* ti vin kot nou le 23 Mars 2023, e nou ti fer resorti serten konsern *via Bills Committee* - lo size provizyon ki sa Komisyon i kapab desid saler *CEO*, i kapab desid saler bann lenspekter

oubyen bann lezot travayer ki pour travay anba sa Komisyon.

E nou konsern sete senpleman, akoz Gouvernman ti remarke poudir i annan en vreman en gran *disparity* ant bann pri ki bann dimoun pe gannyen dan bann sekter parastatal, oubyen bann sekter lantrepriz piblik, kot i annan *CEO* par egzanp ti pe ganny R30mil, i annan ki ti pe ganny menm preski R150mil pour al R200mil. E sa bann keksoz, ti ganny *sort of* diskite bokou a nivo gouvemantal, lo nivo *PSB, Public Service Bureau* e lo - menm lo nivo *PEMC - Public Enterprise Monitoring Commission*.

E nou, ki nou pe demande senpleman, nou pe demande ki provizyon i ganny fer ki, sa bann saler, i toultan *according to Government's Policy, Remuneration Policy*.

So, sa i en propozisyon ki mon pour mete *at the point* ki nou al dan Staz Komite, pour fer sir ki tou keksoz i mars dapre en serten striktir. Akoz nou pa kapab ganny bann dimoun ki abitrerman i vini i dir ou koumsa si ou le ganny mon servis, ou bezwen pey mwan tan, konmsi tan e al negosye son prop lapey e finalman nou vwar en gran disparite ant bann lapey ki pe ganny peye.

I vre ki mon toutafe konpran bann rezon petet pour lendepandans sa Komisyon, pour li kapab annan sa lanmen large si oule, pour li kapab anploy oubyen recruit serten *technical personal*, pour kapab fer son louvraz. E petet i pour bezwen pey en pe plis ki bann lapey normal. Mon kapab konpran sa, me selman sa i devret ganny fer tout an prenon kont bann striktir ki ganny etablir par Gouvernman.

So, sa ki nou le met lanfaz lo la se ki i bezwen annan en striktir, pa kapab en keksoz arbitrer. Alor se pour se la rezon ki mon pour met enn pti lamannman a moman apropiye.

Mr Speaker, ti annan en lot size osi ki dan *Bills Committee* nou ti fer resorti, se size kalifikasyon pour sa *CEO* ki zot pour anploye, ki lo komansman nou ti fer remarke dan nou, dan nou rapor, dernyen pwen dan nou rapor anba 4.0 *Issues discussed by the Bills Committee* i dir, "*The qualification of CEO was - The qualification of CEO was missing, - ok - in the Bill*".

So se sa ki nou le fer kler ki nou le demann petet Minis, pour donn nou en komitman ki ler ki sa *Bill* i ganny ennakte zot premye *S.I.* ki zot ava prodwi,

zot ava prodwi bann detay lo kalifikasyon sa *CEO*, akoz zot kapab fer li anba Seksyon 32(1) dan zot Lalwa ki donn pouvwar Minis pour anmenn bann regilasyon.

Mr Speaker, avek sa de pti pwen ki mon'n fer resorti, mon pou dir ki mon pour ekout Minis tre byen, tre atantiv e mon ekspekte en solisyon pozitiv - en repons pozitiv lo sa ki mon'n fer resorti. E mon ava donn mon sipor si mon ganny sa konfidans ki mon pour ganny sa bann pozisyon swivan ki mon'n fer resorti. Avek sa Mr Speaker mon a remersye ou.

MR SPEAKER

Mersi Onorab Hoareau. Lot Manm ki pour entervenir lo sa *Bill* i – napa. Alor Onorab Pillay, wi?

HON SEBASTIEN PILLAY

Mersi Mr Speaker. E bonn apre midi Minis avek ou delegasyon e tou dimoun ki a lekout. Mr Speaker, nou ti deza fer en deba lo merit sa *Bill*, dan Lasanble e nou'n ganny *basically the same Bill* avek serten sanzman pour nou fer en deba lo la ankor, e nou pe fer en dezyenm deba lo merit sa *Bill* ankor enn fwa.

Pour mwan si i montre serten defayans lo nivo planifikasyon ki egziste dan sa

Gouvernman aktyel. *Be that as it may* Mr Speaker, nou annan serten kestyon ki nou ti a kontan Minis i reponn.

Premye kestyon ki mon ti a kontan Minis i reponn, e si ou kapab vin *candid* avek Lasanble, se dir avek Lasanble, eski i annan okenn *independent power producer or service provider* ki pe al antre dan *provision of power*? *Either* pour elektrisite *or water and sewage*, eski i annan? Akoz nou, nou pa konnen.

E koutim ki nou'n vwar avek sa Gouvernman ozordi, se ki keksoz i ganny fer dan Lasanble apre zot pas en regilasyon ki nou, nou pa konnen kwa ki pase dan relasyon *and then suddenly* ou tande en dimoun pe fer tel keksoz. Se sa ki pe pase ozordi.

So si Minis i kapab konfirman si i annan okenn *BOT*, okenn *Build-Operate-Transfer Agreement* avek okenn *independent powers* par *power service provider* pour nou konnen koman Lasanble, si eski nou pe pas en Lalwa, pour permet en lot akter antre dan sekter lenerzi?

E mon pa ti a kontan ki mon desizyon ozordi, i en desizyon zisteman pour fasilite akse avek *what is in my opinion a very lucrative business*, par

ankor serten dimoun, oubyen serten endividi ki le ankou enn fwa vwar en loportinite pour fer en kantite larzan dan nou pei. Sa en premye keston ki mon ti a kontan Minis i reponn.

Dezyenm keston ki mon ti a kontan Minis i reponn e sa ki konsern si oule sa gol anbisye ki nou'n set, pour nou elev proporsyon *renewable energy* dan sa *energy mix* ki nou annan. E nou pe koz sorti 5poursan pour vin 15poursan par 2030.

Me sa ki enteresan, ou annan dimoun ki'n fer laplikasyon par egzamp, pour 20kpw e PUC pe dir zot pa kapab cope. So eski nou pe pas en Lalwa pour permet en gro akter kapab fer en aktivite oubyen eski nou pe pas en Lalwa ki pour permet bann *individual power producers*; savedir dan pwennvi rezidansyel pour zot kapab fer li?

Mon annan en case la Mr Speaker kot rezondet ki sa dimoun ti gannye, ki son demann pour li ganny 20kpw, pa ti ganny aksepte, i ti ganny aprouve zis pour li ganny 5kpw, e i ti kapab vin *hundred percent self-sufficient* se akoz zistans ki i ti ete avek grid. Si oule *network transformer*.

E keston ki sa i souleve, si eski lenfrastruktir de baz ki nou annan ozordi pa pe permet en *individual power producer*, en dimoun ki pour fer sa lo en baz rezidansyel, pour li vin san pour san *sustainable*.

Si ou lenfrastruktir pa permet ou, *what is the exercise of the law* oubyen ki Lalwa pour anmennen anplis atraver striktir e mekanizm ki Minister i annan lentansyon met an plas, atraver sa Komisyon ki nou sipoze pas en Lalwa?

Akoz nou pe zwenn la, lo *taxpayers money*, nou pe fer en deba lo *tax payer money*, televizyon, elektrisite, dan Lasanble ozordi i *taxpayers money* e *taxpayer money* i bezwen annan en rezilta. Eski sa rezilta pour fer ki Joe *somebody* ki reste – mon pa konnen mwan - Anse Royale pour kapab ganny akse oubyen aste *panel*, ki a *provide* li ase lenerzi ki a kapab konekte avek *grid* e *grid* i a kapab abzorbe sa lenerzi ki prodwi?

Si larepons pour sa keston i non, *what is the purpose of this exercise?* Pour ankou enn fwa met en kad administratif e birokratik an plas ki pa pour anmennen en rezilta tanzib pour piblik la deor.

So nou koman Lasanble nou bezwen konnen, akòz mon'n ekout lentervansyon Onorab Hoareau avek serten fasinasyon, akòz dan mon leksperyans pou mwan par egzamp ler nou koz bann zil elwanye i annan primordyalman *one independent power producer* ki se IDC e li ki *provide utilities and power* pou lamazorite nou bann zil elwanye. Bann zil ki prive byensir sa bann akter prive i rod zot prop sistenm zenerasyon *power*.

Alors nou bezwen konpran egzaktaman ki pe arive, ki nouvo mouvman in arive dan sekter lenerzi, ki pou fer ki ou annan prezan endividi oubyen group endividi, ki pe form bann lakonpanni pou fer zisteman sa ki sa Lalwa i sipoze dan son lentansyon *regulate*.

En lot keksoz ki pou mwan i, i enn pti pe trakasan Mr Speaker, se lefe ki ler mon pe regard sa Lalwa, mon pe vwar sa kontrol biokratik ankòr, konmsi mon bezwen mon lekor ki direksyon Gouvernman i anvi ale, avek sistenm biokratik ki i etabli, an sa ki konsern sekter biznes? Kwa egzaktaman ki ou le *achieve*? Eski i le plis kontrol lo biznes? Eski i le fer biznes li menm? Tousala i pa kler.

E prezan *at the back of my mind*, en pwen ki souleve se ki danze sa i poze pou sa plizyer mil travayer, plizyer santenn travayer ki travay avek lakonpannyen *utilities* Nasyonal ki se PUC, dan konteks kot ou annan konpetisyon direk avek li pou *provide* elektrisite, *power*, delo oubyen servis *sewage*?

Tousala nou bezwen met an perspektiv, akòz nou pou pe zwe avek *livelihood* dimoun e fodre nou fer sir ki benefis ki sa pou anmennen i en benefis pou tou dimoun.

Alors Minis, se sa bann kestyon tre senp ki mon annan ki mon ti a kontan ou reponn, e mon ti a kontan ou klarifye, pou ed nou konpran egzaktaman kwa ki nou pe fer apre midi, e ki lavantaz sa pou anmennen? Mersi Mr Speaker.

MR SPEAKER

Mersi Onorab Pillay. Bon, mon napa lot entervenans pou deba, alors mon ava envit Minis prezant son rezimen e konklizyon.

MINISTER FLAVIEN JOUBERT

Mersi Mr Speaker. E mersi sa de Manm Onorab ki'n met bann pwen, lo latab konsernan sa *Bill*. Mon a pas lo pwen ki'n leve

par Onorab John Hoareau Mr Speaker, an premye.

Kot i konsern determinasyon saler ek lafason ki liberte ki sa Komisyon pour annan, pour li determinen si i pour kapab donn serten saler avek son bann dimoun ki travay lo sa Komisyon, byensir nou bezwen tonm dakor ki sa Komisyon, i en Komisyon ki aliny son lekor avek bann prensip ki ganny adopte par Gouvernman.

Ki fer ki son desizyon lo bann saler i pour bezwen swiv bann kad ki deza egziste dan pei. I pour bezwen fer sir ki i pa pe depas, son kapasite finansyel, me osi i pa pe depas bann lareg ki deza aplike pour bann lantrepriz ouswa bann lorganizasyon ki ganny sipervize par Gouvernman. E sa i kler.

E Onorab in dir nou ki nou devret fer li pli kler, me i annan solisyon pour fer li vin pli kler, atraver bann lord ek bann direksyon ganny donner par Gouvernman. Me mon le reasir Onorab ki sa Komisyon i pa en Komisyon ki pour deside fer keksoz endepandaman avek Gouvernman, menm si son rol, lentansyon se en Komisyon ki regle relasyon ki egziste ant bann prodikter ek konsonmater e osi sa ki pe vann lo marse.

Lot keksoz ki Onorab in met devan, se kalifikasyon *CEO*. Mon krwar i toutafe normal ki kalifikasyon *CEO* i monte koman en pwen ki ganny konsidere par sa Komisyon, e letan en *advert* i ganny sorti pour determinen lekel ki pour vin *CEO*, byensir sa bann lenformasyon i ganny met annord avek direksyon sa bann dimoun ki pe dirize.

Ou annan bann Komisyoner ki pour travay avek sa Komisyon, ek bann lezot striktir ki pour *oversee* son aktivite. E sa i ganny mete byen kler, i ganny pibliye dan piblik.

Alor mon pa tro krwar poudir i annan en problemm avek sa size kalifikasyon *CEO*, me si i nesese pour pibliy kalifikasyon ki pour ganny aplike pour *CEO*, mon krwar sa Komisyon i kapab fer sa tre vitman. E *Minister* i kapab fer sa akoz i kler ki kalite dimoun ki nou pe rode pour diriz en Komisyon parey.

Pour pran sa mon'n met li anba trwa pwen sa ki Onorab *Leader* Lopoizasyon in fer sorti Mr Speaker. Premye se eski i annan *independent power producer* Sesel? Wi, nou'n fini siny lagreman avek en konpanyen e se sa enn ki ti'n deza depi en bon pe lannen pase komans negosye avek

Gouvernman pour etabli en *floating PV plant* Providence.

I annan bann travay ki ti ganny fer apre keksoz pa'n bouze, me ozordi nou'n arive negosye avek sa *IPP independent power producer* tou bann tranzaksyon in ganny fer lo kote, tarif e lo kote koneksyon avek sistenm *PUC*.

E byento mon mazine dan bann zour ki pe vini pour annan prezantasyon en Lalwa ki pour permet nou klarifye son drwa ki annan lo lespas ki i pe okipe, ki dan domenn piblik aktyelman.

E sa i en konfirmasyon ki i annan *independent power producer* ki la, deza etabli e nou'n siny en premye Lagreman, mon ava rod sa dat egzakt kan nou ti sinyen avek sa lakonpanyen.

Dezyenm i annan *Waste-to-energy*, nou lentansyon se avan lafen sa lannen, envit okenn konpanyen ki anvi fer *zero landfill* ouswa *Waste-to-energy* pour vini e si sa i mars byen, pour annan en lot *independent power producer*, ki pour antre e i a kapab vann son lenerzi avek *grid* elektrisite.

E osi i annan bann lezot lentansyon ki nou annan lo kote Mahe, Praslin ek La Digue, envit bann lezot *independent power producer* pour vini e

kontribye dan sa demars pour nou ariv, pour nou fer monte nou poursantaz *renewable* dan nou *energy mix* dan pei.

Sa bout dezyenm pwen Mr Speaker, i konsern lenerzi renouvlab i sorti 5poursan pour al 15poursan 2030. Lentansyon se ki nou servi bann gro prodikter pour nou fer monte nou poursantaz lenerzi dan pei. E sa i fezab, letan nou get dapre kantite kapasite ki bann prodikter endepandan i kapab anmennen, i fezab pour nou ariv 15poursan an 2030, si nou kree kondisyon pour zot antre dan marse e pour zot ganny regle dan marse.

E sa i enn bann rezon akouz nou pe anmenn sa *Bill* devan. En prodikter i pa oule antre pour li vin partisip dan sa sekter, si i napa bann lasirans ki bann Lalwa i pa annord. E sa *Bill* ki nou pe vin avek la, i enn bann mezir ki nou pe met an plas pour fer keksoz vin pli annord, pour ki okenn sa ki enterese prezan i kapab vini konnen poudir i annan en striktir, en lankadreman pour li fonksyonnen.

I annan ankor lezot lareg ki pour ganny mete, ki pour permet zot, ganny sa lasirans ki letan zot vini, keksoz i mars byen.

E en *utilities regulator* i dan en kantite pei i egziste, e se sa son rezon, son rezonnman se pour permet bann ki anvi partisip dan sektor pour vwar zot avek tou bann rekour ek tou bann striktir ki zot devret pe servi pour fer fonksyonnen zot sistenm, san ki zot annan okenn lenkyetid ki par egzanz sa konpanyen pe *deal* avek demen pour vir lo zot, e pou fer zot abandonn zot bann lenvestisman.

Alor pour nou sa *Bill*, i en lepa devan pour permet sa target arive, 30 - 15poursan. Me selman mon krwar Mr Speaker, ti a bon kler, klarifye ki sa ki Onorab pe koz lo la i bann ptipti prodikter ki pa pe zis prodwi pour vann lo *network*, me zot prodwir pour zot esanze dan en fason avek *PUC*, kot zot *offset* zot prop konsonmasyon avek en sistenm lo zot lakaz.

E laplipar ditan rezon ki zot pa pe ganny donnen san poursan lendepandans, se akoz bann rezon teknik ki pa permet pour ki zot kapab vin san poursan endepandan e osi bann kestyon tarif, ki ozordi mannyer in ganny striktire i pa permet pour fer sa bann keksoz arive.

Alor i bann travay adisyonnèl ki nou bezwen fer, pour fer ki sa ki anvi met *solar*

PV lo son lakaz i kapab mete. I annan bann amelyorasyon *network* osi ki bezwen ganny fer, bann lenvestisman pour bezwen ganny fer, pour ki *network* i kapab siport sa kantite *renewable* sorti kot diferan sours dan sistenm.

Kot i konsern biznes, eski Gouvernman i – lentansyon se kontrol bann biznes? Mr Speaker, mon ti le reasir Onorab ki lentansyon se pour kree kondisyon pour bann dimoun antre avek zot sistenm, prodwir, vann, avek lasirans ki annan en regilater ki pa *PUC*.

I pa tro konfortab pour en dimoun vin vann elektrisite, ouswa lenerzi avek en konpanyen ki osi pe regle sa *market*. I pa *fair*. Ou bezwen annan en striktir endepandan ki an deor sa relasyon ki i kapab azir parey en refri i kot i annan keksoz ki mars mal, i kapab entervenir e fer keksoz tonm byen; protez sa lenvestiser, protez sa *utilities* ki pe vann avek konsonmater, me osi protez konsonmater.

Alor nou bezwen annan tousala e se sa – se sa ki nou anvi arive, nou anvi ariv en sityasyon kot tou dimoun i konfortab, konsonmater sa ki pe vann *PUC* e osi sa ki pe prodwir pour li vann ek *PUC* pour ganny vann plis devan, i

osi konfortab ki sityasyon i annord e i napa okenn problemn pour li investir dan sa sekter.

So, avek sa Mr Speaker, mon pa konnen si mon'n satisfere tou bann pwen me se sa ki mon ti a voudre dir ki lentansyon se annan en Komisyon, ki pour ed nou met keksoz annord pour tou partisipan dan sa sekter, e fer ki dimoun i konfortab in investir plis. Akoz nou ariv lo nou target 15poursan i pa pour neserman zis lenvestisman Gouvernman, me i pour lenvestisman prive osi ki nou bezwen ankouraze pour antre dan sa sekter. Mersi.

MR SPEAKER

Mersi Minis. Bon avek leksplikasyon Minis, mon ava aprezan apel bann Manm pour vot lo sa *Bill* pour *Second Reading*. Manm ki an faver lev lanmen Manm ki kont? Lo merit zeneral *Utilities Regulatory Commission Bill, 2023*, 19 Manm in vot pour, 0 kont e 10 in *abstain*. Donk sa *Bill* aprouve pour *Second Reading* e nou a demann Madanm Clerk pour fer *Second Reading*.

MADAM CLERK

Mersi Mr Speaker. A *Bill for an Act to establish The*

Utilities Regulatory Commission for regulating the electricity, water and sewerage sectors and for other connected or incidental matters. Mersi Mr Speaker.

MR SPEAKER

Mersi Madanm Clerk. Nou a prosed dan Komite pour kapab pran bann lamannman, e kestyon. Onorab Hoareau, ou pour pran laparol?

HON JOHN HOAREAU

Mersi Mr Speaker. Mr Speaker, parey Minis in fer resorti, *Bill* in vin kot nou apre in ganny *withdrawn*, e pandan letan ki i ti vin kot nou, nou'n fer tou bann *scrutiny* e in ganny pran kont. Me par kont ti annan enn pti amannman ki mon le propoze i en - i pa en *substantial amendment*, i zis enn pti lamannman lo paz 15. *16(1)(d)(ii)* kot i dir, "*selection, promotion, remuneration and other matters to its staff;*" mon le *delete* sa mo, "*remuneration*", so i pour *delete* sa mo avek *comma after*, "*promotion*".

So, i pour lir koumsa, "*selection, promotion and other matters related to its staff; and*", apre sa mon le azout en *subsection 16(2)* apre *subsection(iii)*. So, sa *16(2)* pour lir koumsa,

“Notwithstanding the powers vested in the Commission in section 16(1), the remuneration, compensation and benefits of its staff shall be calculated and determined in accordance with the government remuneration policies.” (full stop.) Mersi.

Apard sa nou napa ankor amannman pour fer, mon vwar tou keksoz i annord. Mersi.

MR SPEAKER

Mersi. Nou napa okenn komantr lo sa bann amannman. Onorab Georges?

HON BERNARD GEORGES

Mersi Mr Chair. Mon napa komantr lo sa lamannman, me mon annan 3 ou 4 pti lamannman pour propoze. Kekfwa si i annan komantr ki lezot Manm i anvi, mon ava sed laparol, epi mon ava retourn lo mon bann pti amannman.

MR SPEAKER

Wi. Onorab Pillay, ou annan propozisyon?

HON SEBASTIEN PILLAY

Mersi Mr Speaker. Mr Chairman, mon le petet Minis i klarifye. Ler mon pe regard dan ou, dan *definition section*, *interpretation section*. Mon vwar ou'n fer serten travay pour koriz

bann enterpretasyon. Be petet anliny avek en *statement* ki ou'n fer, lo en kestyon ki mon'n demande, mon ti a demann ou en klarifikasyon.

An sa ki konsern ler ou pe koz en *service provider*, nou pe mean dan sa konteks en dimoun ki pour annan kapasite *to become a service provider*, so i pour pe *provide*, oubyen pe *generate* en lenerzi lo en nivo materyel *basically*. Be enn bann *statement* ki ou'n fer, ou'n *basically* dir ou pa pou kapab bann *independent power producer*, sirtou bann ki pe fer li lo en baz rezidansyel pour vin san poursan soutenab akoz bann kondisyon teknik.

Me selman en *independent service provider*, li i pour kapab antre e fer li, so obligatwarman mwan koman en endividi ki anvi vin san poursan soutenab lo mon lakaz, mon pou bezwen al kot en *service provider*. Mon pa pour kapab vin 100 poursan soutenab akoz ou bann kondisyon teknik pa pour permet mwan vin san poursan soutenab.

E prezan mon pe demann mon lekor, vi ki nou pe pas en Lalwa pour *regulate*, savedir nou pour annan dimoun ki pour depan lo *grid PUC* ki *provide* lenerzi *fossil fuel energy* kot i pour pe *rely* lo sa ki *PUC* i

provide, me apre ou pour annan bann nide *panel power producers* parey sa enn ki pe fer pour *floating PV* eksetera. Me *my problem* se ki la ou pe *constraint* okenn endividi ki le vin san poursan soutenab. *Because that doesn't drive you to drive any technical changes* pour permet mwan kapab sorti *5kwp* pour vin *20kwp!* I enposib pour mwan fer.

So petet si ou kapab klarifye ou definisyon *service provider* eski sa i *lock - i set in stone?* Eski koman sa Komisyon ou pa pe osi konsidere ki *as a regulator*, ou pour osi *regulate* bann dimoun ki pe *provide*, ki pe *generate power from* lo en perspektiv rezidansyel. *Does that mean* ki ou'n fini ferm sa laport, ki *that's the only way* ki ou pe regard sa? Ou pe regard *service providers*, ou pe regard bann ki pe prodwir lo en gran lesel, be ou napa okenn lentere lo bann ki pe prodwi lo en pwennvi personnel.

Prezan *where* - kote mon annan en problem ek sa mwan, Polisi Gouvernman i le fer son lekor vin 15poursan, me i pa le *drive* sa 15poursan an servan dimoun li, i le *drive* sa 15poursan *by* entrodwir gro *service providers* pour *inflate* son *figures*, *but this is not*

democratization of PV, *this is not it*, *this is* pour mwan ou pe *constraint* ou lekor.

That is why mon le regarde si dan definisyon *service provider*, ou petet pe *constraint* ou lekor pour ki *deal* zis ek sa group dimoun? Mersi Mr Speaker. Mon krwar Minis i konpran ki mon pe demann li.

MR SPEAKER

Wi, anfen nou'n swiv ou wi. Minis, ou ti a kontan adrese donn en leksplikasyon?

MINISTER FLAVIEN JOUBERT

Mersi Mr Speaker. Mr Speaker, avek ou permisyon mon pour permet *PS*, Mr Imadua pour azoute lo sa pwen. Me selman mon krwar Onorab i bon klarifye ki sa ki nou'n mete ladan *service provider*, se en dimoun ki pe *provide* en *utility service*, e nou'n koz lo la devan, nou'n dir *electricity, water and sewage*.

Savedir i en konpanyen parey *PUC*, i pa sa dimoun ki pe vann *bulk power* avek *PUC*, sa *independent power producer* li, e zis pour fer remarke ki *independent power producer* i pa en gro dimoun ki sorti aletranze li, en group Seselwa i kapab deside *invest* dan en sistenm, e i annan Seselwa ki

enterese pour *invest* dan en sistenm, pour li vann, in *bulk* avek *PUC* ki *PUC* apre i revann avek konsonmater.

Parey sa konpanyen ki pe vin vann la Providence, li i pour prodwir *power*, i pa pour *self-sufficient* dan *power* li, son lentansyon se vann elektrisite an gro avek *PUC*, dapre en nivo ki'n negosye, e apre *PUC* i revann sa avek konsonmater.

Me selman si li dan son biro kot i travay laba i annan bezwen elektrisite, i pour re-aste ek *PUC* li, i pa pour aktyelman vin *self-sufficient* dan *power*. Son louvraz se zis prodwi elektrisite pour li vann lo *grid*, ouswa pou li vann avek en *service provider* e sa *service provider* distribye avek konsonmater.

Mon krwar fodre nou met tousala byen kler, letan nou pe diskite sa e nou pa vwar li koman en fason ki sa ki gro pe vin manz sa ki ptipti, sa ki ptipti pour napa en sans pour li antre dan sa sekter.

I pour annan sans pour bann ptipti konsonmater ek bann ki enterese avek *solar panel* lo zot lakaz, zot pa en *service provider*, zot pa ni en *IPP* sa bann dimoun, zot en bann pti prodikter domestik, ki pe *offset* zot bil avek en sistenm *solar PV*.

Me nou a realize Onorab ki en dimoun ki annan en sistenm lo son lakaz, i tre difisil ozordi pour li vin *self-sufficient* akoz aswar i bezwen demann *PUC* kouran li. Savedir i bezwen annan en sistenm kot i sanz – i fer lesanz avek *PUC* dan lazournen me aswar i kree son demann lo *network PUC* pour li kapab fonksyonnen e fer son bann bezwen ki i bezwen, ziskan ler i reganny *power* lo son sistenm ankor landmen bomaten.

Alor i tre difisil pour li vin en dimoun ki totalman endepandan avek *PUC*, dan sityasyon kot nou ete ozordi, kot bann teknolozi pa ankor ariv sa nivo. Me selman fodre nou separ, nou separ bann definisyon. *Service provider* se en dimoun ki *provide* sa servis pour sa sekter, ki sa sekter elektrisite, delo avek *sewage*.

E sa i *independent power producer* li, son louvraz se prodwi e vann avek en *service provider* e *service provider* i fer distribisyon. E apre sa ou annan bann lezot *suppliers* domestik ki zot, zot sityasyon i pa neserman en *independent power producer*, me zot plito bann dimoun ki pe *offset* zot bil an servan en sistenm ki permet zot fer sa.

Me mon pour demann *PS* pour osi azout, azout en pe lo la, zis pour donn en pe plis detay lo sityasyon aktyel ek bann poursantaz ki nou pe koze dan le fitir Mr Speaker. *Thank you.*

MR SPEAKER

Mersi. *PS* i kapab pran laparol, wi.

PS TONY IMADUWA

Mersi bokou. Zis pour klarifye parey Minis in dir, *IPP* son rol pirman i prodwi e vann, a en *off taker* – e dan nou ka i *PUC*. Sa ki ou koz lo bann sistenm lakaz nou apel li bann *distribute operation* e dan nou Lalwa Elektrisite *Bill* ki'n pase *recently, earlier* nou'n *talk about auto producer*. So bann dimoun ki prodwi sistenm pour zot prop konsonmasyon, e sa i ganny kouver anba Lalwa.

Keksoz ki nou pe – nou pe fer se ki nou pe – tan ki nou kapab dir disting byen relasyon ant bann diferan partisipan dan sa sekter; so ou annan bann *service providers* ki parey *PUC*, ou annan bann partisipan ki zenere, i annan bann partisipan ki konsonm e prodwi zot prop... So, *this* in ganny klerman mete dan Lalwa.

Lo kote ou konsern *IPP* in nobou 100poursan – se i pa vedir ki i 100poursan dan en

sans se ki ler en dimoun i vin ek en sistenm *IPP*, kwa ki ganny idantifye se *what we call a point of connection*. Se sa *point of connection* se ki en pwen kot i konekte lo *grid PUC* ki kapab *allow* pour abzorbe sa lenerzi.

Me ler nou'n koz lo bann pti sistenm lakaz la, zot *point of connection* i kot sa lakaz menm e laplipar ditan i annan *technical challenges* pour entegre sa *amount of* lenerzi pour antre dan sa *grid*. Si i annan tro bokou lenerzi soler pandan lazournen, ki arive voltaz i monte e ou ganny en destabillite dan kalite *power quality* lo laliny e sa i kapab afekte bann lezot landrwa ki pli pre.

So en keksoz ki ou kapab fer, se entrodwir bann nouvo teknolozi parey batri pour *storage, increase* dan *transformer size, upgrade modernize the line*. So enn de keksoz ki devret pe ganny fer pour investir pour *allow*, pour bann dimoun ki tonm dan sa kategori *distributed or* kot lakaz kapab enstal bann - enn pti git pli gro sistenm.

E parey osi lo kote ki ou'n mansyonnen zafer zot pa pe form par sa bout poursantaz, sa i fo. Aktyelman pres 2poursan sa 5 poursan i aktyelman gras a bann sistenm, bann pti

sistenn ki lo twatir rezidansyel avek komersyal ki form par sa 5poursan ki nou annan la pour lemoman. Mersi.

HON SEBASTIEN PILLAY

(Off-Mic)

MR SPEAKER

Onorab, mon pa tro sir ki direksyon nou pe ale la – ou'n demann en leksplikasyon ou ankor lo menm pwen la?

HON SEBASTIEN PILLAY

Wi, be selman mon le fer en klarifikasyon. Mon le koriz en mis-apreansyon. Dan son repons ki Minis in donn mwan - zis pour koriz PS - se li ki'n dir ki i le *boost* sa 5poursan pour vin 15poursan atraver IPPs, pa mwan ki'n dir. Se sa ki mon'n met sa devan ou pour demann ou sa. Mon pa'n fer referans avek sa, so annou ganny sa kler.

MR SPEAKER

Ok.

HON SEBASTIEN PILLAY

Zis en pwen Mr Speaker, ki mon le klarifye. *Ok, so auto power producers* i bann ki pe ganny kouver anba *Electricity Bill*, mon konpran byen. Mon kestyon pour ou prezan, i vin atraver sa Lalwa ki nou pe fer ki

sipoze *regulate Utilities Regulatory Commission*.

Sa ki mwan mon pa ti a kontan vwar, mon apresye pour vwar ki Seselwa i kapab partisip dan *power production*, i byen. Sa ki mwan mon pa ti a kontan vwar e petet reasir mwan sa mon dernyen kestyon Mr Speaker, si sa Lalwa pa pour fer ou annan ou en group dimoun ki'n fini vwar en *lucrative access* pour fer larzan, i vini, e zot kontrol sa sekter e prezan okenn lezot dimoun, lezot Seselwa ki le fer biznes pa pour kapab fer.

Sa ki mon pa le vwar. E si Minis i kapab reasir mwan lo sa kote, *then mon ava rest my case in regards to* nou definisyon *when it comes to service provider*.

Akoz la nou pa pe koz zis PV la, nou pe koz *Waste-to energy* osi akoz ou'n dir ou pe fer *expression of interest* pour sa kote, sa osi sa bann dimoun pour *provide* lenerzi. *At the end of the day*, nou pa kapab zis *provide* loportinite pour serten dimoun ganny akse ek fer larzan dan nou pei. Sa ki mon pe rode Mr Speaker. Si ou a permet mwan sa, se tou Mr Speaker.

MR SPEAKER

Minis, ou ti a kontan klarifye?

**MINISTER FLAVIEN
JOUBERT**

Mersi Mr Speaker. Zis pour fer rapel Onorab par egzanp pour *floating PV* ki mon'n fek ganny enn pti rapel la, nou ti sinyen le 3 Avril, sa i rezilta en *competitive tender*. E tou bann lezot demann, lapel ki ganny fer pour dimoun partisip dan sa sekter, menm *Waste-to energy* parey mon'n dir, i pour ganny fer *expression of interest* e apre nou selekte lekel ki pli apropiye, lekel ki son teknolozi i satisfere nou bann bezwen, lo - koman en pei, dapre nou bann standar ki nou'n adopte.

Alor tou bann keksoz i ganny fer dan en fason konpetitif Seselwa, pa Seselwa nenport ki dimoun, konbinezon Seselwa ek etranze, ki anvi met zot larzan dan en sistenm parey, zot kapab. I annan plizyer ki'n deza eksprim lentere parmi i annan en bon pe Seselwa avek *partner* etranze.

E mon pa vwar nanryen mal ladan, ki en Seselwa avek en *partner* etranze i enterese pour li vin partisipe. E aktyelman laplipar ki'n kontakte nou i bann dimoun ki annan zot kontak isi Sesel e zot, zot enterese pour zot vin partisip dan lenerzi, me nou'n dir zot letan bann *expression of*

interest i ganny fer, zot kapab partisipe dan en fason konpetitiv.

E sirtou enn bann rezon ki ganny fer lo baz konpetitiv, se pour negosye pri pli ba posib avek sa bann dimoun, pour ki *PUC* i ganny li en *supplier* ki pe *supply* li a en nivo tre ba, ouswa pli ba posib, ki li prezan letan i vann avek konsonmater, i kapab donn konsonmater en keksoz ki fer sans lo kote pri.

Alor pour nou, i pa - e mon ti a kontan reasir ou, i pa en lentansyon pour kree kondisyon pour serten dimoun ouswa serten group dimoun antre e domin sa sekter, me i plito en fason ki nou kapab ouver sa sekter pour ki bann dimoun ki annan larzan, bann group e lenstitisyon ki annan larzan i kapab vini met ladan, e ed Sesel devlop son sekter lenerzi.

Ti annan enn pti pwen ki ti leve Mr Speaker, konsernan sa bann *IPPs* ki pour fer nou ariv lo 15poursan. Mon krwar ou korek. Lentansyon se ki - akoz si ou get byen pour nou envestir pour nou fer nou poursantaz *renewable energy* monte Sesel, nou pour bezwen - i annan plizyer lenvestisman ki bezwen ganny fer. I annan batri, i annan *network*, i annan plizyer lezot keksoz.

E sirtou lo kote stabilite ek vyabilite sa *network* ki nou annan ki ptipti, dapre bann *expert* dir nou, nou *network* i vremen ptipti, e alor i pour annan lenvestisman ki pour ganny fer e nou pa krwar poudir nou pour kapab zis depan lo Gouvernman ouswa lo *PUC* pour li fer tou sa bann envestisman e apre an menm tan, fer lenvestisman dan bann sistenm prodiksyon.

Alor nou pe kree kondisyon, pour ki bann prive i vini i met zot larzan e zot prodwi, e *PUC* i aste avek zot e apre i ganny vann avek konsonmater lo en pri ki rezonnab, e ki nou konnen i stab dan letan ki osi ed nou lo kote stabilite pri lenerzi dan pei. Mersi.

MR SPEAKER

Mersi Minis. Mon a pran pwen Onorab Churchill Gill.

HON CHURCHILL GILL

Mersi Mr Chair. Minis, mon pour atir ou latansyon lo *clause* 4(1) e lo la ou'n mansyonnen ki Komisyon parmi son bann lobzektif, se pour fer sir i sa bann sekter i donn *adequate services* e *reliability*, sa mon konpran akoz pli ba dan ou regilasyon ou'n mansyonnen standar.

Me selman ou'n osi mansyonnen *cost effective and affordable services*, apre osi ou'n mansyonnen pour prezerv *protection of the environment*. La nou pe koz ler pour entrodwir sa bann keksoz, me nou tou nou konnen sa i annan *wear and tear*, avek zot a en serten moman.

E nou ti a kontan konnen si sa osi zot in – i annan zot in mazine ki mannyer nou pour *discard* bann keksoz ki ler in ariv son *lifespan*? Akoz nou konnen ozordi nou annan en pe konsern kot i konsern, *landfill* e sa, ki fason pour ganny *discarded* sa bann keksoz ler ariv zot *lifespan*? Sa i enn.

Apre dezyenm, ki fason sa *cost effective*? Ki mannyer zot pe mazin fer li? Akoz sa bann envestiser ler zot pour pe donn zot bann pri, sey donn en nide bann dimoun, bann pour bann konsonmater ganny en konpran, oubyen ganny en lespwar ki zot pour vwar en *cost effective service*, ki fason ki zot pe mazin *achieve* sa? Mersi.

MR SPEAKER

Mersi Onorab. Minis, ou adrese.

MINISTER FLAVIEN JOUBERT

Mersi Mr Speaker. Mersi Onorab, pour sa de kekyon. Mr

Speaker koman parti bann travay ki sa Komisyon pour fer avek bann dimoun ki enplike dan prodiksyon e lavant lenerzi ouswa lezot servis ki ganny regle par sa Lalwa.

Zot pour bezwen annan en *decommissioning plan*, akoz mon krwar i kler pour tou dimoun konmela ki sa bann lenstalasyon i bann gro lenstalasyon, e i pa kapab ganny kite koman en fardo pour en pei letan i ganny enstale.

E normalman sa bann keksoz i sorti an deor pei, e byensir letan i fini i pour bezwen ganny anmennen an deor pei dan bann fasilite ki spesyalize.

E nou konnen poudir en kantite pei ozordi, en kantite group pei pe fer bann demars pour kapab *deal* avek sa bann kalite *waste*, ki annan apre ki sa bann fasilite in fini fonksyonnen. Normalman nou konnen par egzanp en sistenm *solar PV*, nou pe koz 20an a 25an e apre sa nou konnen poudir i bezwen ganny *decommission*.

Me nou konnen ki i pour bezwen ganny fer e *as part of* zot travay i annan en *decommissioning plan* ki sipoze ganny *submit* avek sa Komisyon

pour zot ganny aprouvasyon pour met an plas zot sistenm.

E an pli ski sa Sesel nou pe konsider bann lareg konsernen *e-waste*, *electronic waste* e pa zis pour *solar PV*, me osi bann lezot kalite *e-waste* ki nou annan ozordi, ozordi nou annan depi telefonn mobil, lekipman lakour eksetera ki nou bezwen rod bann fason pli apropiye pour nou *deal* avek.

Me nou konnen poudir nou sityasyon, nou lokasyon kot nou ete i kree en problem e alor nou bezwen annan en sistenm ki nou kapab triye e dispoz sa bann materyo dan en fason apropiye, dan son landrwa kot i sipoze ganny *deal* avek.

Cost efficient service Mr Speaker, byensir sa Komisyon i bezwen gete ki mannyer sa bann *service provider* pe donn zot servis pour bann kliyan e osi annan drwa pour zot demann kestyon kot i konsern bann pri. Enn bann keksoz ki nou pe ekspekte Onorab avek plis *independent power producer*, lo kote *solar* par egzanp se ki nou annan en pri ki garanti dan *long term*.

Ozordi nou'n koz lo la isi Lasanble, pri lenerzi *fossil fuel* i monte desann li, nou pa konnen kot i pe ale ozordi, menm la aktyelman nou pe

koze i annan bann bouldersman dan lemond, i pe monte, i pe desann.

Me avek en sityasyon parey, kot ou'n negosye ou pri davans e ou'n garanti ou pri pour 20an, ou konnen egzaktman konbyen ou pour peye pour elektrisite pour sa prosen 20an ou, konbyen sa porsyon elektrisite pour kote. Ki fer ki sa bann bouldersman letan i arive dan lemond, i pa osi signifikan lo ou pri, ki letan ou kit li libreman, depandan lo lenportasyon *fuel*.

Alor mon krwar i en keksoz ki ede dan stabilite bann pri e osi an mezir nou ale parey nou'n dir letan ou fer, ou fer bann travay ki baze lo bann lapel konpetitiv, ou pe aktyelman fors pri desann atraver ou negosyasyon ki ou fer avek bann ki vin devan pour prezant zot propozisyon.

Alor nou, nou ekspekte ki an mezir ki letan i ale, an mezir teknolozi i devlope, e nou konnen poudir teknolozi pe devlope lo kote lenerzi renouvlab. Pli ou ale, pli ou ekspekte pour ganny en pri pli bon marse se sa ki lekspektasyon, se ki anmenn sa bann sours lenerzi dan pei, e pa zis pour rezon lanvironnman, me osi pour rezon pri ki ou kapab ofer konsonmater. Mersi.

MR SPEAKER

Mersi Minis. Bon Onorab Georges, nou ava la lo ou bann amannman.

HON BERNARD GEORGES

Mersi Mr Chair. Mr Chair, mon ti a kontan propoz detrwa *very simple amendments*, e sa se bann, enn de bann keksoz ki'n souleve dan sa bann lamannman ki'n ganny anmennen dan sa nouvo versyon sa *Bill*.

Mon komans avek *clause 6* lo paz 8, me mon al lo paz 9 *clause 6(2)(i)* “*acquire by purchase, lease, or otherwise.*” Dan dezyenm laliny mo “*license*” in ganny eple à *l'américaine, it should be with a “c”, “l-i-c-e-n-c-e”* e mon pe *move* ki sa mo i ganny ranplase par “*licence*” with a “*c*”.

Mon al lo paz 12, *clause 10, 10(1)(e)* aköz “*f*” in ganny retire, nou'n bliy tir *semi-column right at the end of “e”*, alor sa *semi-column* i devret en *full stop* apre “*misconduct*”.

Mon bouz lo paz 14 *clause 15 subclause 2, 15(2)* “*Any person dissatisfied with any order or decision of the Commission may appeal to the Appeals Tribunal established under section 14 of the Fair Trading Act, 2022*”. *There is no*

such thing Mr Speaker, the - sa ki ganny etabli anba Fair Trading Act Seksyon 14 se "The Fair-Trading Tribunal". So mon ti ava propoze ki olye met "Appeals Tribunal" met "Fair Trading Tribunal established under section 14 of the Fair Trading Act"....

MR SPEAKER

Nou kapab zis poz enn pti moman. *Panel* oubyen Manm napa okenn reaksyon lo sa bann amannman, sirtou lo kote *panel, accepted?*

MINISTER FLAVIEN JOUBERT

Nou'n aksepte Mr Speaker, tou le 3, mon krwar 3 amannman ki *LGB* in propoze. Mersi.

MR SPEAKER

Ok. Onorab. Ou a kontinyen *please*.

HON BERNARD GEORGES

Just for edification Mr Speaker, mon pe lir Seksyon 14 *of the Fair Trading Act*, i dir "*There is hereby established a tribunal known as the Fair Trading Tribunal*", se sa ki diriz mon amannman.

Mon krwar i annan ankor zis enn avek ou permisyon mon al lo paz 21, *clause 32* dan (a) ek (c), sa mo "*licences*", par

kont i devret avek en "s" e non pa ek en "c", "*l - i - c - e - n - s - e - e - s*" dan *in UK English*. E vwala mon pe propoz sa koman bann amannman, bann *simple amendments*. Mersi.

MR SPEAKER

Tre byen. Minis?

MINISTER FLAVIEN JOUBERT

Mr Speaker, petet *LGB*, i kapab klarifye eski i pe koz 30(2) ouswa 32? Akoz mon pa trouve sa ...

HON BERNARD GEORGES

Sorry, "32(2), 32(2) a and c". The word "licences" ki'n ganny soulinyen in the word document, tou lede i devret, "l - i - c - e - n - s - e - e - s". "32(2) a and c". The word, "licences, l - i - c - e - n - s - e - e - s". Mersi.

MR SPEAKER

Minis, *ok?*

MINISTER FLAVIEN JOUBERT

Wi, Mr Speaker, nou'n konpran prezan.

MR SPEAKER

Ok. Donk, *that's done*. Nou'n fini avek bann amannman? Onorab Cosgrow.

HON WALLACE COSGROW

Yes, Mr Speaker. Mr Speaker, mon pe – anmezir mon pe *go through* sa paz la, petet i en keksoz ki mon osi koman en Manm *Bills Committee* petet mon'n manke. Mon pa konnen si i konsekan en me solman petet *legal team* i kapab gid nou, si nou port latansyon lo 8(1) lo 8, avek 9, 8 i koz lo “*Term of appointment of Commissioners*”, e 9 i koz lo, “*Termination of Commissioners*”.

Now dan 9 i dir nou poudir Prezidan i kapab termin, “*The President may terminate the appointment of a Commissioner if the Commissioner*”, me solman dan 8 i pa dir nou lekel ki apwent *Commissioner*. So, mon pa konnen si nou le fer li annord, *then* si sa i pour tonm - ... *ah ok sorry* Mr Speaker mon lamannman i tonbe akoz aparaman i dan 7, i dan 7 *sorry* mon pa'n vwar 7 anler, *ok*.

MR SPEAKER

Ok.

HON WALLACE COSGROW

I *ok*, Mr Speaker. Mersi.

MR SPEAKER

Tre byen, nou'n terminen avek bann amannman. Lo kote Manm napa okenn obzeksyon

komanter? Tre byen, bann amannman in ganny aksepte, nou a repas dan Staz Lasanble pour *Third Reading*.

Nou a ganny Mosyon pour *Third Reading* silvouple.

HON BERNARD GEORGES

Mersi Mr Speaker. Mr Speaker, anba *Order 76(1)* nou *Standing Orders*, mon *move* ki *the Utilities Regulatory Commission Bill, 2023 as amended* i ganny lir en Trwazyenm Fwa. Mersi.

MR SPEAKER

Mersi. Segonde Onorab Arissol.

HON SANDY ARISSOL

Mr Speaker, Mosyon i ganny segonde. Mersi.

MR SPEAKER

Mersi. Manm a vote silvouple. Sa ki an faver lev lanmen? Mersi Manm ki kont? Lo *Formal Third Reading Utilities Regulatory Commission Bill, 2023 as amended*, 19 Manm in vot pour 0 kont e 10 in *abstain*. Donk, sa *Bill* in aprouve par Lasanble, e Madanm Clerk a fer *Formal Third Reading*.

MADAM CLERK

Mersi Mr Speaker. *This Act may be cited as the Utilities Regulatory Commission Act, 2023*. Mersi Mr Speaker.

MR SPEAKER

Mersi *Bill* in pase par Lasanble. So nou la avek sa – me i a reste mwan pour mwan remersye Minis e son delegasyon pour zot partisipasyon. Mon pa ti realize ki nou pour al osi vit ki sa, me selman se sa ki nou ti'n plan pour nou travay apre midi e dan *ABC* ler nou ti'n diskit *Order Paper*, i annan Mosyon me nou ti'n dir nou pour pran Mosyon pour Merkrede.

Alor mon a kit li koumsa menm pour an ka bann Manm in plan koumsa, san pour pres zot pour fer zot entervansyon si zot pa ankor fini. Alor nou a termin nou travay ozordi. Mon remersye bann Manm pour zot partisipasyon e ankor delegasyon nou a swet zot bon depar e bonn kontinyasyon.

Nou a *adjourn* ziska demen 9er. *Adjourn*.

(ADJOURNMENT)